

اختفاء مريم

رواية



داليا محمد رضا



اختفاء مريم

داليا محمد رضا

ستدياد للنشر والإعلام



داليا محمد رضا

ستدياد للنشر والإعلام

اختفاء مريم

مؤسسة سندباد للنشر والإعلام

مؤسسة ثقافية تطرح مشروعًا ثقافيًا جادًا على اعتبار أن الثقافة رسالة، من خلال تبني الإبداعات التجريبية الطموحة وتقديمها دون قيد أو شرط، مع احترام حرية التعبير، وتقديم المواهب المتميزة للحركة الأدبية، ونشر الإبداع الجيد، والتعريف بالكاتب عبر وسائل الاتصال المختلفة، والدعاية الجادة للمنتج الأدبي.

الكتاب: اختفاء مريم . رواية

الكاتبة: داليا محمد رضا . مصر

تنفيذ لوحة الغلاف للفنان: أحمد طه

الطبعة الأولى: يناير ٢٠١٠

الناشر: سندباد للنشر والإعلام بالقاهرة

مدير النشر: خليل الجيزاوي

موقع سندباد: <http://sendbad.net.ms/>

المراسلة: khalilelgezawy@yahoo.com

للتواصل ت: ٠١٠٥٨٧٠٥١٤ +٢٠٠

رقم الإيداع: ٢٠١٠/٣٢٩٦

الترقيم الدولي: x . ٧١ . ٥٩٦٦ . ٩٧٧ . 1 : N . B . S .
جميع حقوق الطبع محفوظة للناشر.. ويحظر إعادة النشر بكافة
الصور دون إذن كتابي من الناشر وإلا يقع تحت المساءلة القانونية.

داليا محمد رضا

اختفاء مريم

رواية

سندباد للنشر والإعلام

القاهرة ٢٠١٠

الإهداء

إلى والدَيِّ اللذَيْن علماني من الأخلاق أجملها ومن
القيم أنبله وإن كانت نادرة الوجود بعالمنا اليوم.

داليا محمد رضا

الفصل الأول

جلس د. عصام ود. فوزي أمام اللواء صفوت، وكان القلق والحزن الشديد يبدو على د. عصام، بينما د. فوزي يشرح للواء صفوت كيف اختفت ابنة د. عصام منذ يومين.

طمأن اللواء صفوت د. عصام قائلاً: أنا هتابع الموضوع بنفسني أنت متعرفش غلاوة د. فوزي عندي قد إيه؟!

قال د. عصام: مريم اختفت فجأة من الفيلا ومفيش أثر لخطف ولا حد من الشغالين في الفيلا حس بأى شخص غريب ولا شافها وهى خارجة من الفيلا، في الأول دورنا عليها في كل مكان في الفيلا وبعدين دورنا عند أقاربنا وأصحابنا ولما لقينا مفيش فايده سوسن مراتى قالت يمكن تكون اتخطفت واللى خطفوها هيطلبوا فدية، خفنا نبلغ البوليس يقتلوها، انتظرنا جنب التليفون لكن محدش اتصل ولا البنبت ظهرت.

فسأله اللواء صفوت: حد زعلها...؟

. أبداً يا فندم ...!

تدخل د. فوزي قائلاً: مريم بنت د. عصام الوحيدة والدكتور ميقدرش على زعلها.

فقال اللواء صفوت: هل ليك أعداء يا دكتور...؟!

. أبداً ...!

فقال د. فوزي: د. عصام جراح مشهور في البلد وعنده مستشفى استثماري في المعادى وعيادة فتحها في السيدة زينب بكشف مخفض للغاية وساعات بيعالج أهل الحى في المستشفى ببلاش. فأسرع د. عصام قائلاً: كلها حاجات بسيطة يا د. فوزي مفيش داعي نتكلم فيها.

فقال اللواء صفوت مطمئناً د. عصام: عموماً أنا هأهتكم بالبلاغ بنفسى والعميد عماد هيحقق في القضية وهنعمل تحريتنا ولو شكيت في حد بلغنا وهنعمل اللازم.

* * *

ذهب العميد عماد والرائد مدحت لفيلا د. عصام لفحصها والتحقق مع العاملين بها، الفيلا تتوسط مساحة كبيرة خضراء وبها ملحق للضيوف، يحيط بالفيلا سور عالٍ له باب رئيسي مأمّن جيداً يحرسه اثنين من الأمن، بالإضافة لعم محمد البواب وهو رجل كبير في السن، وهناك باب خلفي يحرسه رجل أمن واحد وكلاب حراسة. انتقل العميد عماد والرائد مدحت لفحص الفيلا من الداخل والتحقق مع من فيها، بدأ العميد عماد بسؤال مدام سوسن زوجة د. عصام.

. مريم عمرها كام سنة...؟!!

. ٨ سنين

. عندك صورة حديثة لمريم...؟

. طبعاً، قامت مدام سوسن بנדاء دادة سميحة

حضرت دادة سميحة قائله: أيوه يا هانم

. هاتى صورة مريم وكمان صورها يوم عيد ميلادها

سأل العميد عماد داده سميحة قائلا: داده تعرفي مريم كانت

لابسه إيه لما اختقت ...؟

. كانت لابسه فستان أبيض منقط بكحلي وعلى الوسط حزام ستان

كحلي متصوره بيه لَمَّا كانت بتلعب في الجنينه مع سوسن هانم

. هات صورتها بالفستان، هو عيد ميلادها كان قريب...؟!

. من أسبوعين بس يا بيه

. هاتى صور عيد ميلادها مع صورتها بالفستان

ذهبت داده سميحة لإحضار الصور وأستأنف العميد سؤال مدام

سوسن: مين بيشتغل هنا غير داده سميحة

. صفية مديرة المنزل وعم كامل السائق وعم محمد البواب

. والأمن على البوابة

— عصام متعاقد مع شركة الأمن المسئولة عن تأمين الفيلا وهى

المسئولة عنهم وبتغيرهم كل فترة.

. واضح أن دكتور عصام مهتم بأمن الفيلا!

قولي لى يا مدام الشغالين بيجوا الساعة كام وبيمشوا الساعة

كام...؟!

— صفية بس هي اللي بتيجى الساعة ٨ صباحًا وبتمشى الساعة

٨ مساء وبتتأخر ساعات لو فيه عزومة أو حفلة، عم كامل وعم محمد

بيباتوا في الغرفة جنب البوابة في الجنينه، عم كامل بيسافر لأهله في

البلد كل جمعة وعم محمد ملوش حد غيرنا، كان البواب بتاع الفيلا من أيام بابا، ولما مات بابا أنا كنت الوريثة الوحيدة وظل بواب للفيلا.
.وداده سميحة

.داده سميحة الداته بتاعتي ولما اتجوزت دكتور عصام كان عمر
مريم سنة وهى اللى ربته معايا وبتبات مع مريم في غرفتها.
قال العميد عماد وقد بدا عليه الاهتمام: هو حضرتك مش والدة
مريم؟

.أنا مرات باباها لكن أنا اللى ربته وهى زى بنتى وأكثر
.وفين مامتها...!؟

— مامتها ماتت وأنا انفصلت عن جوزى لأنى مكنتش بخلف
وتعرفت على دكتور عصام، كان مساعد بابا وكان بابا معجب بتفوقه
كطبيب جدًا وأنا كمان أعجبت به واتجوزته ومن يومها ومريم بنتى اللى
مخلفتهاش

.تفتكرى إن حد خطفها ولا خرجت وتاهت ومعرفتش ترجع

— لو كان حد خطفها كان طلب فدية ومش ممكن تخرج من غير
منقولى، هى مش متعوده تخرج لوحدها حتى لو هتقابل أصحابها فى
النادي بتخرج مع دادة سميحة وعم كامل بيوصلهم.

لاحظ العميد عماد الدموع تلمع في عين مدام سوسن وقلقها يزداد
فحاول تهدأها قائلاً: اطمنى يا مدام إن شاء الله هتكون بخير وهنوصل
لها بس يا ريت تتعاونوا معانا، أي معلومة مهما كانت صغيرة ممكن
تفدنا.

جاءت دادة سميحة ومعها الصور .

. اتفضل يا بيه الصور .

أخذ العميد عماد الصور وأستاذن من مدام سوسن لفحص غرفة مريم واصطحبته دادة سميحة للغرفة بينما اعتذرت مدام سوسن؛ لأنها لا تستطيع دخول الغرفة من يوم اختفاء مريم.

* * *

أخذ العميد عماد يفحص الغرفة جيدًا، تبدو الغرفة حقًا لطفلة مرفهة سرير وثير ومرتب، صندوق كبير ملئ بالألعاب، مكتب وكمبيوتر والعديد من الـ CD لأفلام الكرتون وألعاب الكمبيوتر، لا تبدو على الغرفة أي آثار عنف أو اختطاف، سأل العميد دادة سميحة: أنت رتبتي الغرفة بعد اختفاء مريم...؟!!

. الغرفة زى ماهية من يوم ما رتبها يوم اختفاء مريم

. دادة احكي لى اللى حصل يومها ومين اللى اكتشف اختفائها

- يومها كان يوم جمعة مكنش عندها مدرسة صحتها الساعة ١٠

وجبت لها الفطار في السرير زى ما هي متعودة واطمنت أنها فطرت

ورببت السرير وسألتها هتلعب في الجنيه قالت لى لأ

هلعب على الكمبيوتر، نزلت أساعد صفية في المطبخ، الساعة ١٢

رحت أطمئن عليها ملقتهاش في الغرفة أتصورت أنها في الجنيه نزلت

أدور عليها ملقتهاش في أي مكان سألت الأمن على البوابة محدش

شافها.

. ومدام سوسن كانت فين...؟!!

. كانت نايمه فى غرفتها .
. من عاداتها تنام لوقت متأخر .
- لأ لكن اليوم اللى قبله كان أخو الدكتور ومراته وولاده معزومين
على العشاء ونامت متأخر .

. ومريم سهرت معاهم ؟
. مريم اتعشت معاهم وبعدين طلعت لغرفتها ونامت .
— مريم مسهرتش تلعب مع أولاد عمها ليه يا داهه خصوصاً أن
تانى يوم كان أجازة .

صمتت داهه سميحة وبدا عليها الإرتباك
. داهه كلمينى بصراحة

. بصراحة الدكتور بيخاف على مريم أوى، بعد العشا ومريم بتلعب
مع أولاد عمها تامر وياسر وجميلة فى الجنينه وبيجروا وقعت وعطت
وراحت تشتكى للدكتور غضب الدكتور وزعق لأولاد أخوه والحكاية
انقلبت لخناقة كبيرة بينه وبين أستاذ فتحي أخوه، اتهمه الدكتور أنه عايز
يموت بنته الوحيدة، خرج أستاذ فتحي هو ومراته وولاده وهو بيحلف أنه
مش هيدخل بيت الدكتور أبداً، وقال لمدام سوسن جوزك هيتجنن من
خوفه على بنته، راحت مريم تنام وسهرت مدام سوسن والدكتور لوقت
متأخر بغرفة المكتب .

. أستاذ فتحي بيشتغل إيه...؟!!

. محاسب يا بيه وعنده مكتب محاسبة

. مستواه المادي زى الدكتور

— هو من ٥ سنين كان محاسب في بنك ولما الأرض ميراثه هو والدكتور دخلت كردون مبانى باع هو والدكتور الأرض وأستاذ فتحى فتح بنصيبه مكتب المحاسبة.

. العلاقة بين الدكتور وأخوه شكلها إيه بغض النظر عن الخناقة؟
— مش قوية الدكتور دايمًا بيقول إنه طمعان فيه؛ لكن بعد أستاذ فتحى ما فتح المكتب وأموره المادية اتحسننت مدام سوسن أفنعت الدكتور بتحسين علاقته بأخوه علشان مريم تعرف أولاد عمها ولما تكبر متحسش أنها وحيدة.

. شكرًا ياداده لو افكرتى أى حاجة مهمة بلغينى!!
خرج العميد عماد من الغرفة وهو يتمتم قائلًا : أستاذ فتحى.

* * *

بينما العميد عماد يحقق مع من فى الفيلا كان الرائد مدحت يحقق مع رجال الأمن بدءًا بصالح رجل الأمن على البوابة الخلفية.
. بتشتغل هنا من إمتى...؟!.

— من ٧ شهور تقريبًا أنا وكل رجال الأمن هنا شركة الأمن بتغير الحراسة كل فترة بالاتفاق مع دكتور عصام
. آخر مرة شفت مريم أمتى...؟!.

. اليوم اللى قبله لمحتها من بعيد بتلعب مع داهه سميحة
. يوم اختفائها تركت البوابة ولو دقائق
رد صالح مسرعًا: لأ يا بيه أنا طول فترة الحراسة عيني عن

البوابة

. فترة حراستك تبدأ الساعة كام وبتنتهى الساعة كام...؟!
— تبدأ ١١ صباحًا وبتنتهى ١١ مساء و طوال ١٢ ساعة يا بيه
مبتحركش من على البوابة
. افكر كويس يومها مارحتش هنا ولا هنا...؟
. أبدًا يا بيه...!
. يومها ملاحظتش أى حركة غريبة فى الجنينه ؟
. لأ يا بيه
. تعاملت مع مريم انطباعك عنها إيه ؟
— هى مدلعة شوية دكتور عصام مبيرفضش لها طلب؛ لكن
ساعات بيزعق لها من خوفه الزايد عليها لما بتحب تلعب وتنتطت زى
الأطفال اللى فى سنها وفى مرة وهى بتلعب مع سيزر الكلب (وأشار
صالح لكلب الحراسة الواقف على البوابة الخلفية) أصلها بتحب تلعب
مع الكلب والكلب متعود عليها ويحبها جدًا، الدكتور شافها وجري
عليها بلهفة وزعق لها جامد ونبه عليا أمنعها تلعب مع الكلب وخصم
منى ٣ أيام لولا مدام سوسن توسطت لى عنده ولغى الخصم.
. مدام سوسن بتخاف عليها زى دكتور عصام
— هى بتحبها وتخاف عليها لكن مش بزياده زى الدكتور حتى أنا
استغربت لما عرفت من شوقى أنها مرات باباها
. مين شوقى...؟!
. شوقى اللى بيحرس البوابة بالليل وأنا بستلم منه الحراسة الصبح
. وعرف منين...؟

- سمع الدكتور بيزعق وبيقول للمدام أنت مش خايفة عليها عشان

مش بنتك

. هما بيتخنفوا كتير ؟

- أبدأ يا بيه الشهادة لله أنا عمرى مسمعتهم بيتخنفوا حتى زمايلنا

الى كانوا بيحرسوا الفيلا قبلنا بيشكروا فيهم.

. سمعهم بيتخنفوا أمتى...!؟!

. قبل اليوم اللي اختقت فيه مريم

ذهب الرائد مدحت لإستكمال التحقيق مع رجال الأمن على

البوابة بينما تنفس صالح الصعداء لعدم كشف سره!

حقق الرائد مدحت مع رجال الأمن على البوابة الرئيسية فالاثنتين

لم يأتوا بجديد لقد أجمعوا على أن الدكتور وزوجته طيبين القلب هادئين

الطبع يحبون ويدلون ابنتهم الوحيدة كثيراً مع خوف الدكتور عصام

الزائد عن اللازم، حاول الرائد مدحت التحقيق مع عم محمد لكنه وجد

تائهاً عن العالم الذى حوله، يتكلم عن مدام سوسن على أنها طفلة

صغيرة ولا يميز ما حوله بالإضافة إلى أنه ضعيف السمع.

* * *

قابل العميد عماد مدام سوسن بعد فحص الغرفة والتحقيق مع

داده سميحة، وطلب مقابلة صفية مديرة المنزل ليسألها بعض الأسئلة

واصطحبته مدام سوسن للمطبخ لمقابلة صفية.

قالت مدام سوسن: سيادة العميد عايز يسألك بعض الأسئلة يا

صفية

. تحت أمرك يا بيه

. آخر مرة شفتى مريم كان أمتى...؟!.

— يا بيه أنا طول اليوم فى المطبخ ومن ساعة متعورت الهانم الصغيرة بالسكينة وهى هنا والهانم والبيه محرجين عليها دخول المطبخ.

. سمعتى باختفائها أمتى...؟!.

— حوالى الساعة ١٢ الظهر سألتنى دادة سميحة لو كنت شفتها

وسألتها ليه هى مش فى غرفتها...!.

انصرف العميد عماد بعد أن طلب من سوسن عنوان أستاذ فتحى، بينما جلست صافية تتذكر هذا اليوم المشئوم الذى جرحت فيه مريم نفسها عن غير قصد، وكيف غضب دكتور عصام وهدد صافية بالطرده من المنزل؛ لأنها لم تتابع مريم جيداً حتى جرحت نفسها، وكيف كان الدكتور فى حالة غير طبيعية لم ترى الدكتور عليها من قبل وكيف أهانها وقال لها إن نقطة الدم الواحدة من ابنته تساوى ١٠ من أمثالها.

* * *

ذهب الرائد مدحت لشركة الأمن، طلب عناوين رجال الأمن بالفرة المسائية؛ لكنه قابل هناك شوقى حارس البوابة الخلفية مساء، كان ذاهباً للشركة لطلب أجازة فعرفه بنفسه وسأله بعض الأسئلة قائلاً:

آخر مرة شوفت مريم كان أمتى...؟!.

. يوم عيد ميلادها

. معقولة مشفهاش كل الفترة دى...?!.

. ده طبيعى بحكم عملى بالفترة المسائية

. صالح قال إنك سمعت خناقة بين مدام سوسن ودكتور عصام

. أيوه يا بيه

. كان إيه سبب الخناقة...؟!.

— كانت مدام سوسن بتقله يقلل خوفه على مريم شوية وأنه بكده

بيخنق البنت وده مش كويس على نفسيتها وقالت له كمان إن مريم

أصبحت منطوية على نفسها وتجلس بالساعات فى غرفتها أمام

الكمبيوتر تتكلم مع ناس متعرفهمش من خلال الأنترنت.

. وهو كان رده إيه...؟!.

— زعق وقالها وأنت فين قريى منها بدل قعدتها لوحدها؛ لكن هى

قالت له أنت عارف أنا بحبها وهى كمان بتعتبرنى مامتها لكن دى طفلة

محتاجة تلعب وتجرى مع اللى فى سنها.

. وبعدين أيه اللى حصل ؟

— أبدا قال لها أنت مبتخفيش عليها؛ لأنها مش بنتك وواضح أنه

جرحها بالكلام ده؛ لأنها مرتدش ونزلت الجنينه لكن الدكتور نزل وراها

واضح أنه أعتذر لها.

. متعرفش الكلام اللى دار بينهم لما نزلوا الجنينه...؟!.

- لأ يا بيه أنا واقف على البوابة الخلفية أنا بس لمحتهم من بعيد،

أنا سمعتهم لما كانوا فى غرفة المكتب عشان هى ناحية البوابة الخلفية.

— على العموم لو افكرت أى حاجة ممكن تفيدنا فى القضية

اتصل بيا

وأعطى الرائد مدحت رقمه لشوقى.

وذهب للتحقيق مع زكريا ونهاد حارسى البوابة الرئيسية مساء
وأكدوا أيضا المعلومات التى أخبره بها زملاءهم.

* * *

كثف العميد عماد جهوده للبحث عن مريم، وقام بعمل نشره
بأوصافها ووزعها على جميع الأقسام وبحث عنها بجميع المستشفيات
وحتى بين أطفال الشوارع دون جدوى، وأصبح لدى العميد عماد شبه
يقين أنها خطفت وطلب دكتور عصام لمقابلته بمكتبه بالمباحث.

قال د. عصام بلهفه: لقيت مريم...!

. للأسف لأ...!

قال د. عصام بغضب: يعنى إيه البنت مختفية من ٣ أيام
وحضرتك تقولى للأسف لأ...!

. اهدأ يا دكتور من خبرتي أكيد بنت حضرتك اتخطفت بس غريبة

أن محدش اتصل بك يساومك...!

. وبعدين أنا هاتجنن لو حد خطفها متصلش كل ده ليه...؟

— يمكن حد بينتقم من حضرتك أو اختفاء مريم من مصلحته..

بتشك فى حد يا دكتور...؟!

. أنا بشك فى كل الناس المهم تجيب لى بنتى.

— أوعد حضرتك أنى هاعمل اللازم بس أنا عايز معلومات أدق

عن كل المحيطين بحضرتك وخصوصًا المترددين على بيتك؛ لأن لو

مريم اتخطفت أكيد اللى خطفها واحد مريم تعرفه كويس وبتظمن له

عشان كده غرفتها مفيش فيها آثار عنف، الاختفاء حصل ما بين الساعة ١٢ و١٠ الظهر حسب أقوال دادة سميحة يعنى فى عز الظهر وده معناه أن مريم غالبًا خرجت مع اللي خطفها بإرادتها.

. يمكن اللي خطفها نايمها وبعدين خرج بيها من الفيلا

— من خبرتى لو خطفوها بالطريقة اللي بتقولها كان أحسن له يخطفها بالليل؛ لكن الوقت اللي اختفت فيه بيأكد أن اللي خطفها عارف ومتأكد أن دخوله وخروجه من الفيلا عادى ومحدث هيشك فيه.

أخرج العميد عماد من درج مكتبه صور مريم فى عيد ميلادها قائلا : دى صور عيد ميلاد مريم أكيد فيها معظم أقاربكم ومعارفكم وأصحابكم لاحظت تكرار بعض الأشخاص مع مريم فى الصور واضح أنهم من المقربين لمريم عايز حضرتك تتعرف عليهم وتخبرنى لو بتشك فى حد فيهم.

. معنديش مانع

أخذ العميد عماد الصور ليريهها للدكتور وأشار للصورة الأولى قائلا : مين ده يا دكتور أنا لاحظت أنه متصور مع مريم أكثر من صورة

. ده حاتم بيشتغل فى المستشفى عندى الصبح تمرجى وبالليل فى عيادتى وروحه فى مريم بيحبها أكثر من بناته كان بيشتغل فى المستشفى من زمن وبعدين شغلته فى العيادة أصل ظروفه صعبة وكننت عايز أساعده.

. متعود يجى لحضرتك البيت ؟

— كثير أنا لَمَّا بحتاج أى حاجة من البيت وأكون مشغول
مبستأمنش حد غيره يجيبها من البيت.

أشار العميد لصورة أخرى : ومين اللي فى الصورة ده ...؟!
. أخويه فتحى ومراته وولاده
. علاقتك بيه شكلها إيه ...?!.

— دائما طمعان فيا وحاقد عليا ولما ظروفه المادية اتحسننت بعد
بيع أرضنا اللي وراثاها، فتح مكتب محاسبة، وسوسن أفنعتتى أنه أكيد
مش طمعان فيا؛ لأن ظروفه اتحسننت وأحسن لمريم تعرف عمها وأولاد
عمها،
. بتشك فيه ؟

— أنا مبشكش فى حد غيره مفيش حد من مصلحته اختفاء مريم
غيره ولو حصل لمريم حاجة مش هيطول ولا مليم من فلوسى هاوصى
بالتبرع بها للجمعيات الخيرية.
. اظمن هنحقق معاه وهنحتة تحت المراقبة.

عرض العميد عماد باقى الصور على دكتور عصام صورة تلو
الأخرى واحدة لمريم مع داهه سميحة وأخرى مع مدام سوسن وصديقتها
المقربة ليلي وأخرى مع دكتورة نبيلة من طاقم الأطباء المساعدين
للدكتور عصام.

* * *

طلب العميد عماد معلومات مفصلة من الرائد مدحت حول
العاملين بفيلا دكتور عصام والمتريدين على الفيلا وخصوصًا أستاذ
فتحي قبل التحقيق معه بشكل رسمي.

أحضر الرائد مدحت المعلومات المطلوبة.

وبدأ الرائد مدحت فى استعراض المعلومات التى توصل لها وبدأ
بالعاملين بالفيلا.

. داهه سميحة ٥٥ سنة تعمل لدى أسرة مدام سوسن من ٣٠ سنة،
لم تفارق مدام سوسن حتى بعد زواج مدام سوسن الأول والثانى خروجها
من المنزل قليل جدًا، مقطوعة من شجرة، مريم متعلقة بها جدًا، صفية
مديرة المنزل ٣١ سنة، ليسانس آداب قسم فلسفة، عملت مديرة منزل
لعدم توافر فرص العمل ولظروفها المادية الصعبة، متزوجة من
ميكانيكى (خريج آداب قسم علم نفس) لديها ولدين، عم محمد البواب
فوق السبعين مصاب بالزهايمر، ليس له عمل حقيقى؛ لكن مدام سوسن
محتظة به؛ لانه ليس له مكان يعيش به، له ولد واحد مهاجر أستراليا،
ومن يوم ما هاجر، مافيش أى أخبار عنه، عم كامل السائق ٥٠ سنة
متزوج وله ٣ بنات، عائلته تسكن بطنطا يسافر لهم كل يوم جمعة،
عمله مختص بمريم ومدام سوسن؛ لأن الدكتور لديه سيارة أخرى
بيسوقها بنفسه، رجال الأمن أسامة ٣٣ سنة متزوج وله بنت وولد،
جمال ٢٩ سنة أعزب، الاتنين بيحرسوا البوابة الرئيسية من ٩ صباحًا
حتى ٩ مساءً، زكريا ٣٧ سنة أعزب مسئول عن أمه وأخواته البنات بعد
موت والده، نهاد ٢٥ سنة أعزب الاتنين بيحرسوا البوابة الرئيسية من ٩

مساءً حتى ٩ صباحًا، صالح ٢٨ سنة أعزب يحرس البوابة الخلفية من الساعة ١١ صباحًا إلى ١١ مساءً، شوقى ٣١ سنة متزوج حديثًا لديه طفلة حديثة الولادة عمرها أربعة أيام.

. أربعة أيام

. أيوه يا فندم

— صدفه غريبة مش ملاحظ أنها اتولدت فى نفس اليوم اللي

اختقت فيه مريم.

. فعلا يا فندم

. كمل باقى المعلومات بعدين نبحت فى الموضوع ده

— أستاذ فتحى العمر ٣٧ سنة بكالوريوس تجارة، الوظيفة محاسب

ويمتلك مكتب محاسبة من ٥ سنين يديره هو وزوجته نادية ٣٥ سنة كانت جارتة وزميلته بالجامعة، تزوجوا من ١١ سنة بعد قصة حب طويلة أنجبوا ثلاثة أطفال تامر وياسر وجميلة، معروفًا عنه النزاهة والشرف والدقه والحزم فى العمل، مستقيم ليس له علاقات نسائية، يقضى كل أجازاته مع زوجته وأولاده.

— أنت متأكد من المعلومات دي يمكن يكون ده مجرد ماسك

لابسه قدام الناس وما خفيا كان أعظم!...

. ده اللي توصلنا ليه!...

— استمر فى مراقبته أصل مش معقول هو رجل مستقيم ومحاسب

ناجح وأخوه الوحيد دكتور ناجح وطيب وببساعد الغلابة ليه على خلاف مع بعض.

تردد الرائد مدحت ثم قال: في معلومة مش أكيدة عرفتھا من واحدة من جيرانهم القدام فى إمبابة أن دكتور عصام كان بيحب مدام نادية؛ لكنها فضلت أخوه عليه.

قال العميد عماد مبتسمًا: ابحت عن المرأة، مش يمكن هى اللى بتعرض أستاذ فتحى على أخوه، معرفتش من جارتهم القديمة أى حاجة تانية مهمة...!

- الحقيقة هى قالت كلام غريب جدًا قالت إن دكتور عصام من صغره وهو بيبيص للى فى أيد غيره، وأنه من ساعة ما دخل كلية الطب وهو متتك ومحدث عارف يكلمه، ودايمًا كان فى خلاف مستمر مع والده؛ لكن والدته كانت بتحبه ودلعته أصله طالع لها بيحب الفلوس زى عينيه، ومن ساعة ما والدته ماتت وتخانق مع والده خناقه لرب السما وهو ترك البيت وقطع علاقته بوالده وأخوه، وبعد ٥ سنين مات والده وجاء الحاره يعزى أخوه لكن كان واحد تانى فلوس وعربية آخر موديل، وبعد كده سمعنا أن الأرض اللى ورثها الدكتور وأخوه دخلت كردون المبانى، وعزل أستاذ فتحى ومراته من الحارة، وربنا فتح عليه من وسع، ومن يومها ومحدث فى الحارة يعرف حاجة عن الدكتور ولا أستاذ فتحى...!

- فعلا ده كلام غريب المهم لو كان مش أستاذ فتحى وراء اختفاء مريم مين تانى له مصلحة، جبت معلومات عن باقى المحيطين بدكتور عصام...؟!

— أيوه يا فندم حاتم تمرجى بمستشفى الصفا من ١١ سنة ويعمل
بعيادة دكتور عصام، مقرب جدًا منه والكل عارف أن الدكتور عصام
مبيرفضش له طلب، الكل بيقول إن سبحان مغير الأحوال زمان كان
حاجة ودلوقتى حاجة تانية خالص، زمان أول ما أشتغل فى المستشفى
كان بتاع مشاكل ودكتور فخرى كذا مرة كان هيطرده ولما اشتغل دكتور
عصام مساعد لدكتور فخرى، حاتم اتقرب من دكتورعصام وحاله أتبدل
وأصبح ملتزم فى العمل وبعد فترة التزم دينيًا وببصلى الوقت بوقته، ولما
دكتور فخرى مات ومسك دكتورعصام إدارة المستشفى بقي بيصرف له
مكافآت كتيرة بحجة أنه غلبان وصاحب عيال، وشغله فى عيادة السيدة
زينب اللى قريبه من سكن حاتم فى نفس الشارع، جيرانه بيقولوا نفس
الكلام إنه كان بلطجى وصايح وبعدين ربنا هداه وأصبح تقوى وإيمان
ولبس مراته النقاب، مراته ست بيت وعنده ٥ بنات وولد واحد مات من
سنتين فى حادثة عربية وزعل عليه جدًا؛ لأنه الولد الوحيد وجه بعد
شوقه وفكر يتجوز تانى عشان يخلف ولد ودور فعلا على عروسة؛ لكن
فجأه رجع فى كلامه وقال إن بيته ومراته أولى باهتمامه.

— متدين وتقى وقريب جدًا من دكتور عصام يعنى لواحد عايز
ينتقم من دكتور عصام ممكن يستخدمه بشكل ممتاز.

. لكن ملوش مصلحة وواضح أن الدكتور كريم معه جدًا.

— ممكن من غير قصد ببسرب معلومات مهمة عن الدكتور وبيته
وبنته أو بقصد لو مثلا أى شخص أقنعه أن الدكتور كافر، راقبه ٢٤
ساعة فى ال ٢٤ ساعة ميغبش عن عينك لحظة.

. حاضر هاحته تحت المراقبة.

— من المعلومات اللي جبتها مستشفى الصفا مش ملك دكتور

عصام

— كانت ملك دكتور فخرى والد مدام سوسن ولمّا مات ورثته بنته الوحيدة وبعد ما ورث دكتور عصام والده عمل توسعات بالمستشفى وأصبح شريك بنسبة ٣٠%، عارف يا فندم أنا بعنقد أن ممكن يكون الدكتور فعلا هو الطماع لكن دكتور شاطر قرب من دكتور فخرى وبنته واستغل أنها مبتخلفش وهو عنده بنته من مراته اللي ماتت اتجوزها، ولأن أخوه عارفه على حقيقته وفي نفس الوقت اتجوز اللي كان بيحبها بعد عنه بحجة أنه طمعان فيه ولمّا ورث هو وأخوه وربنا فتح على أخوه ملقاش حجة يقولها لمراته لمّا ضغطت عليه عشان يرجع علاقته بيه فاستجاب لها واللى فى القلب فى القلب.

— يا حضرت الضابط احنا ملناش دعوى بماضي الدكتور الرجل

مقدم بلاغ باختفاء بنته واللى علينا أننا ندور عليها ونرجعه له.

— يا فندم لو هو فعلا طماع يمكن يكون داس على ناس كثير

عشان يوصل للى هو فيه وفي الحالة دي مش هيقول لنا أعداءه اللي ممكن يكون مش فاكلهم أصلا واحنا لازم نعرف أعداءه عشان نوصل.

— لو افترضنا أن نظريتك صح ليه بيعمل الخير ده كله كشف

مخفض للغلابة وعمليات ساعات ببلاش...!؟

- يمكن يكون إحساس بالذنب بيحاول يكفر عن أخطائه، في ناس

عشان توصل لهدفها بتعمل كل حاجة مشروعة وغير مشروعة ولما

بتوصل لهدفها يبدأ الإحساس بتأنيب الضمير ، ويمكن يكون عشان كده
بيحب حاتم التمرجى ؛ لأنه شايف فيه نفسه طماع فاسد وانقلب حاله ،
حاتم ميقدرش يكفر عن أخطائه غير بالصلاة والصوم ويمكن الدروشة ،
لكن الدكتور بيكفر عن أخطائه على طريقة الأغنياء اللي بعد تكوين
ثروة كبيرة بكل الطرق بيفتكروا الغلابة اللي يمكن يكونوا داسوا على
ناس زيهم كثير وهم في مشوار تكوين الثروة .

. أنت رأيك إيه ...؟! .

. نعمل تحريات عن الدكتور مفصلة يمكن نوصل لحاجة مهمة

. موافق ابدأ فوراً ...!

. حاضر يا فندم ...!

* * *

الفصل الثاني

جلس دكتور عصام بمكتبه بالمستشفى يتأمل صورة ابنته؛ لقد مرّ أربعة أيام ولم يتوصل البوليس لها أو لأي معلومة تطفئ ناره، قفزت فجأة في رأسه ذكرى والدتها همسة، لقد كانت اسمًا على مسمى وتذكر كيف لفتت نظره أول مرة عندما دخلت تسندها صديقتها للمستشفى الحكومي الذي تم تكليفه بها بعد تخرجه، كانت تعاني من ألم بجانبها الأيمن ووقفت صديقتها بالاستقبال لا تعرف ماذا تفعل؟! لم يفوت الفرصة وقدم نفسه وعرض المساعدة وأنهى الإجراءات بالاستقبال، وحولت لغرفة العمليات، لم يكن هناك شيء خطير، كانت تعاني تضخم بالزائدة الدودية وتم استئصالها، كانت رقيقة وجميلة ولكن ليس هذا ما لفت نظره لها، ما لفت نظره لها مظهرها الذي يدل على أنها من أسرة غنية، فقرر أن ينسج حولها خيوطه، طلب رقم تليفونها بحجة الاطمئنان عليها، وتعددت المكالمات ثم اللقاءات، نظر لها على أنها فرصته الوحيدة لتحقيق أحلامه، فرغم تفوقه بالدراسة تخطوه بالجامعة؛ لتعين ابن رئيس القسم، وتم تكليفه بهذه المستشفى الحكومي، وفي نفس الوقت لا يمتلك ما لا لفتح عيادة، ويسكن مع اثنين من زملائه بالعمل في غرفة فوق السطح، لم يجد غيرها، بعد خناقته مع والده وتركه للمنزل؛ لأنه فاتح والده في أنه يريد خطبة نادية جارتهم؛ لكن والده رفض وثار عليه؛ لأنه يعرف جيدًا أن نادية مرتبطة بأخيه

وسيتزوجها بعد تخرجه، خرج من المنزل وهو يقسم أنه لن يرجع إلا إذا أصبح دكتورًا ناجحًا وثريرًا حتى تندم نادية على أنها فضلت أخيه؛ وليثبت لوالده أنه أفضل من أخيه الذي كان يشعر دائمًا أنه يحبه أكثر منه.

وتأكد بمرور الوقت أن همسة بالفعل هي التي تستطيع أن تحقق أحلامه، فوالدها مدرس كيمياء سافر لدول الخليج ١٠ سنوات، وعندما عاد أسس مدرسة خاصة بمنطقة الدقي، وبعد فترة تعددت فروع المدرسة بأرقى مناطق القاهرة، وأصبحت له علاقات قوية بأرقى العائلات؛ ولكن كانت هناك مشكلة أخذت كل تفكيره، هل والد همسة سيوافق عليه، وهو في هذه الظروف خصوصًا أنه عرف من همسة أن أختها الكبرى متزوجة من رجل أعمال وأختها التي تليها مخطوبة لملحق تجارى بالخارجية، فقرر ألا يترك الأمر للظروف، وضع خطة محكمة وأبلغ همسة أنه مرشح لبعثه بالخارج ويخاف أن تضيق من يده وأقنعها بأن تتزوجه عرفيًا، رفضت في البداية وأكدت له أنها تستطيع إقناع والدها بأن يوافق عليه خصوصًا أنه مرشح لبعثه للخارج؛ لكنها وافقت بعد أن علمت أن ابن شريك والدها بشركة المقاولات التي تم افتتاحها حديثًا يريد أن يتزوجها ووالدها موافق عليه، وبعد فترة طلب مقابلتها بالشفقة التي يتقابلان بها؛ ليخبرها أن البعثة طارت منه، وأن هذه البعثة كان يعلق عليها كل آماله وأحلامه، جلست تواسيه وفجأة رن جرس الباب وذهب عصام؛ ليفتح الباب فإذا بوالد همسة، يتذكر عصام جيدًا كيف كانت حالة همسة عندما رأته كاد يغشى عليها، وكيف اندفع والدها إليها

بغضب، وقف عصام بالطبع موقف شهامة وأخبره أنها زوجته وأنه يحبها جدًا، أخذها والدها للمنزل؛ ولكن بعد أن توعدده عصام أنه سيبلغ الشرطة إذا تعرض لها بأذى، بالطبع كان الموقف صعب على همسة، وفي نفس الوقت والدها، ولكن لم يكن كذلك على عصام، فهذا ما كان يريده، أن يضع والدها أمام الأمر الواقع؛ ليجبره على الموافقة على الزواج الرسمي وأمام الناس، ما لم تعرفه همسة ولا والدها أنه هو من اتصل بوالدها وأخبره أن ابنته تواعد شابًا وأنهما يتقابلان بشقة خاصة وأعطى له العنوان وادعى أنه فاعل خير

جلس عصام يتذكر كيف سيطر عليه القلق بعد مرور يومين؛ لأنه لا يعرف كيف تسيير الأمور على الجانب الآخر، وقرر الذهاب إلي منزلها بعد انتهاء عمله بالمستشفى، في نفس الوقت أصيبت همسة بانهايار عصبي حاد، وحاولت الانتحار ونقلت للمستشفى، وتم إنقاذها وطلب والدها أكبر طبيب نفسي بالبلد؛ ليأخذ رأيه في حالتها، طلب الطبيب تنفيذ ما تريد؛ لأنها لو ظلت على حالتها فهناك احتمال كبير أن تحاول الانتحار مرة أخرى، رق قلب والدها وانهارت مقاومته أمام دموعها، فوجئ عصام وهو بالعمل بمن يخبره أن له تليفون مهم بالاستقبال، وإذا بوالدها يطلب منه الحضور؛ لأنه يريد التقاهم معه، ذهب مسرعًا وصارحه بكل ظروفه واتفقا معًا على إتمام الزواج الرسمي وعمل فرح كبير بأكبر الفنادق، وهكذا مرت الأحداث كما رتب لها وبعد فترة تودد لوالدها كثيرًا واستجاب والدها لتودده وخاصة بعد أن تأكد والدها أنه غير طامع في أمواله، فلم يطلب منه ما لا أبدًا، ولكن بطريق

غير مباشر طلب من همسة أن تتوسط عند والدها؛ ليجد عمل له بمستشفى استثماري كبير، أفاق دكتور عصام من ذكرياته على دقائق على باب مكتبه من دكتورة نبيلة مساعده؛ لتخبره أن غرفة العمليات جاهزة لعمل عملية تقنيت الحصى بالكلى لعم محروس.

* * *

ذهب العميد عماد لمكتب أستاذ فتحي وطلب من السكرتيرة مقابلته ودخل إلى مكتبه.

. العميد عماد من المباحث.

. أهلا وسهلا اتفضل استريح.

. شكراً، طبعاً عرفت باختفاء مريم بنت د. عصام أخوك.

— أيوه ورحت أظن عليه وعلى مريم وأعرف لو كان وصل لأي

معلومات وللأسف اتعصب عليا واتهمني أنى وراء اختفائها.

. فعلا هو بيتهمك لأنك الوحيد اللي له مصلحة باختفاء مريم

. أفهم من كده أنى متهم ويتحقق معايا ؟

— إحنا لسه بنحقق في الموضوع ومبنوجهش لك اتهام رسمي،

مممكن تعتبرها دردشة.

— أنا تحت أمرك ولو أقدر أساعد فى أي حاجة مش هتأخر،

البنت ملهاش ذنب فى تصرفات أخويا ويهمني أنكم توصلوا لها.

. تفكر أخوك له أعداء...!؟

. مقدرش أحدد بالضبط، أنا علاقتى بيه كانت مقطوعة مدة طويلة

. وأمتى اتجددت العلاقة بينكم.

— من خمس سنين مات والدي ونشرت النعى في الجريدة وعرف
عصام وجه العزا وكان واحد تانى.

قاطعته العميد عماد قائلا: تقصد إيه بواحد تانى عشان غنى
ودكتور ناجح.

— حكاية النجاح والغنى أنا كنت عرفتھا لما بدأت أخبار نجاح
عملياته تنتشر في الجرايد كنت متابعتها ده مهما كان أخوي الوحيد
وصدقني فرحت له من كل قلبي، لما حضر العزاء كان واحد تانى في
طباعه، عصام كان دايمًا عصبي يفقد أعصابه لأنفه الأسباب متجهم
الوجه متعال على الناس، لكن اللي شفته قدامى شخص هادى بشوش
متواضع.

. تفكر إيه اللي غيره...؟!!

— أعتقد أن العمل كجراح يحتاج إلى هدوء أعصاب ويمكن يكون
اكتسب من عمله هذه الصفة والحقيقة أنا كنت سعيد أنه أتغير للأحسن،
المهم أنه عرض عليا يشتري نصيبي في الأرض اللي ورثاها من والدي
بحجة أنه عارف ظروفى وهو فعلا عرض مبلغ كبير عليها لو كانت
مدخلتش كردون مباني ولسه أرض زراعية؛ لكن أنا بلغتھ أنها بقت
ارض مبانى

. واشترى نصيبك بعد ما عرف ؟

— الحقيقة لأ عرضناھا للبيع وكل واحد خد نصيبه، عارف
حضرتك أن والدى عرض عليا يكتب الأرض باسمى وأنا رفضت ولما

مات لقيت عقد ابتدائي للأرض باسمي، ورغم كده اعتبرت أن العقد كأن لم يكن واكتفيت بنصيبي الشرعي.

. العلاقة بينكم بعد كده كانت إزاي.

— اقترحت عليا نادية مراتي يوم افتتاح المكتب أعزمه هو ومراته وبنته وفعلا حضروا كلهم الافتتاح واندمجت نادية مع مدام سوسن مرات أخوي جدًا وبعد أسبوعين اتصلت مدام سوسن تعزمننا على العشا وتوالت الزيارات وأصبحت العلاقات بنا متصلة.

. وإيه الحصل بعد كده ...؟!!

— في البداية كان خوفه على مريم زيادة؛ وده منطقي؛ لأنها بنته الوحيدة، لكن من سنتين خوفه أتحوّل لقلق زايد عن الحد وبدأ يضايق البنّت، متجريح متلعبيش لدرجة أن البنّت كانت بتصعب عليا وكل ما أوجهه أو أعاتبه يلومني وتقلب خناقة وآخر خناقه كانت الليلة اللي قبل اختفاء البنّت.

. تفكرت ليه من سنتين بدأ قلقه عليها يزيد...؟!!

— من سنتين مريم تعبت شوية؛ لكن طلع عندها الزيادة واتعملت لها العملية حضرتك عارف أنها عمليه بسيطة.

. تفكرت ده سبب كافي لزيادة قلقه...؟!!

— يمكن تعبها وعمله كدكتور جاب له هاجس أنها ممكن تصاب بأى مرض زى آلاف المرضى اللي بيعالجهم كل يوم فزاد خوفه وقلقه.

— تفكرت تصرفاته كانت بتجرح مدام سوسن خصوصًا أنها

مبتخلفش وأكد لو كانت جابت أطفال خوفه على مريم كان هيقول!

صمت أستاذ فتحي قليلا ثم قال: أعتقد أنها لو تعرف أن عصام هو كمان صعب يخلف الأمر ها يختلف.

. حضرتك متأكد !؟

. أنا عرفت بالصدفة من جد مريم من سنه تقريباً

. والد مراته الأولى

— أيوه، أصل مكتب المحاسبة اللي كان بيعمل له حساباته أغلق من عام تقريباً ورشح مكتبي له صديق من أصدقائي، في البداية مكش يعرف أنى أخو عصام ولا أنا كنت أعرف أنه جد مريم؛ لكن مع مرور الوقت توطدت العلاقة بينا ونادية أتعرفت على بنته الكبيرة، وعرفت منه أن كان عنده ٣ بنات؛ لكن بنته الصغيرة ماتت بسبب تكرر الإجهاض؛ لأنها كانت بتحمل بالحقن، الحيوانات المنوية عند جوزها كانت ضعيفة، وآخر مرة كتب الله لمولودها الحياة، وماتت هي بعد الولادة، وأنه بسبب أحساسه إن جوزها السبب فى موتها؛ بقت العلاقة معاه في حدود فقط الاطمئنان على حفيدته ولما عرفت أنه جد مريم أخبرته أنى أخو عصام لكن ده مآثرش على العمل اللي بنا.

. معرفتش منه أي معلومات تانيه...!؟

ابتسم أستاذ فتحي وقال: عرفت منه معلومة مهمة فعلا لكن معتقدش أنها هتفيدك في التحقيق.

أحس العميد عماد من ابتسامة أستاذ فتحي الغامضة أن وراءها شيء مهم فصمم على معرفة هذه المعلومة قائلًا: ممكن أعرف إيه المعلومة اللي عرفتتها.

— عرفت أن عصام لما عرض عليا يشتري الأرض كان عارف ومتأكد أنها أرض مباني واتصل بحماه السابق؛ لأنه عارف أن له علاقات بالمسؤولين للتأكد قبل ما يحضر العزاء بيوم واحد يعنى يوم نشر النعى في الجرايد.

. متأكد !؟

. لما حماه عرف أنى أخوه وأن المكتب فتحتة بفلوس الأرض قالى

أنه هو اللي أتأكد بنفسه من الخبر ده لما طلب منه عصام..

. يمكن طلب منه التأكد بعد ما عرف منك!

. من الصعب على واحد متعلق بوالده زى أن ينسى موعد وفاته.

خرج العميد عماد وهو شبه متأكد من وجهة نظر الرائد مدحت

في دكتور عصام.

* * *

مر أسبوع ولم يتوصل العميد عماد لجديد في القضية، جلس بمكتبه يقلب في أوراق القضية محاولا الوصول لأي افتراض قد يفيد، كل الشواهد تؤكد أن لو هناك اختطاف فليس بغرض المال، فإما للانتقام أو لأن اختفاءها من مصلحة الخاطف، ولا يوجد شخص له مصلحة غير أستاذ فتحي، ولكن بحكم المعلومات التي جمعها وانطباعه الشخصي عنه فإنه ليس من هذا النوع الذي يقتل فتاة بريئة من أجل المال؛ لكنه في نفس الوقت لم يستبعده تمامًا، وبدأ يتخيل ما يمكن أن يكون حدث يومها في كل الأحوال، لا بد أن تخرج مريم من إحدى البوابتين إما الأمامية أو الخلفية؛ لأن احتمال تسلق السور في هذا

الوقت من النهار مستبعد جدًا إلا إذا كان أحد رجال الأمن متورط بالأمر، أخذ عماد يقلب في المعلومات المتوفرة لديه عن رجال أمن الفيلا، منذ البداية استبعد زكريا ونهاد؛ لأن مريم اختفت ما بين الساعة ١٠ و ١٢ ظهرًا وفترة حراستهم ما بين ٩ مساء و ٩ صباحًا، يتبقى أسامة وجمال حارسي البوابة الرئيسية من ٩ صباحًا حتى ٩ مساءً، وشوقي وصالح، فصالح يستلم من شوقي حراسة البوابة الخلفية الساعة ١١ أي هناك ساعة من فترة حراسة شوقي قد تكون مريم خطفت خلالها وأيضا هناك ساعة كاملة من فترة حراسة صالح قد تكون خطفت خلالها، رجح عماد أن يكون إحدى حارسي البوابة الخلفية ساعد الخاطف؛ لأن رشوة شخص واحد أفضل وأمن للخاطف لتقليل عدد من يعرف شخصيته فإما أن يكون شوقي من ساعد الخاطف معتمداً على أن اكتشاف اختفاء مريم سيأخذ وقتاً ويكون هو قد سلم الحراسة لصالح فلا يشك به أحد فيتفرق الأمر بينه وبين صالح وأسامة وجمال وربما يكون هذا هو السبب لاختيار ذلك التوقيت، بنفس المنطق قد يكون صالح، مع الأخذ في الاعتبار أن زوجة شوقي كانت بالمستشفى تلد مولودها الأول، فقد يكون صالح أقنع شوقي أن يذهب لزوجته المستشفى، واستلم منه الحراسة مبكراً عن مواعده وسهل للخاطف عملية الخطف، وبدأ يتصور كيف حدث الخطف بمساعدة أحد الحارسين مرّ الخاطف داخل الفيلا وصعد لمريم وأخذها؛ ولأنه شخص تعرفه جيداً ذهبت معه، وخرجا معاً من الباب الخلفي؛ ولكن الأمر المحير كيف لشخص أن يدخل الفيلا ويصعد لغرفة مريم دون أن يشعر به أحد حتى

لو كان من المقربين من دكتور عصام وزوجته إلا إذا كان شخص
أيضا من داخل الفيلا من حقه الدخول والخروج من غرفة مريم دون
إثارة أى شبهات، ولمع في رأس عماد فكرة أخرى ماذا لو ملت مريم من
اللعب بغرفتها ونزلت بالجنيه بمفردها سيسهل ذلك على الخاطف
كثيرًا.

دخل الرائد مدحت مكتب عماد فوجده غارقًا في أفكاره فأفأقه من
أفكاره قائلاً: حضرتك لسه هنا مش هتروح عارف الساعة كام...؟!
فأجابه قائلاً: ياه محستش بالوقت أسمع تعال معايا عندنا زيارة
مهمة!

. زيارة مين...?!

— لشوقي حارس فيلا دكتور عصام النهارده سبوع بنته تعال
وهفهمك في الطريق.

* * *

ذهب العميد عماد مع الرائد مدحت لمنزل حماة شوقي لحضور
سبوع ابنته وشرح له عماد شكوكه وعندما وصلا للمنزل سمعا أغاني
السبوع وتهليل وزغاريد تتبعث من المنزل، فاستدار عماد للرائد مدحت
قائلاً: واضح أننا حسبنا صح النهارده فعلا السبوع...!
دق العميد عماد الجرس وفتحت سيدة تبدو في الخمسينات من
العمر تبدو عليها الفرحة وبدأ العميد عماد بالكلام قائلاً: شوقي موجود
؟

فردت السيدة: أتفضل أتفضل أقول له مين ...؟

فأجابها: العميد عماد والرائد مدحت.

فقاطعته قائله: أكيد حضرتك صاحب شركة الأمن اللي بيشتغل فيها أنا حماته وخالته على فكرة إحنا متشكرين قوى على السلفة اللي حضرتك وافقت عليها.

فأجابها الرائد مدحت حضرتك فاهمة غلط

قاطعه العميد عماد موجِّهًا كلامه لحماة شوقي: هو كان محتاج السلفة للدرجاتى...؟!.

فأجابته: أيوه حضرتك متعرفش الفلوس دى عملت لنا إيه لولاهم مكنتش بنتي ولدت في المستشفى ولا السبوع ده أتعمل...!
نظر العميد عماد للرائد مدحت وقال الرائد مدحت: فين شوقي إحنا عايزين نبارك له ؟

فأجابته: لحظة واحدة أتفضلوا في الصالون هنادى عليه حالا.
وفتحت لهم الصالون وذهبت تنادى شوقي وهى تقول: شوقي شوقي العميد صاحب الشركة اللي بتشتغل فيها ومعاها رائد.
فأتى شوقي مسرعًا للصالون؛ من على الباب عرف أنه الرائد مدحت الذي حقق معه ومن المؤكد أن الآخر هو العميد عماد المسئول عن القضية وبدا عليه الارتباك وقال: أهلا وسهلا أي خدمة ؟
فرد العميد عماد قائلا: أبداً عايزين ندرش معاك شوية بخصوص القضية.

. أنا تحت أمركم بس أنا قلت كل حاجة لسيادة الرائد.

فقال الرائد مدحت: سيادة العميد عايز يتأكد من شوية معلومات.

قال العميد عماد: الأول مبروك المولودة الجديدة.
فأجابه شوقي: ربنا يبارك في حضرتك.
واضح أنك بتحب الشغل قوى بدليل أنك مخدش أجازة يوم مراتك
ما كانت بتولد.
— أنا مكنتش أعرف أنها هتولد في اليوم ده أصلها تعبت فجأة
وراحت المستشفى وبعدين اتصلت حماتي بيا.
. وطبعاً رحتم لهم على طول لما اتصلت بيك حماتك.
قال شوقي في ارتباك: أنا مسبتش البوابة غير لما جه صالح
وأستلم منى الحراسة.
. كانت الساعة كام ؟
قال شوقي بتلعثم: ١١ بالظبط
نظر العميد عماد لشوقي بريبه قائلاً: متأكد ؟
. أيوه طبعاً
. هي مراتك راحت المستشفى الساعة كام
. مش عارف بالظبط
. ومش فاكر حماتك اتصلت بيك الساعة كام كمان
قال شوقي بغضب: أنا مش عارف إيه علاقة ده بالموضوع
المهم أنى سلمت الحراسة لصالح الساعة ١١
نظر العميد عماد نظرة جادة وغاضبة ثم وجه كلامه للرائد
مدحت قائلاً: كنت بتقولى يا سيادة الرائد أنك مشتبه فيه خلاص اعمل
له استدعاء ولفه كعب داير يمكن يكون عليه قضية هنا ولا هناك.

وهم العميد عماد بالانصراف والرائد مدحت لكن شوقي استوقفهما
موجهًا كلامه للعميد عماد قائلاً: يا بيه أنا ماشى جنب الحيط أنا هقول
لحضرتك اللى حصل أصل صالح أتأخر عن ميعاده وأنا كنت عامل
سلفة من الشغل اليوم اللى قبله عشان مصاريف الولادة والفلوس كانت
معايا ومكنتش عامل حسابي أن مراتي هتولد في اليوم ده ولما اتصلت
حماتي وأتأخر صالح عن ميعاده مشيت الساعة ١١ وعشرة ولما اتصل
بيا على الموبايل طلب منى أنتظره لما يوصل علشان المترو أتأخر؛
لكن أنا كنت في طريقي للمستشفى وعرفت منه بعد كده أنه وصل
١١ وتلت واتقنا يكون ده سر بينا لما اختقت مريم.

. ولحقت مراتك في المستشفى...؟

. الحمد لله .

. وسجلت البنت بنفسك...؟

. أيوه يا بيه...

. ممكن توريني شهادة الميلاد...؟

. حاضر لكن شهادة الميلاد مالها ومال القضية.

وذهب شوقي لإحضار شهادة الميلاد بينما قال الرائد مدحت في

تعجب: ليه يا فندم...؟

. هتعرف حالا....

أحضر شوقي الشهادة وأعطاهما للعميد عماد قائلاً: أفضّل

نظر العميد عماد للشهادة مبتسمًا ثم قال: تركت الحراسة على

البوابة ١١ وعشرة ورحت المستشفى اللى فى دار السلام ودفعت

الحساب في الاستقبال واطمنت على مراتك وسجلت البنت كل ده في ٥ دقائق

قال شوقي وهو مرتبك: تقصد إيه يا بيه ...؟

قال العميد عماد غاضبًا: شهادة الميلاد مسجلة الساعة ١١ وربع، تركت الحراسة على البوابة الساعة كام...؟!

— بصراحة يا بيه الساعة ١٠ ونص، صالح لما اتصل أنا كنت في المستشفى وفهمته أنى هاترك الحراسة بعد دقائق.

خرج الرائد مدحت والعميد عماد من منزل شوقي وجلس شوقي منهاجًا يفكر فيما حدث؛ لأنه أدرك أنه في ورطة قد تفقده العمل.

* * *

جلس العميد عماد والرائد مدحت بالكافتيريا يشرب كل منهما فنجانًا من القهوة، نظر مدحت للعميد عماد قائلاً: بتفكر فى إيه يا فندم...؟!

. ممكن تكون الصدفة فقط هي اللي خدمت خطف مريم.

. يمكن يا فندم.

- إزاي يعنى الجاني ترك كل حاجة للصدفة، يعنى لو افترضنا أن

الباب الخلفي ترك بدون حراسة من ١٠ ونص إلي ١١ وتلت تقريبًا بالصدفة واللى خطفها دخل وطلع غرفتها ونزلت معاه بدون مقاومة

ومحدث شفها ولاحس بيها...!

قاطعها الرائد مدحت قائلاً: يمكن نزلت تلعب في الجنيهه وده سهل

الأمر على الجاني...!

— أنا كمان فكرت أنها ممكن تكون نزلت تلعب في الجنينه لكن مش ملاحظ أن كده الصدف كترت قوى يعنى في واحد يخطف من غير ترتيب لأي حاجة إيه سايبها لتساهيل ربنا زى متجى...!

— الحقيقة يا فندم الصدف دى ممكن تتجمع في حالة واحدة لو الخاطف كان قريب جدًا من مريم عايش معاها في نفس المكان وعنده النيه لخطفها أو أذيتها بأى شكل ولما وجد الفرصة انتهزها، واحد لاحظ انصراف شوقي قبل ميعاده وخدمته الظروف بتأخير صالح.

قال العميد عماد: بالضبط نفس اللي بفكر فيه الواحد ده مطمئن أن لو أي حد شافه هيقول أنه خارج مع مريم يفسحها أو يلعب معاها في الجنينه ويلغى الخطة ويأجلها لفرصة تانية.

- أيوه يافندم بس الشروط دى متنطبقش غير على مدام سوسن أو داده سميحة الكل أجمع على أن مريم مبتخرجش غير معاهم أو دكتور عصام وطبعا الدكتور مش هيخطف بنته، لو سلمنا بصحة الافتراض ده تقتكر أيه الدافع.

- يمكن تكون اكتشفت أنه بيسرقها مش هو اللي بيدير المستشفى أو اكتشفت أنه بيخونها فولعت في قلبها نار الغيرة وقررت تنتقم منه. — تنتقم منه في بنته اللي هي مربياها منتساش أن مريم كانت بتعوضها عن الأمومة اللي تحرمت منها.

— في ستات الغيرة بتعمى قلوبهم ورد فعلهم عنيف جدا على العموم لازم ندرس كل الاحتمالات، راقب مدام سوسن وداده سميحة

ابتسم الرائد مدحت قائلاً: كده إحنا وضعناهم كلهم تحت المراقبة حتى دكتور عصام، لكن بصراحة في الكام يوم اللي فاتوا المراقبة موصلتناش لحاجة كلهم بيتصرفوا عادى جداً.

— خلاص يا حضرة الضابط اتصرف حاول تزرع مرشد في المستشفى في العيادة أو في الفيلا يمكن نوصل لنتيجة.
. حاضر يافندم....

* * *

نظرت ليلي في إشفاق لصديقتها سوسن قائلة: من يوم اللي حصل لمريم وأنت لا بتأكلى ولا بتنامى حرام عليك نفسك.
. إحساسًا بالذنب هيموتتى ..!
. إحساسك بالذنب ليه!؟

أجابت سوسن في ارتباك: عشان نمت لوقت متأخر يمكن لو كنت موجودة كانت تغيرت حاجات كتيرة.

— مين عارف حتى لو كنت صاحيه كان ممكن يحصل اللي حصل

. يعنى أنت كنت هتفضلى جنبها طول الوقت مفيش داعى تحملى نفسك فوق طاقتها، المهم البوليس موصلش لحاجة ؟
. لأ

. ودكتور عصام عامل إيه ...!
. هيتجنن طول الوقت شارد في البيت والمستشفى وكل يوم يلغى عمليات كان المفروض تتعمل بيقول مش قادر يركز.

– ربنا يكون في عونه وعونك أهم حاجة تهدي أعصابك وتحاولي
تهدي دكتور عصام
. هحاول هحاول

حاولت ليلي أن تخرج سوسن من قلقها قائلة: فاكرة وإحنا صغيرين لما
كنت بذاكر معاكى والوقت اتأخر واتصلت بماما وبت معاكى والصبح
مقدرتش أصحى زيك بدري وفضلتوا تصحوا فيا ولما صحيت اتكسفت
جدًا من مامتك وسألتك هو أنت صحيتى أمتى وعرفت أنك صحيتى
الساعة ٨ وأنك مهما نمتى متأخر بتصحى في الوقت ده يومها كنت
في نص هدومى.

وابتسمت ليلي كانت تحاول أن تخفف عن سوسن ولكن سوسن ثارت
وغضبت جدًا وقالت: تقصدى إيه أنى كنت صاحيه لما مريم اتخطفت
!؟

. أبدًا أنت اللى حساسة زيادة عن اللزوم أنا آسفة.

قالت سوسن بغضب: حسبي على كلامك

. آسفة أستأذن أنا

فقالق سوسن نادمة: أنا آسفة يا ليلي أنت عارفه أن أعصابي تعبانه
– ولا يهكم محصلش حاجة لو احتجتى حاجة اتصلى بيا أستأذن
أنا

. مع السلامة

خرجت ليلي من الفيلا وجلست سوسن شاردة لا تستطيع أن
توقف ذهنها عن التفكير.

* * *

الفصل الثالث

سار حاتم في الحارة متجهًا للعيادة فإذا برجل يبدو عليه الإعياء يستوقفه قائلاً: أنت حاتم التمرجي اللي عند دكتور عصام ؟

. أيوه أي خدمة

. أنا ساكن على بعد شارعين من هنا وسمعت عن دكتور عصام

. أنت عايز تكشف عنده ؟

. أيوه بتألم من جنبى قوى

- طيب إيه المشكلة أنا هفتح العيادة والدكتور هيوصل كمان نص ساعة هاحجز لك وأدخلك أول واحد أتفضل معايا.

- شكراً لكن مش دى المشكلة، المشكلة يعنى أنا مش معايا فلوس الكشف أنت فاهم...

نظر حاتم نظرة متفحصة وقال في نفسه الرجل فعلا يبدو عليه الفقر فقال: لا أبداً ولا يهكم الدكتور بتعنا طيب القلب أتفضل أتفضل.

صعد حاتم والرجل للعيادة، فتح حاتم ودخلا معاً، كانت العيادة فعلا تبدو لطبيب كبير بالرغم من وجودها بحي شعبي إلا أنها مجهزة فالأرضيات باركيه والحوائط متناسقة الألوان.

جلس حاتم على مكتبه وأخرج دفتر حجز الكشف وفتحه وسأل الرجل: اسمك إيه ...!

- عادل أمين؛ لكن أنت متأكد أن الدكتور هيوافق يكشف عليا من غير فلوس...؟!!

. طبعًا أنت مسمعتش عن الدكتور وطيبته..

- سمعت وده اللي شجعني على الحضور لكن مكنتش مصدق إن في لسه ناس طبيين.

. الدنيا لسه بخير...

وبدأ المرضى يتوافدون على العيادة بكثرة وبدا على معظم المرضى الفقر، منهم من دفع كشف مخفض ومنهم من حجز للكشف دون دفع أي أموال وسألت سيدة عجوز حاتم: الدكتور هيتأخر يا ابني...؟! فأجابها بود: أبدًا يا أمي حالا هيوصل.

وفعلا دقيقة واحدة، ووصل الدكتور عصام؛ ولكنه لم يبدو كعادته، فقد كان متجهم الوجه يظهر عليه علامات التعب والإرهاق، ووقف حاتم في الحال ودخل مع عصام غرفة الكشف.

* * *

داخل غرفة الكشف حاول حاتم تهدئة دكتور عصام قائلاً: اطمن يا دكتور إن شاء الله البوليس هيوصل لها بس حاول تهدى. قال دكتور عصام في يأس: البوليس هيوصل لها! مرّ على غيابها ٨ أيام ولا حس ولا خبر.

وأسقط الدكتور رأسه بين يديه، يكاد يبكي ولكنه تماسك ورفع رأسه قائلاً: دخل أول كشف...

. حاضر يا دكتور بس أول كشف رجل غلبان اسمه عادل ويعنى

. مفهوم يعنى ببلاش دخله ..

قال حاتم بابتسامه خبيثة: ربنا يخليك للغلبة يا دكتور..

وخرج حاتم ودخل عادل على استحياء قائلاً: سلاموا عليكم يا دكتور

. وعليكم السلام تفضل ...

وأشار دكتور عصام للسريير الموجود في غرفة الكشف واستلقى

عادل على السريير وكشف عليه بعد أن علم منه مكان الألم ثم جلس

دكتور عصام على مكتبه وأمامه عادل وسأله دكتور عصام قائلاً:

اشتكيت من جنبك قبل كده...؟

. أبداً

— على العموم إن شاء الله بسيطة أنت بس اعمل التحاليل دي

بسرعة

ويفضل في معمل التوحيد وأنت خارج خذ من حاتم العنوان....

. حاضر يا دكتور ..

وقف عادل يهم للخروج ولاحظ عصام نظرة في عين عادل، يراها كثيرًا

في عيون مرضاه من هذا الحي، نظرة تدل على قلة الحيلة وقصر ذات

اليد فسأل عصام عادل: أنت بتشتغل إيه يا عم عادل...؟

. سوق في هيئة النقل العام.

. طيب انتظر لحظة .

وأخرج عصام من درج مكتبه كارت من كروته الشخصية وكتب

على ظهر الكارت حروف إنجليزية مختصرة وأعطاه لعادل ونظر عادل

للحروف؛ ولكنه لم يفهم المكتوب وابتسم عصام قائلاً: أعط هذا الكارت للدكتور صلاح مدير المعمل وهو هيعمل اللازم....

خرج عادل من غرفة الكشف وسأل حاتم عن عنوان معمل التحليل ولكن حاتم أجابه بسؤال آخر: الأول خد من الدكتور كارت عشان تقدمه للدكتور صلاح؟

– الكارت مهم للدرجة دى يعنى من غيره مش هيعملولى التحاليل

!؟

. لأ هيعملوها طبعًا لكن بالكارت ده هتعملها ببلاش....

ابتسم عادل بدهشة: بجد أنا أتكسفت أكلمه في موضوع فلوس التحاليل وقلت لنفسى كفاية أنه كشف عليا ببلاش وكنت هدبر الفلوس بأى طريقة صحيح أنا سمعت عن اللى بيعمله مع الغلابة من أهل المنطقة لكن مكنتش مصدق

وأعطاه حاتم العنوان وانصرف ودخل حاتم للدكتور عصام وقال: ادخل الكشف اللى بعده

. عم عادل خد العنوان؟

. أيوه ومكنتش مصدق نفسه لما عرف أنه هيعمل التحاليل ببلاش

. أتمنى تطلع التحاليل مناسبة ٣ مرضى قبله أرسلتهم بدون فائدة.

ابتسم حاتم بخبث قائلاً: المرة دى هيكون مناسب إن شاء الله .

– أنت عارف صادق بيه راجل مهم ووعدنى يسعدنى بكل الطرق

في موضوع مريم بس أخلص له الموضوع ده بسرعة

. بإذن الله حضرتك يا دكتور تستاهل كل خير

. دخل الكشف اللي بعده

* * *

ذهب عادل مسرعًا إلى معمل التحليل وعندما دخل سأل
المرمضة عن مكتب مدير المعمل فابتسمت قائلة: أنت عابزه شخصيًا
؟...

. أيوه أنا من طرف دكتور عصام
فرمقته بنظرة فاحصة وقالت: مش تقول كده أتفضل المكتب من
هنا

سار عادل في ممر آخره مكتب كبير ودق الباب فأجابته السكرتيرة: .
أتفضل

دخل عادل وأعطى الكارت للسكرتيرة قائلاً: أنا من طرف دكتور عصام.
فأجابته السكرتيرة: لحظة واحدة.

ودخلت السكرتيرة للدكتور صلاح وأعطته الكارت وخرجت وقالت: .
اتفضل دكتور صلاح منتظر.

دخل عادل واستقبله دكتور صلاح بحفاوة وطلب إحدى
المرمضات وعندما جاءت قال لها: رافقى عم عادل لعمل التحاليل.

وخرج عادل مع الممرضة وقام بعمل التحاليل اللازمة وبشكل
سريع دون انتظار دوره كباقي المرضى وأخبروه في الاستقبال أن يأتي
بعد ثلاثة أيام لاستلام نتيجة التحاليل.

* * *

دقت دكتورة نبيلة الباب ودخلت مكتب دكتور عصام بالمستشفى لكنها فوجئت بوجود شخص مع دكتور عصام يهيم بالانصراف وهو يقول: . مش هوصيك يا دكتور .

. أنا مش محتاج توصية .

فاعتذرت قائلة: آسفة مكنتش أعرف أن في حد مع حضرتك .

أجاب الرجل: اتفضلي أنا كنت ماشى .

قال دكتور عصام: دكتورة نبيلة أشطر دكتورة في المستشفى .

قال الرجل مصافحها: أتشرفت بمعرفتك .

وانصرف الرجل وقلبت نبيلة باب المكتب وقالت: شكله مش

غريب عليا مين ده .

. حد ميعرفش صادق بيه .

. معقول صادق بيه بنفسه .

. أيوه عايز يعمل عملية زرع كلى لابنه .

. والمتبرع موجود...؟! .

_____ طبعا أنت عارفه أنا مبعملش عملية زى دى إلا لما يكون

المريض معاه المتبرع .

ابتسمت قائلة: أنت هتقولى يا دكتور أنت أكثر واحد بتراعى

ضميرك

. المهم كنت عايزة إيه...؟ .

قالت بصوت حنون: عايزاك لازم أقابلك في شقتنا ضرورى....

— نبيلة مش وقته أنا مشغول وموضوع مريم واخذ كل وقتي وفي نفس الوقت مش عاوز سوسن تلاحظ حاجة...
. مش هأخذ من وقتك كتير لازم أتكلم معاك.
. طيب اتكلمى أنا سمعك.
. عايزه اتكلم معاك لوحدنا في شقتنا صدقنى الموضوع مهم جدًا.
. حاضر بكره الساعة ١٢ الظهر.
قالت دكتورة نبيلة وهى مستاءة: دايمًا في نفس المعاد.
رد دكتور عصام غاضبًا: نبيلة أنت من الأول عارفه ظروفى اتفضلى على شغلك وبكره نتكلم.

* * *

ذهب الرائد مدحت لفيلا دكتور عصام وسأل الأمن على البوابة عن عم كامل لقد انتظره ليسأله بعض الأسئلة لكنه لم يأت، لم يهتم باستجوابه في البداية؛ لأنه لم يكن موجودًا يوم اختفاء مريم كان يريد فقط ليسأله بعض الأسئلة الروتينية عن مدام سوسن ودكتور عصام وكان يعتقد أن إجاباته لن تختلف كثيرًا عن باقي من يعمل بالفيلا؛ لكن عندما طالت غيبته قرر الذهاب لفيلا للسؤال عنه فأجابه جمال وأسامة أنه في أجازة من ٩ أيام وأنه لم يرجع من بلده من يوم الجمعة الذي اختفت فيه مريم، فشك أنه ربما يكون هناك علاقة بين عدم عودته واختفاء مريم ودخل الفيلا واستقبلته دادة سميحة، فطلب منها مقابلة مدام سوسن ونزلت مدام سوسن لاستقباله فقال: آسف أنا جيت من غير معاد....

. أبدأ في أي معلومات جديدة ؟

- للأسف لأ... أنا جيت أسأل عن عم كامل السواق لسه في البلد

مرجعش من يومها...؟

فقال مدام سوسن غاضبة: حضرتك بعد الفترة دي كلها
موصلتش لأي حاجة وجاهى تسألني عن عم كامل مال عم كامل
واختفاء مريم عم كامل مكنتش موجود...!

- يا ريتك تهدي نفسك وبعدين مش معايا إن فيه حاجة غريبة أن

من يوم اختفاء مريم للنهارده مرجعش عم كامل من بلده...؟

- مفيش حاجة غريبة هو اتصل وطلب أجازة وأنا وافقت؛ لأن من

ساعة اختفاء مريم وأنا مليش نفس أخرج لأي مكان...

. وافقتي على الأجازة وأنت عارفه أننا عايزين نستجوبه...؟

. نسيت تاه عن بالي ومتصورتش أنها حاجة مهمة.

. إيه مش مهم بالضبط استجوابه ولا التحقيق في القضية كلها ؟

قالت مدام سوسن وهي غاضبة: حضرتك بتحقق معايا، بدل ما

تضيع الوقت في حاجات مش مهمة شوف شغلك يا حضرة الضابط

متناساش أنكم لحد دلوقتي موصلتوش لأي حاجة.

نظر الرائد مدحت لها نظرة مليئة بالشك وأجابها بهدوء:

موصلناش لحاجة لأن واضح أن مش كل الشهود بيخبرونا بالمعلومات

كاملة ، على العموم لو سمحتي عنوان عم كامل في البلد.

فأجابته بارتباك: ليه...؟

. لو كان عنده ظروف تمنعه يجي لنا مش مشكلة إحنا نساfer له.

. عن أذنك لحظة واحدة آجيب لك العنوان.
وأحضرت مدام سوسن العنوان وأخذته الرائد مدحت وانصرف وهو
على بوابة الفيلا سأل أسامة رجل الأمن: هو عم كامل عادة بيسافر
أمتى بالضبط كل أسبوع.

— بيسافر يوم الجمعة بعد صلاة الفجر ويبرجع يوم السبت
الضهر.

. يوم اخفاء مريم سافر في المعاد المتعود عليه.

. لأ سافر تقريبًا الساعة ٦ الصبح

. متعرفش ليه أتأخر في السفر عن ميعاده

. كانت سوسن هانم عايزة حاجات من البلد ووصيته عليها الصبح

وبعدين سافر .

— حاجات إيه وبعدين سوسن هانم كانت صاحية بدرى كده وليه

موصتهوش اليوم اللي قبله...؟

. هو قال إنها وصته على زبدة وقشدة وشوية حاجات زى كده من

البلد وتقريبًا فكرت فجأة في الموضوع؛ لأنها ندهت عليه الفجر قبل ما

يسافر .

. هي متعودة تصحى بدرى كده...؟

— هي معروف عنها أنها بتصحى بدرى؛ لكن مش للدرجة دى

يعنى غالبًا بتصحى الساعة ٨ الصبح.

انصرف الرائد مدحت ورأسه مليئة بالشكوك والظنون وأخذ يسأل

نفسه ما الذي جعل مدام سوسن تستيقظ مبكرًا لهذا الحد وما الذي طلبته

من عم كامل، هل شوية حاجات من البلد بهذه الأهمية بالنسبة لها تستحق أن تستيقظ مبكرًا، أم أنها طلبت منه شسناً أهم من ذلك بكثير، وهل استيقظت مبكرًا ثم نامت مرة أخرى للساعة ١٢ ظهرًا، كما أنه من الغريب أن يأخذ هذه الأجازة الطويلة هل هي فعلاً أجازة أم هروبًا من شيء ما، رأى الرائد مدحت أنه يجب أن يذهب لمناقشة شكوكه مع العميد عماد قبل سفره لعم كامل.

* * *

ذهب الرائد مدحت للعميد عماد في مكتبه لمناقشة شكوكه وبدأ الرائد مدحت قائلًا: بصراحة يا فندم أنا مهتمتش من البداية بالتحقيق مع عم كامل؛ لأنني أعتقد أن التحقيق معاه هيكون روتيني خصوصًا أنه مكنش موجود وقت اختفاء مريم.

. وإيه اللي لفت نظرك للموضوع ..؟

- وأنا بفحص أقوال اللي حقتت معاهم وبحاول أحل أقوالهم يمكن أوصل لأي معلومة بين السطور تفيدنا في حل لغز القضية لاحظت عدم التحقيق مع عم كامل.

— يوم التحقيق كان مسافر لكن أنا نبهت مدام سوسن لما يرجع من السفر تخبره أننا عايزين نسأله كام سؤال يمكن فعلا تاه عن بالها!
. أيوه يا فندم لكن مش حاجة غريبة أنه يتأخر عن ميعاد سفره في

اليوم ده بالذات ..!؟

. عندك حق هو لما بيسافر بيسافر بالعربية ؟

. لأ بيسافر من غيرها تقريبًا بيسافر بالقطار.

— لو افترضنا أن مدام سوسن وراء اختفاء مريم تفكر تكون استخدمته إزاي، لو خرجت مريم في العربية معاه، لو الأمن مخدش باله أن مريم في العربية على الأقل يلاحظوا خروج العربية.
أخذ الرائد مدحت ورقة وقلم وبدأ يشرح للعميد عماد وجهة نظره قائلاً: ممكن تكون اتفتت معاه يتظاهر بالسفر زى ما هو متعود أمام العاملين بالفيلا وينتظرها في الخارج ويدخل في ميعاد متفق عليه معاهم ويخرج مريم في العربية.

. سؤالي إزاي يخرج من غير ما حد يشوفه من الأمن...!؟

. أنا جى لحضرتك في الكلام ...

وبدأ يرسم رسم كروكي قائلاً: هنا الجراج وأمامه باب الفيلا الخلفي لو العربية خرجت منه بالاتفاق مع حارس الأمن ممكن جداً باقي الموجدين في الفيلا ميلحظوش أي حاجة...
. تقصد شوقي

. متتناسش إنه كان محتاج فلوس وخالته بنفسها أكدت الكلام ده..

. أيوه لكن هي كمان قالت إنه خد سلفه من الشغل ..

— ممكن نتأكد من الموضوع ده من العميد عونى مدير شركة

الأمن.

. خلاص أتأكد بنفسك من الموضوع.

. حاضر بعد ما أسافر لعم كامل.

— لأ... أنا هستدعيه بشكل رسمي وهحقق معاه هنا في القسم

عشان يحس بأهمية الموضوع.

ذهب الرائد مدحت لشركة الأمن لمقابلة العميد عونى واستضافه
عونى بمكتبه بترحاب قائلاً: أهلاً وسهلاً اتفضل تشرب إيه...؟!
— أبدأً ولا حاجة متشكر أنا بس عايز أسألك عن شوقي أنت
عارف أنا بحق في قضية اختفاء بنت الدكتور اللى بيحرس شوقي فيلته

...

. اللى كان بيحرسها ...

. ليه هو ترك حراسة فيلا الدكتور ؟

— الحقيقة الدكتور عصام لما عرف أنه ترك حراسة البوابة قبل
ميعاده صمم أنه يطرده والحقيقة إحنا كمان فصلناه من الشركة |
. والسلفه اللى خدها من الشركة عشان ولادة مراته ...؟

— خصمنا جزء من مستحقاته عندنا والباقي كتب بيه وصل ووعد
أنه هيسدده كمان شهر لحد ما يرتب أموره.
. يعنى هو فعلا خد سلفه من الشركة..
. أيوه ...

. طيب أنا متشكر جداً عن إنك ..

. بسرعة كده ..

. معلى أنا مستعجل ..

خرج الرائد مدحت من مكتب العميد عونى وهو يقول لنفسه:
واضح أن استنتجنا غلط، شوقي خد سلفة من الشركة فعلا ولو افترضنا

أنه عارف أو شاف أي حاجة بخصوص مدام سوسن كان يساومها
وياخذ المبلغ اللي هو عايزه بدل ما يكتب على نفسه وصل أمانة.

* * *

اتصل الرائد مدحت بالعميد عماد قائلاً : ألو يا مدحت قابلت

عوني ؟

— أيوه قابلت العميد عوني وفعلاً شوقي خد سلفة من الشركة
وطردوه من العمل وعشان يسدد السلفة كتب على نفسه وصل أمانة لو
كان يعرف حاجة كان ساوم مدام سوسن ودفع فلوس السلفة...

. كلامك منطقي واضح أن أستنتاجتأنا كانت غلط.

. أكيد عم كامل يعرف حاجة مهمة عشان كده اختفى ...

. بكره هحاول نعرف منه الحقيقة ...

. إن شاء الله تصبح على خير يا فندم ...

. نتقابل بكره مع السلامة...

وأغلق الرائد مدحت سماعة التليفون.

* * *

جلس دكتور عصام على المائدة يتناول الغذاء مع زوجته دون

أي كلمة ونظرت إليه سوسن نظرة متفحصة ثم قالت: الرائد مدحت كان

هنا الصبح وخذ عنوان عم كامل في البلد

قال بلهفة: وليه اهتم فجأة بعم كامل هو قال إنه وصل لحاجة مهمة؟!

قالت بفتور : معتقدش واضح أنهم مش قادرين يوصلوا حاجة
وعشان كده بيدوروا على أي حاجة وأفتكروا أنهم محققوش مع عم كامل
فقالوا نحقق معه يمكن نوصل حاجة ...!

قال في يأس : تفتكري ... ؟!

ثم نظر لها بريبة وقال : لكن مالك بتتكلمي بهدوء كده وكأن
الموضوع مش همك ...!

فقالت مدام سوسن بغضب : يعنى إيه مش هممنى أنت عارف
كويس أنى بحبها زى بنتى بس الموضوع غامض ومحتاج تفكير ..
. تفكير من مين ... ؟!

فردت بحدة: منك طبعا واضح جدا أن اللي عمل كده بينتقم منك
يا دكتور شوف آذيت مين ... ؟!

— أنت عرفاني كويس لا يمكن آذى أى حد إزاي تفكري كده أنا
بالنسبة لك زى الكتاب المفتوح من يوم ما عرفتك
. متأكد ؟
. طبعا ..

فنظرت له نظرة مليئة بالشك وصمتت تماما وفى نفس الوقت
تساءل دكتور عصام بينه وبين نفسه عما ألم بها.
من الواضح أنها مليئة بالغضب من ناحيته كالبركان الذي ينتظر
لحظة مناسبة للفران .

الفصل الرابع

استيقظ عادل على صوت دقات الباب بالغرفة التي يسكن بها هو ووالدته، نظر في الساعة المعلقة بالحائط فوجد الساعة التاسعة صباحًا، لم يتعود عادل على الاستيقاظ مبكرًا فورديته بالعمل تنتهي الساعة الثانية صباحًا، ويصل منزله خلال ساعة تقريبًا، ويجلس يدرش مع والدته حتى الفجر يصلان الفجر حاضر، ثم ينام لوقت متأخر، جميع الجيران يعرفون ذلك؛ ولهذا لا يزعجهم أحد مبكرًا؛ تعجب عادل وسأل نفسه بصوت عال: مين اللي جاى على الصبح؟! ثم فتح الباب ليجد رجلا في الأربعينات من العمر يرتدى بدلة أنيقة وقال له مبتسمًا: صباح الخير آسف على الإزعاج... فرد متعجبًا: صباح النور أي خدمة واضح أنك غطان في

العنوان..!

. حضرتك عادل أمين ...

. أيوه مين حضرتك...

. سالم الأسيوطي ممكن أدخل ونتكلم براحتنا..

نظر له عادل في استغراب وقال: تفضل...

ودخل سالم وعادل يسأل نفسه "يا ترى واحد شكله محترم قوى
كده عايزنى ليه وانتظر عادل أن يتكلم بفارغ الصبر...!"
قال سالم: أنا آسف لكن الموضوع اللي أنا جيلك فيه مهم جدًا ..
. خير .

— خير إيه رأيك تكسب ١٠٠ ألف جنيه أنا عارف أن ظروفك
المادية صعبة عشان كده متجاوزتش وعايش أنت ووالدتك بالكاد على
مرتبك

بدا على عادل الذهول وقال: ١٠٠ ألف جنيه!
. اهدأ وافهم الموضوع ولو ما عجبكش ارفض زى ما إنت عايز .
. طيب إيه الموضوع بالضبط بس من غير لف ولا دوران...
. طيب ركز معايا وأتمنى تكون زكى ولا تضع الفرصة من يدك
صاحب الشركة اللي يشتغل فيها ابنه تعبان وفى ايدك أنت علاجه .

. ربنا يشفيه لكن ازاي حد قال لك إني دكتور...؟!
- لآ.. أنا عارف أنك سواق وعلى أد حالك، أنا هافهمك الموضوع
وما فيه إن الولد عنده تليف في الكبد ومحتاجين متبرع يتبرع له بجزء
من كبده، جزء صغير مش هياثر على وظائف الكبد وكل حاجة هتتم
تحت إشراف أكبر دكتور في البلد...

. وليه أنا بالذات ؟
. أنت فصيلة دمك AB سالب مش كده ...
. فعلا عرفت منين...؟!
. أولاد الحلال كتير مش مهم عرفت منين

. أكيد من معمل التحاليل ...
. يعنى ... لنا حبايب كتير هناك.
. عشان كده الاهتمام بيا كان جامد قوى...
. تقصد إيه ؟.
. مش مهم أقصد إيه وأنت تعرف دكتور عصام منين ...؟!
. دكتور عصام مين ...؟!
. يبقى أكيد دكتور صلاح
. ياه مخك راح لبعيد كل الحكاية أننا وصينا ممرضة في المعمل
. طيب أدينى فرصة أفكر ...
. طيب بعد يومين هجيلك في نفس الوقت تقريباً تكون فكرت ...
— يومين بس أنا عاوز وقت أكبر أفكر فيه ممكن تترك رقم
تليفونك وأنا لما أوصل لقرار هتصل بك ...
. أفكر دى فرصة بالنسبة لك ولازم تنتهزها...
وقف سالم يهم بالانصراف وهو يستكمل حديثه: أنا هجيلك بعد
يومين
. مش أكثر وإن شاء الله تكون وصلت للقرار اللى فيه مصلحتنا
..
وخرج سالم وابتسم عادل قائلاً: بصوت منخفض واضح أن
مدحت بيه كان محق

وأمسك بالتليفون واتصل، وجاءه صوت الرائد مدحت يقول:
صباح الخير يا عم عادل طالما اتصلت بدري كده يبقى أكيد في أخبار
جديدة

فرد عليه قائلاً: أيوه فعلاً جه واحد اسمه سالم وعرض علي مبلغ
١٠٠ ألف جنيه مقابل أنى أتبرع بجزء من كبدى
. احكي لى اللي حصل بالتفصيل
بدأ عادل يحكى للرائد مدحت ما حدث بالتفصيل.

* * *

خرج سالم مسرعاً من العمارة التي يسكن بها عادل وركب سيارته
وأخرج تليفونه المحمول وتحدث فيه قائلاً: ألو أيوه يا دكتورة نبيلة
عرضت عليه الموضوع وطلب مهلة يفكر ...
ردت عليه نبيلة بجدية: مهلة إيه إحنا مستعجلين وبعدين دى
فرصة بالنسبة له باين عليه أنه غاوى فقر ...
. على العموم هو هيرد علياً بعد يومين
. طيب بعد يومين تكون عنده من الفجر .
. حاضر يا دكتورة أي خدمة ثانية.
. شكراً مع السلامة!

أغلقت نبيلة السماعه وهى تردد: بيفكر! صحيح فقر وعنتزه، ثم
نظرت في ساعة يدها وقالت في توتر: الساعة ١٢ وربع اتأخر قوى

ودق جرس الباب ودق قلبها معه وأسرعت تفتح الباب بلهفة
وعندما فتحته وجدت دكتور عصام وتبدو عليه علامات الضيق فحاولت
أن ترمى بنفسها بين أحضانه قائلة في دلال: مالك...؟!.

ولكن فشلت محاولتها وأزاحها دكتور عصام بفتور ودخل الشقة
وأغلق الباب في قلق قائلاً: أنت عارفة ظروفى ملخبطة إزاي ده غير
قلقى على بنتى تفكرى الوقت مناسب لأى موضوع مهما كان مهمًا.
. يمكن الموضوع اللي أنا عايزاك فيه يفرحك ...

. طيب إيه الموضوع المهم بس بسرعة ؟
. حاضر أقعد الأول، سالم اتصل وقابل الراجل وطلب مهلة يفكر.
قال عصام بثقة: هيوافق في الآخر.

. أنا متأكدة أنت نظرتك في الناس عمرها ما خيبت أبدًا...
جلس عصام وقال: المهم إيه الموضوع اللي عايزانى فيه...؟!
نظرت نبيلة إليه مبتسمة وقالت: أنا حامل...!
وقف عصام بعصبيه وقال: إيه إزاي ؟!
انزعجت نبيلة قائلة: يعنى إيه إزاي دى إرادة ربنا.....
— أيوه بس إحنا مش متفقين على كده وبعدين ده مش وقته.....

مش وقته خالص.....
— بالعكس لو فكرت في الموضوع كويس هتلاقى ده أحسن وقت
يمكن يكون ربنا عوضك بيه عن بنتك

نظر عصام لها بغضب قائلاً: يعوضني خلاص أتأكدت إنها
ماتت

- لأ.. أنا آسفة مش قصدي ولو أنت مش عايز حد يلاحظ حاجة
مش مهم أنا لازم آخذ أجازة، الدكتور أكد عليا إني أرتاح ومتحركش
كثير عشان الحمل يثبت

وفجأة دق جرس الباب فنظر عصام لنبيلة قائلا: مستنيه حد
!؟...

. لأ... أبدا

ذهبت نبيلة لفتح الباب وعندما فتحته وجدت مدام سوسن تقف
أمامها فارتبكت قائلة: مدام سوسن أهلا
نظرت إليها سوسن باحتقار قائلة: مبروك على الشقة الجديدة ...
. الله يبارك فيكى

أزاحتها سوسن من أمامها ودخلت عنوة قائلة: عن إذناك بدور
على حاجة بتعتى وأظن أنها هنا

ودخلت سوسن ورأت عصام أمامها؛ ولكنه تماسك وحاول تدارك
الموقف قائلا: أصل نبيلة اتصلت بيا عشان تطلب أجازة؛ لأنها تعبانة
وأنت عارفه أنها لوحدنا فجيت أظمن عليها وأشوف لو عايزة حاجة
ابتسمت سوسن قائلة: بجد طيب مش كنت تقولى آجى معاك
عشان أظمن عليها بدل متيجى لوحدك والجيران يشفوك ويفتكروا حاجة
كده ولا كده لا سمح الله

واتجهت بنظرها لنبيلة واستكملت حديثها: ولا الجيران متعودين
على الرجالة اللي داخلة واللى وخارجة من عندك !...
أجابتها نبيلة غاضبة: لو سمحتي يا مدام أنا مسحلكيش

. أنت مين عشان تسمحيلى ولا متسمحليش
قاطع حوارهما عصام قائلاً: واضح يا سوسن أنك فاهمة غلط

...

أجابته سوسن مسرعة: غلط يا أستاذ أنا لما سألت البواب عليك
قالى أستاذ عصام جوز مدام نبيلة أنت متجوز دى ... رد علياً ...؟!
. طيب أهدى من فضلك

— أهدى يعنى الكلام ده صحيح لو سمحت يا دكتور تبعت لى
ورقة طلاقى وكل المصالح اللى بيننا هتخلص عن طريق المحامى
بتاعى

وخرجت سوسن مسرعة من الشقة وأغلقت الباب وراءها ...
وإذا بعصام يحملق فى نبيلة بغضب لم تره أبداً من قبل هكذا
وقالت: أنت بتبصلى كده ليه

. طبعاً أنت اللى ورا اللى حصل ده

. لأ ... طبعاً صدقنى

— أصدق إيه أنا لو صدقتك أبقي غبي تحبى أقولك اللى حصل
اتصال بسيط بسوسن من مجهول إلحقى جوزك اتجوز وده العنوان اللى
بيتقبلوا فيه عشان تحطينى قدام الأمر الواقع مش كده

قالت نبيلة بخوف: محصلش صدقنى محصلش

لكن عصام لم يصدقها بالطبع فهو يعرف جيداً هذه اللعبة
وصفعتها عدة صفحات بغضب حتى وقعت على الأرض ولكنه لم يبال
قائلاً: أنت طالق طالق

وخرج مسرعًا وظلت هي ملقاة على الأرض تبكى بحرقة؛ ولكنها
فجأة شعرت بألم شديد ببطنها فحاولت أن تقاوم حتى وصلت للتليفون
وطلبت صديقتها ملك ولم تستطع أن تقول لها غير كلمتين: إحقيني يا
ملك

وأحست أن الدنيا تدور بها وسقطت مغشية عليها.

* * *

دق العسكري باب مكتب العميد عماد ومعه عم كامل وجاءه
صوت العميد عماد من الداخل يقول: ادخل ...
دخل العسكري ومعه عم كامل وقال: عم كامل ...
. اتفضل يا عم كامل استريح ...
وأشار للكرسي الموجود أمام مكتبه، جلس وبدأ العميد عماد
بسؤاله : طبعًا عرفت باختفاء مريم بنت دكتور عصام ...
. أيوه يا بيه قرئت الخبر في الجرايد ...
. يعنى عرفت من الجرايد ...
. أيوه أصل أنا سافرت الصبح بدرى قبل اختفائها ...
. مدام سوسن قالت إن أجازتك يوم واحد ...
. أيوه يوم الجمعة وبرجع يوم السبت ...
. مرجعتش ليه يوم السبت ...
— كنت تعبان شوية واتصلت بسوسن هانم وطلبت أجازة يومين،
وهي وافقت وقالت أنت فى أجازة مفتوحة ومرتبك ماشى ولما هحتاجك
هتصل بيك ..

. أجازة مفتوحة!

— أصلها كان روحها في مريم وأكد مكنش لها نفس تروح ولا

تيجى بعد اللي حصل ...

العميد عماد: والحاجات اللي كانت طلبتها منك ...

قال عم كامل بارتباك: حاجات إيه يا بيه ...؟!

- مش فإكر حد من الشهود قال إنها طلبت منك تعملها مشوار أو

خدمة حاجة زى كده ...

زاد ارتباك عم كامل وقال: محصلش ...

. متأكد ...

تنهد عم كامل قائلاً: شوف يا بيه أنا هكلم حضرتك بصراحة أنا

راجل حاجج بيت الله وعارف ربنا كويس ولا حب الكذب ولا اللف

والدوران ...

قال العميد عماد مبتسمًا: اتفضل أنا سامعك ...

— مدام سوسن طلبت منى أعرف لها مكان بيأجر عربيات عشان

عايزة تأجر عربية منه ولما قلت لها ليه أنا تحت أمر حضرتك في أى

مشوار قالت إن المشوار هيكون يوم الجمعة يعنى يوم أجازتي وطلبت

منى ماقولشى لحد أبدًا حتى دكتور عصام ...

. ولقيت الطلب اللي طلبته منك ؟

. أيوه يا بيه ...

. وبعد كده إيه اللي حصل ؟

– معرفش يا بيه هي خدت منى العنوان والتليفون وعلاقتى انتهت
بالموضوع لحد كده ...

. وليه أتأخرت عن الميعاد اللي متعود تسافر فيه ...

— أصل المفروض كانت تاخذ منى العنوان والتليفون اليوم اللي
قبله بالليل لكن بسبب الخناقة اللي حصلت بين دكتور عصام وأخوه
ومدام سوسن إتلخمت فى الموضوع ونسيت تاخذهم والصبح قبل ما
أسافر ندهت عليًا عشان كده.

. طيب بصراحة كده أنت اللي طلبت الإجازة ولا هي اللي طلبت؟

– موضوع الإجازة اقترحته أنا لما اتصلت بيا فى البلد عشان تأكد
عليًا ماجبشى سيرة عن موضوع العربية ...
. طيب يا عم كامل اتفضل شكرًا ...

. أمشى يعنى؟

. أيوه مع السلامة ...

وقف عم كامل وسار ناحية باب المكتب ببطء ثم عاد مرة أخرى
لعميد عماد وقال فى تردد: كنت عايز أقول لحضرتك ...
فقاطعه العميد عماد قائلاً: أيوه يا عم كامل فى حاجة نسيت
تقولها؟

– بس كنت عايز أقول لحضرتك إن مدام سوسن بتحب مريم زى

بنتها ومش ممكن تؤذيها ...

قال العميد عماد: شكرًا يا عم كامل مع السلامة ...

خرج عم كامل وهو نادم على ما قاله لقد شعر أن ما قاله ربما يجعل أصابع الاتهام تتجه لمدام سوسن حقًا، هو لا يعلم لماذا احتاجت مدام سوسن تأجير السيارة بهذا الشكل السرى؟ ولكنه متأكد أن الموضوع ليس له علاقة باختطاف مريم؛ لأنه يعلم كم تحب مدام سوسن مريم وحتى إن لم تكن تحبها. إنه يتذكر جيدًا عندما عينه والدها سواق خصوصي لها عندما دخلت الجامعة، وتذكر كيف حزن عندما لم تستطع تحمل رؤية الجثث في المشرحة ولذلك تخصصت بالطب النفسى كحل وسط فقط لارضاء والدها؛ لأنها في البداية كانت تريد أن تحول أوراقها لكلية أخرى.

* * *

اتصل شاعر المكلف بمراقبة مدام سوسن بالرائد مدحت ليبلغه بما رآه من صعود مدام سوسن عمارة، ثم نزولها بعد فترة وهى يبدو عليها الغضب الشديد، ثم نزول دكتور عصام بعدها بدقائق من نفس العمارة واستدراجه للبواب حتى عرف منه أن دكتور عصام يأتى لمدام نبيلة التى تسكن بالعمارة وقال له على ما يبدو أنه متزوج منها فى السر، عندما علم الرائد مدحت طلب من شاعر العنوان، ولكنه أكد عليه الاستمرار فى مراقبة مدام سوسن وذهب للعنوان عندما قال له شاعر اسم نبيلة تذكرها فورًا فهى مساعدة دكتور عصام يجب أن يتكلم معها فربما تعرف الكثير، وصل للعنوان ودق الجرس عدة مرات؛ لكن دون استجابة وأذا بامرأة تصعد السلم مسرعة وتتجه لباب الشقة وتخرج المفتاح بلهفه لكنها فوجئت به وقالت: مين حضرتك...!؟

فسألها الرائد مدحت: هي دي شقة الدكتورة نبيلة...؟!
. أيوه

. هو حضرتك مقيمة معاها فى الشقة...؟!
قالت المرأة بغضب: حضرتك غريب قوى أنت هتحقق معايا..?
. أنا الرائد مدحت من المباحث حضرتك مين...؟

— أنا صديقتها ملك طلبتني من ريع ساعة وكان صوتها مخنوق
وقالت لى إلحقينى وبعدها سكتت، وكأنها أغمى عليها والسماعة فضلت
مرفوعة.

. أنا برن الجرس محدش بيفتح؟ افتحى الباب بسرعة بالمفتاح
وفتحت ملك الباب ودخلا الاثنين الشقة وفوجئنا بها لمقاة على
الأرض وحاولا إفاقتها دون جدوى، واتصل الرائد مدحت مسرعًا
بالأسعاف وجاؤا ونقلت للمستشفى وذهبت ملك والرائد مدحت معًا
وراءها.

* * *

وقفت ملك أمام الغرفة بالمستشفى، ونظر الرائد مدحت لملك
فوجدها قلقة جدًا فسألها قائلاً: أنت صاحبته من زمان...
. إحنا أصدقاء وجيران من زمان...
. الدكتور بيقول حصل لها إجهاض.. فين جوزها?!
. معرفش ...

— طيب إحنا ممكن ندور فى الموبايل بتاعها أكيد هنلاقى رقمه
ونتصل بيه هو اسمه إيه؟

. هو حضرتك كنت جاى تحقق معاها ليه ؟
قال الرائد مدحت بتعجب: أحقق معاها! أنا كنت عايز أدرش
معاها بس بخصوص قضية اختفاء مريم بنت دكتور عصام اللي
بتشتغل نبيلة مساعده فى المستشفى، مش هتحاولى تتصلى بجوزها ؟
. مش مهم أطمئن عليها الأول وبعدين نبقى نتصل بيه ...
نظر لها الرائد مدحت باستغراب وقال لنفسه " بيدو أنها تعلم كل
شء عن علاقة نبيلة بالدكتور عصام".
خرج الطبيب يقول لهما: الحمد لله حالتها مستقره ممكن تشفوهوا
دخل الاثنين لغرفتها، كانت فى حالة استرخاء على الفراش
وأسرعت ملك إليها قائلة: عاملة إيه ؟
. الحمد لله أحسن دلوقتى ...
- الحمد لله، الرائد مدحت كان جايلك بخصوص قضية مريم وكتر
خير هو اللي استعجل الإسعاف وجه معايا المستشفى واستنى عشان
يطمن عليكى ...
. أنا متشكرة قوى...
. لا شكر على واجب، المهم عايز أتكلم معاكى لوحدنا ...
. مفيش داعى ملك عارفة عنى كل حاجة تقدر تتكلم فى وجودها.
. بس يا ريت تردى عليا بصراحة، أنت متجوزة دكتور عصام؟
. أيوه دكتور عصام جوزى ...
. عرفى ...!

— لأ .. طبعًا رسمي وعلى يد مأذون بس هو اللي طلب منى
يكون فى السر وأنا قدرت ظروفه.

. الدكتور بيقول إنك وقعتي على الأرض بقوة وأصلا الحمل عندك
مكنش مستقر، دكتور عصام كان عندك هو ومراته أى حد فيهم كان
هو السبب فى اللي حصل ؟ يعنى بتتهمى حد منهم إنه كان قاصد
يوقعك عشان يجهضك.

- أبدأ عصام كان فعلا عندى وبعدين مراته جت فجأة ولما عرفت
أنى مراته طلبت منه الطلاق ونزلت مسرعة وهو نزل عشان يحصلها
لكن محدش فيهم له علاقة باللى حصل لى كل الحكاية إنى أتأثرت
باللى حصل فحسيت أنى داخة ووقعت على الأرض بقوة على بطنى
وبعدها اتصلت بملك هى دي كل الحكاية.
. طيب هسيبك تستريحى عن إذلك...

وتابعك ملك بعينها الرائد مدحت حتى خرج من الغرفة وأغلق
الباب ثم نظرت لنبيلة قائلة: أنا مش داخل دماغى ولا كلمة من اللي
حكته

— فعلا أنت عندك حق هو السبب فى اللي حصلى أول مراته ما
وصلت وطلبت منه الطلاق ونزلت اتهمنى أننى اللي اتصلت بيها
وضربنى وطلقتى ومهموش أنى حامل ...

. الندل الجبان طيب معملتيش فيه بلاغ ليه ..؟
. متشغليش نفسك أنا هعرف إزاي أنتقم منه كويس.

* * *

ظل عم كامل ينتظر مدام سوسن بالحديقة أمام البوابة الرئيسية وهو قلق شارد حتى أنه لم يسمع جمال حارس الأمن وهو ينادى عليه؛ ليحلس معه بدل من وقوفه هكذا من نصف ساعة ولم ينتبه إلا عندما رأى مدام سوسن تنزل من عربة بسواق فأسرع إليها عند باب العربية قائلاً: ياهانم عايز أقول لحضرتك حاجة مهمة.

. استتى يا عم كامل.

ونظرت لسائق العربية الذى نزل من العربية قائلاً: أى خدمة

تانى ؟

فأجابته: شكراً أنت كده مهمتك معايا خلصت ..

وأخرجت رزمة من الأموال وقالت: أتفضل كده كفاية.

قال السائق بسعادة: كفاية قوى لو احتجتى أى مشوار بس

اتصلى بيا وأنا هكون عند حضرتك فوراً.

وركب العربية وسار بها مسرعاً وهو سعيد، ثم التفتت إلى عم

كامل قائلة: أيوه يا عم كامل في إيه ...؟!!

. العميد عماد حقق معايا

. طيب ما أنا عارفة أنهم اتصلوا بك.

— بصراحة يا هانم يعنى أصل أنا مقدرتش أكذب وقلت كل

حاجة أعرفها.

نظرت له مدام سوسن مبتسمة قائلة: خلاص يا عم كامل اللي

كنت عايزة أتأكد منه أتأكدت منه فعلا ولا يهمنى أن حد يعرف بعد

كده.

. أنا مش فاهم أي حاجة ...

قالت مدام سوسن بحزن: خلاص يا عم كامل خلاص...

. أنا كل اللي يهمنى أن حضرتك متزعلش منى..

. أبدًا ياعم كامل أنا لا يمكن أزعل منك..

. يعنى أستلم شغلي ؟

. طبعًا يا عم كامل أنا مستغناش عنك أبدًا.

وأخرجت مفاتيح العربية من حقيبتها قائلة: أتفضل المفاتيح أنت

عارف أنا مبعرفش أسوق مين يعنى هيسوق العربية غيرك.

لم تكذ تكمل كلامها حتى وجدت دكتور عصام وصل بعربته

مسرعًا وعندما وجدها واقفة أمام الباب وقف أمامها بعربته؛ لكنها

أسرعت بالدخول من البوابة فدخل بالعربية من البوابة وراءها؛ لكنها لم

تلتفت له واستعجب عم كامل وحراس البوابة ونظروا لبعضهم البعض.

* * *

دخلت مدام سوسن الفيلا وقالت لداده سميحة: أنا طالعة غرفتي

ومش عايزة حد يزعجنى؛

ولكن قاطعها صوت دكتور عصام يقول: سوسن إحنا لازم نتكلم

فى حاجات مهمة لازم أفهمك.

استدارت له بحدة قائلة: حاجات إيه اللي عايز تفهمها لى ... أنا

مش عاوزة أشوف وشك تانى أنت فاهم.

لكن دكتور عصام اقترب منها وقال بحنان: أحنا لازم نتفاهم أنا

مقدرش أستغنى عنك أبدًا أنت عارفه أنا بحبك قد إيه..!؟

فقال سوسن بغضب: أنت كذاب عشان بتحبني رحت اتجوزت
عليا نسيت أنا ووالدي اللي اعتبرك زى ابنه عملنا لك إيه، ونسيت أنى
اعتبرت مريم بنتى ومبخلتش عليها لا بحنانى ولا حبى واتخليت عن
شغلى عشان أراعيها...

رد دكتور عصام مسرعًا وهو يضحك: شغلك! أنت عمرك ما
حببتى شغلك، طول عمرك كان نفسك تكونى مهندسة، دخلت كلية
الطب عشان بس ترضى والدك، حتى مريم أنت كنت محتاجة لها زى
هى ما كانت محتاجة لك بالضبط، كنت محتاجة للأمومة اللي أتحرمتى
منها

تنهدت تنهيدة طويلة ولمعت الدموع فى عينيها وقالت: ياه للدرجة
دى أنا مكنتش عرفاك بتعيرنى بحاجة ماليش ذنب فيها...!
فبدا عليه أنه نادم على تسرعه فى الكلام بهذه الطريقة وقال:
سوسن أنا آسف صدقيني مكنش قصدى أجرحك خلاص أنا طلقته
وبكره نلاقى مريم ونرجع زى الأول وأحسن...

فابتسمت قائلة: زى الأول وأحسن يا دكتور الهانم اللي بتقول إنك
طلقتها حامل إيه مبشركتش بالخبر السعيد...؟!
نظر متعجبًا ومتسائلًا: عرفتى منين وأمتى أنا لسه عارف
النهارده؟

ابتسمت قائلة: حضرتك فاكرنى نايمة على ودانى أنا مرقباك أنت
وهى من فترة وعرفت كل حاجة عنكم أنا رحت لكم عش الغرام بتعكم
النهارده بس عشان أواجهك ومتقدرش تتكر بعد كده.

وصل الرائد مدحت ووقف على باب الفيلا الذى كان مفتوحًا؛
ولكنه دق الجرس وظن دكتور عصام أنه توصل لجديد بالقضية فقال:
اتفضل يا حضرة الضابط ...

ودخل الرائد مدحت وهو ينظر نظرة اتهام لمدام سوسن وأجابت
هى على هذه النظرة بابتسامة باهتة.

سأله دكتور عصام بلهفة: وصلت لمعلومات جديدة ؟
فأجابه قائلاً: لسه بس هنعيد التحقيق مع مدام سوسن وداده
سميحة

ووجه كلامه لها قائلاً: لو سمحتى تيجى معانا أنت وداده سميحة
. أفهم من كده أننى متهمة ؟

– مش بالضبط لكن وصلنا لمعلومات جديدة وعلى أساسها هنعيد
التحقيق معاكى ...

. ممكن أروح بعربيتي ؟

. أيوه طبعًا ..

فتدخل عصام قائلاً: مش فاهم إيه اللى بيحصل يا حضرة
الضابط ..؟

فأجابته بحدة: أبدأ حضرة الضابط فاكر أن ليا دخل فى خطف

مريم

ثم نظرت للرائد مدحت وقالت بنفس الحدة: لكن أحب أكد لك
أنك بضيع وقتك من غير فايده.

فأجابها الرائد بهدوء: إحنا عارفين شغلنا كويس وبعدين ده مش
اتهام بشكل رسمى... دى لسه مجرد شكوك ..
فتدخل عصام قائلاً: حضرتك بتقول إيه، سوسن لا يمكن تعمل
كده!

فقال له الرائد بجديه: حتى لو عرفت أنك متجوز عليها ومراتك
حامل؟!

فصمت دكتور عصام بذهول وقامت مدام سوسن بالنداء على
داده سميحة فأجابتها قائلة: أيوه ياهانم...

فقالت مدام سوسن: قولى لعم كامل يجهز العربية وحضرى نفسك
عشان هتيجى معانا حضرت الضابط عايز يحقق معاكى.

نظرت دادة سميحة نظرة قلق قائلة: حاضر ياهانم ...
ولكن تدخل دكتور عصام قائلاً: مفيش داعى لعم كامل أنا جاى
معاكم وهو صلحكم

ولكن ردت عليه مدام سوسن بحدة: متشكره يا دكتور
ثم قالت: نفذى اللى قلت لك عليه ياداده ..

خرجت مدام سوسن مع دادة سميحة من الفيلا وركبا معاً العربية
وخرج دكتور عصام وراءهم مسرعاً بعربته.

* * *

بدأ استجواب مدام سوسن بمواجهتها بالمعلومات التى أدلى بها
عم كامل وأكدت هى أن هذه المعلومات صحيحة وأضافت قائلة: من
أسبوعين تقريباً قبل اختفاء مريم جاء تليفون من مجهول يؤكد لى أن

عصام أتجوز نبيلة، الأول مصدقتش لكن بعد فترة من كثرة المكالمات قررت أراقبه، فى آخر مكالمة جاءت عرفت أن عصام هيقبلها فى الشقة الللى اشتراها لها فى نفس اليوم الللى اختفت فيه مريم واتفتت مع شركة تأجير عربيات وأجرت عربية بالسواق مكنتش عايزة حد يعرف أى حاجة، وفعلا محدش عرف غير داهه سميحة؛ لأنى متعودة أفضفض معاها عشان كده أول ما عرفت أن مريم اختفت اتصلت بيا وقالت للكل أننى نايمة ورجعت عشان أطمئن عليها، أنا لايمكن أفكر ولو لحظة بأديتها حتى لو كنت عايزة أنتقم من عصام،

طلب منها العميد عماد بيانات شركة تأجير السيارات واسم السائق وأعطتهما له، أما داهه سميحة فلم تضيف جديداً وأكدت على ما قالته مدام سوسن وخرجت مدام سوسن وداهه سميحة من مكتب العميد عماد فوجدت دكتور عصام فى انتظارهم وسأل سوسن بلهفة: إيه الللى حصل؟

فأجابته بجزن: لو عايز تظمن على بنتك ادخل اسأل سيادة العميد يمكن صحيح أكون أنا الللى ختفظها.

فرد عليها مسرعاً: بتقولي إيه أنا لا يمكن أفكر فى كده ولو للحظة!

- على العموم كل حاجة بيننا انتهت بس لو عرفت أي حاجة عن

مريم تبلغني

وانصرفت مسرعة حتى لا يلحظ الدموع التى كانت تملأ عينيها.

* * *

استيقظ عادل مبكرًا في هذا اليوم بالذات وجلس في انتظاره،
وحضر سالم ودق الجرس؛ ولكن هذه المرة انفتح الباب بسرعة ..
وقال عادل: اتفضل .. اتفضل.

دخل سالم وهو يبتسم قائلاً: واضح أنك فكرت، أتمنى تكون
وصلت للقرار السليم ..

فرد عادل في تردد: الحقيقة أنا فكرت وموافق بس بشرط ..
فأجابه بتعجب: شرط !

- أيوه شرط بصراحة أنا خايف عشان كده لازم العملية تتعمل فى
مستشفى محترمة الواحد كل يوم بيسمع عن كوارث بتحصل فى غرف
العمليات ...

. اظن العملية هتتعمل فى مستشفى استثمارى كبير ...
. مستشفى إيه اسمها إيه يعنى...؟!!

- أنت أسألتك كتيرة ليه؟ هتعرف يوم ما تيجى تعمل العملية المهم
دلوقتى عايزك بكره تعمل حسابك هعدى عليك الساعة ٩ صباحًا عشان
تعمل شوية تحاليل.

. بكره ليه مش النهارده...

. ياه مستعجل قوى صحيح الفلوس لها كلمتها خلاص بكره وتكون
صايم ...

. حاضر ...

. عن إذنك .

. بس مشربتش حاجة.

- . مش مهم مرة ثانية..
- خرج سالم واتصل بدكتورة نبيلة ..
- . ألو أيوه يا دكتورة..
- . أيوه يا سالم ..
- . عادل وافق ..
- . طيب اتفقت معاه عشان يعمل التحاليل ...
- . أيوه بس ..
- . بس إيه ..
- . أصله كان باين عليه ملهوف..
- . وإيه يعنى طبعا ملهوف على الفلوس ..
- بس هو مجبش سيرة الفلوس خالص ولم يؤكد تانى على قيمة المبلغ اللي هيقبضه بعد العملية كل اللي همه أن العملية هتعمل فى مستشفى محترمة ولما طمنته سألتنى عن اسم المستشفى...
- متشغش بالك عادى تلاقى بس الراجل من النوع الموسوس وخايف على صحته مع السلامة ..
- . مع السلامة أشوف حضرتك بكره ..
- . لأ ... دكتور سعيد هو اللي هيتابع الموضوع أنا فى أجازة، أغلقت نبيلة التليفون مع سالم وأجرت مكالمة أخرى.
- . ألو دكتور سعيد ...
- . أيوه دكتورة نبيلة ...
- . اسمعنى كويس سالم هيجيلك بكره تابع أنت الموضوع أنا تعبانة

. طيب هبلغ حضرتك بالنتيجة وحضرتك تبلى دكتور عصام.
. لأ .. بلى بنفسك أنت اللى هتابع الموضوع المرة دى معاه.
. ماشى واطمنى كل حاجة هتمشى زى ما متعودين مع السلامة.
. مع السلامة.

* * *

الفصل الخامس

دق الرائد مدحت باب مكتب العميد عماد؛ لكنه لم يرد عليه،
فدخل فوجده واقفاً شارد البال ينظر من خلال شباك مكتبه، ولم ينتبه
إليه

فقال: صباح الخير يا فندم ...

فالتفت إليه منتبهاً فجأة قائلاً: صباح الخير ...

. واضح أن حضرتك شارد

— بفكر فى القضية بعد ما حققنا مع مدام سوسن رجعنا تانى
لنقطة الصفر كل المعلومات اللى قالتها صح شركة تأجير السيارات
والسواق أكدوا كلامها.

— عندى معلومات شبه مؤكدة أن الدكتور بيتاجر فى الأعضاء

البشرية!

إبتسم العميد عماد قائلاً: وده هيفدنا فى حل القضية

استغرب الرائد مدحت من لامبالاة العميد عماد، ولكنه أكمل
قائلاً: يمكن يكون واحد سرق كليته ولا أى عضو من أعضائه وبينتقم
منه ...

— اسمعنى كويس السكة دى مش هتوصلك لحاجة والمعلومات

اللى بتقولها دى مش جديدة عليا دكتور عصام من عشر سنين وهو

بيشتغل فى تجارة الأعضاء البشرية؛ لكن فى الأول مكنش حريص لكن أول ما أتجوز سوسن أصبح قريب من دكتور فخرى وأيده اليمين وبقي مبيظهرش فى الصورة بيدير الموضوع من بعيد، بس يوصل للمتبرع المناسب بعد كده يبدأ الاتصال بالمتبرع عن طريق وسيط ويفهم المتبرع أنه وصله عن طريق الصدفة والدكتور يتابع من بعيد والعملية تتم فى مستشفى هو مشارك فيها عن طريق دكتورة نبيلة وماضية على ورق ضد....

. فعلا اللي بتقوله مطابق للحكاية اللي قالها عادل...

. مين عادل...!؟

- سواق فى هيئة النقل حاولت أدخله فى وسطهم على أمل أوصل

لأى معلومة جديدة....

. إحنا بنحقق فى اختفاء بنته وواضح أنك موصلتش لحاجة مهمة.

- لكن يا فندم الموضوع ده أهم احنا مسكنا بأول الخيط ولو عادل

كمل فى الموضوع ممكن نمسك شبكة تتاجر فى أعضاء الغلابة

ولابسين مسك الإنسانية.

- نصيحة منى مش هتوصل لحاجة المتبرعين بيعملوا كده بإرذتهم

مقابل مبالغ طائلة بالمقارنة بفقرهم ، فى نفس الوقت الحالات اللي

بتتعامل مع الدكتور ناس واصله أكبر ممّا تتخيل.

. أكبر من القانون

— مافيش فائدة أنت الحماسة وخذاك أنا نبهتك وعملت اللي عليا

...

رن جرس التليفون ليقاطع حديثهما فرد العميد عماد ثم أغلق السماعه وهو يبدو عليه التهجم وقال: وجدوا جثة مرمية فى النيل تتطبق عليها أوصاف مريم.

. هتصل بالدكتور يتعرف عليها، لكن إيه حالة الجثة...!؟!

— للأسف الجثة بها شق من عند البطن بيقولولى المنظر بشع،

مين المجرم علشان يعمل فى طفلة بريئة كده

— واحد عارف أن الدكتور أكبر من القانون وقرر ياخذ حقه بأيده

...

انصرف الرائد مدحت وترك العميد عماد يفكر قائلاً فى نفسه معاه حق أنا دايمًا متأكد أن ١٠ % بس من المجرمين اللى يحاسبهم القانون والباقي متروكين لحساب ربنا وربنا دايمًا عادل؛ لأن ببساطة فى ثغرات كثيرة بالقوانين.

* * *

تلقي دكتور عصام الخبر كالصاعقة وذهب مسرعًا للمشرحة ووجد الرائد مدحت فى انتظاره وهما فى طريقهما لرؤية الجثة أخذت تتوالي على رأس دكتور عصام ذكريات متعدده لمريم منذ ولادتها وهمسة والدتها، أفاق من تلك الذكريات على صوت الرائد مدحت وهو يقول له: أتفضل يا دكتور ويا ريت تمسك أعصابك ...

دخل دكتور عصام وهو يقدم رجل ويؤخر الأخرى وعندما كشف الغطاء عن الجثة تسمر فى مكانه وحملقت عيناه إنها مريم، نعم ابنته

مريم وأحس أن الدنيا تلف به ونظر له الرائد مدحت فى أسى وسأله: .
هى مش كده ؟

رد عليه بصوت مخنوق: أيوه أيوه
ثم خرج مسرعاً من الغرفة وخرج وراءه الرائد مدحت واستوقفه
خارج الغرفة منادياً: دكتور عصام ... دكتور ...
وقف عصام متجهاً بنظره للرائد مدحت وانتظر حتى اقترب منه
وقال بغضب: أيوه
. البقاء لله

— متشكر قوى بس أنا مكنتش ببلغ البوليس عشان يوصلوا للجثة
كنت عايزها حية، سمعنى يا حضرة الضابط حية
. دى إرادة ربنا

— أيوه أيوه قولى الكلمتين المحفوظين كمل واللى حصل قضاء
وقدر وربنا يعوض عليك مش ده اللى حضرتك عايز تقوله، بس مش
دي الحقيقة، الحقيقة إن التقصير منكم، كنتم لازم توصلها بسرعة ...
— للأسف الطبيب الشرعى بيقول إنها ماتت بعد خطفها بساعة
تقريباً؛ لكن تقرير الطبيب الشرعى لسه مكملش
— وهيقول إيه الطبيب الشرعى فى تقريره مهما قال مش هيرجع
بنتى اللى ماتت ...

. على الأقل ممكن يوصلنا للقاتل ...
. ممكن! عن أذنك أنا محتاج أكون لوحدى ...

— قبل ما تمشى فى حاجة مهمة لازم أقولها لك الجثة لقيناها
طافية على النيل ومشوها من عند البطن ورجليها مربوطة بحبل...
. أقصدك إيه!؟

— يعنى اللى قتلها شق بطنها وشوه أمعاءها وواضح أنها كانت
مربوطة بحاجة ثقيلة عشان متطفوش على وش المية؛ لكن مع الوقت
الحبل أتقطع وطفت على وش الميه
. كفاية من فضلك كفاية

انصرف دكتور عصام وهو فى حالة انهيار تام، أما الرائد مدحت
فسأل نفسه معاتبًا: ليه قلت له حكاية أمعاءها مكنش فى داعى دلوقتى
ثم أجاب على نفسه قائلاً: متضحكش على نفسك رغم أن مريم
مجرد طفلة ملهاش ذنب؛ لكن أنت كنت قاصد؛ لأنك حاسس أن ده
انتقام ربنا وكننت عايز تحسسه بالذنب تجاه الغلابة الذين لا حول لهم
ولا قوة، وبانت أعضاؤهم البشرية مجرد قطع غيار.

* * *

خرج دكتور عصام وهو فى شدة الغضب والحزن وظل يسوق
سيارته فى الشوارع بلا هدف محدد إلى أن وجد نفسه أمام كورنيش
النيل فركن عربته، ونزل منها ووقف أمام النيل وأحس كأنه يرى وجه
مريم على الماء ببراءة طفولتها، وتذكر كيف فعل المستحيل لإنقاذها
بعد أصابتها بتليف الكبد، وهو غارق فى أفكاره، فإذا بيد توضع على
كتفه ويقول صاحبها: مالك يا دكتور واقف هنا كده ليه؟

ودون أن يلتفت له دكتور عصام قال: أيوه يا حاتم في حاجة

!..

. لأ .. بس لفت نظري وقوفك كده وشكلك تعبان قوى هو الضابط

قال لك حاجة ضايقتك ...

التفت بغضب قائلاً: عرفت أزاى أنى كنت مع الرائد .. أنت

بتراقبنى

— أبدأ يا دكتور أنا سألت عليك في المستشفى والسكرتيرة قالت

لى! اهدأ بس يا دكتور واضح أن أعصابك تعبانة إيه اللي حصل ...؟!!

. أنا كنت في المشرحة ...

. بتقول إيه مريم

. أيوه ماتت .. آه لو أعرف مين اللي قتلها كنت شربت من دمه

. قتلها ... !

. أيوه اتقتلت ورموا جثتها في النيل ...

. معقولة مين اللي عمل كده وليه ...؟!!

. البوليس موصلش لأي حاجة

. لا حول ولا قوة إلا بالله ... البقاء لله.

. أنا مش عايز حد يواسيني بكلمتين ابعده عن وشى....

. وانصرف دكتور عصام وركب سيارته.

* * *

جلست سوسن على الكرسي الهزاز تهتز به بعصبية وهي تنتظر
للسقف شاردة، جاءت لها دادة سميحة ببعض الطعام مع فنجان الشاي
قائلة: أتفضلى الشاي بس الأول كلي لك لقمة أنت من امبارح مكلتيش
نظرت لها سوسن قائلة: ماليش نفس يا دادة ...

. يا بنتى اللى بتعملية فى نفسك ده مش هيغير اللى حصل...
— أنا مش عايزه أتكلم فى الموضوع ده من فضلك يا دادة وبعدين
أنا اللى شغلنى دلوقتى مريم قلبى حاسس إنى خلاص مش هشفها تانى.
. متقليش كده إن شاء الله هترجع وبكره تقولى دادة قالت
. نفسى أعرف البوليس وصل لحاجة جديدة ...
. طيب أتصلى بالدكتور عصام واسألينه...
. لأ ... أنا هتصل بالرائد مدحت هاتى التليفون
. ألو ...

. ألو مين معايا
. أنا مدام سوسن حرم دكتور عصام ...
— أيوه البقاء لله أنا آسف جدًا صدقيني إحنا عملنا كل اللى نقدر

عليه

. حضرتك بتتكلم عن إيه!؟
. هو دكتور عصام مبلغكيش!؟
. بلغنى بإيه ؟
. إحنا وجدنا جثة مريم والدكتور جه المشرحة وأتعرف عليها...

لم تستطع سوسن تمالك نفسها وسقطت السماعه من يدها
وأحست أن الدنيا تدور بها، وجاء صوت الرائد مدحت من السماعه وهو
يقول: . ألو... ألو مدام سوسن ..

فارتبكت داده سميحة للحظات ثم أخذت السماعه من على
الأرض. وقالت: أيوه هو حضرتك قلت لها إيه...؟!.

. أيوه مين معايا ...

. أنا داده سميحة ...

. أ أيوه يا داده فين مدام سوسن ...!؟.

. متسمرة فى مكانها فى حالة ذهول ...

— آسف إنى قلت الخبر كده، أتصورت أنها عرفت من دكتور

عصام

. خبر إيه!؟.

. مريم ماتت مقتولة ولقينا جثتها فى النيل ...

لمعت الدموع فى عينيها لكنها تماسكت قائلة: طيب مع السلامة

يا بيه

وأغلقت السماعه واقتربت قائلة: أهدى يا بنتى متعمليش فى نفسك

كده

نظرت لها فى ألم قائلة: أهدا إزاي أنا كان قلبى حاسس أنا قلت

لك.

. طيب يا بنتى أهدى حاولى تطلعى تستريحى فى غرفتك...

لكن فجأة بدا على سوسن الإعياء الشديد وقالت فى فزع: دادة أنا
مش قادرة آخذ نفسى دادة ... دادة
وسقطت مغشىا عليها.

* * *

ذهب دكتور عصام لشقته القديمة التى كان يقيم بها هو وهمسة
وشاهد أول أيام طفولة مريم وإذا بالموبايل يرن فنظر فى الرقم فوجدها
نبيلة، فقرر ألا يرد عليها، ولكنها ألحت فى الاتصال فرد
عليها قائلا بغضب: أيوه يا نبيلة عايزه إيه؟!
. أبداً كنت متصلة أعزىك ...

. عرفتى منين...!؟

. من حاتم ..

. شمتانة فيا طبعاً زمانك بتقولى مفيش قدامه غيرى أنا وابنى..

. آه نسيت أقول لك ابننا احنا كمان مات ...

. بتقولى إيه؟

– اللى سمعته البقاء لله عزى نفسك مرتين، كنت فاكر إيه بعد ما

ضربتتى ونزلت ورا الهانم، أغمى عليا لولا ملك لحقتى كنت زمانك

بتعزى فيا أنا كمان...

صمت دكتور عصام لبرهة ثم قال: أنا مكنش قصدى أنت

السبب كنت عايزه تحطينى قدام الأمر الواقع وأنت عارفه أنى مقبلش

كده.

. أنت لسه مش مصدق أننى مش أنا اللى اتصلت بيها....

. نبيلة أرجوكى مش وقته أنا أعصابى تعبانة.
– على العموم خلاص كل اللى بيننا انتهى حتى الشغل أنا شايفة
إن الدكاترة اللى معاك كفاية أنا رتبت كل حاجة وهسافر لوالدى فى
دبى.

. أنت بتقولى إيه والمستشفى

. شوف حد غيرى أنا كتبت نصيبى فى المستشفى بيع وشراء لك،
هو أصلاً نصيبك وكده الورق اللى معاك ملوش لازمة.. مع السلامة.
. نبيلة ... نبيلة.

كررها عدة مرات دون جدوى لقد أغلقت السماعة وأنها ما بينهما
إلى الأبد.

* * *

حضرت ليلي مسرعة تطمئن على سوسن بعد اتصال داه
سميحة بها وعندما دخلت الفيلا وجدت الدكتور عند الباب يهم
للانصراف وسألته قائلة: خير يا دكتور سوسن عندها إيه...؟!
. اهدى ياهانم كل الحكاية أنها لما سمعت خبر وفاة بنتها حصلت
لها صدمة وضيق تنفس فأغى عليها، كتبت لها مهدئات ومحتاجة
شوية راحة وتبعدها عن أى حاجة ممكن تأثر على أعصابها عن
أذنكم...

. شكراً يا دكتور ...

وانصرف الدكتور ونظرت ليلي لداده سميحة بجزن: هي عرفت
إن مريم ماتت من مين...؟!!

— اتصلت بالضابط اللى بيحقق فى القضية عشان تطمن فعرفت

...

— طيب يا دادة أنا هطلع أطمئن عليها وأحاول أقنعها تسافر معايا
لأى مكان تحبه يمكن تغيير الجو يساعدها تطلع من اللى هي فيه.
. يا ريت يا بنتي

صعدت لىلى لسوسن ودقت الباب وهى تقول: سوسن أنا لىلى
وجاءها صوت سوسن الملى بالحزن وهى تقول: ادخلى يا لىلى

...

دخلت لىلى ونظرت لسوسن فوجدتها جالسة على السرير وعينها
مليئة بالدموع فأسرعت وجلست بجوارها قائلة: سوسن متعمليش كده فى
نفسك صحتك ...

. صحتى! أحافظ على صحتى لمين ...

. أهدى ياسوسن أيه رأيك ناسفر يومين مع بعض نغير جو

. لأ... أنا أعصابى تعبانة ..

. عشان كده أحسن حل السفر ..

. أنا مقدره شعورك وعارفه أنك عايزه تقفى جنبى...

. أنت عارفة إحنا مش بس أصحاب... أنت أختى.

— لو عايزة تقفى جنبى صحيح أوعدىنى تساعدىنى فى اللى بفكر

فيه.

. بتفكرى فى إيه؟!!

. فاكرة زمان قبل ما أتجوز عصام كنت بفكر فى إيه...؟!!

. أيوه افكرت كنت بتفكرى تتبنى طفلة ...
. أه بس المرة دى الفكرة اختلفت أنا بفكر نؤسس ملجأ فى الفيلا.
. بس الموضوع ده محتاج اجراءات كتيرة
— هكلم المحامى يتابع الموضوع المهم أنت معايا فى الموضوع

ده!

. طبعا بس !!!!!

. بس إيه!؟

. دكتور عصام ...

— عصام خلاص انتهى بالنسبة لى، كلمت المحامى يرفع قضية

خلع

. ياسوسن مش وقته أكيد أعصابه تعبانه عشان مريم زيك وأكثر .
— أعصابه هتهدى أول متولد نبيله مولدها المهم أنفذ فكرتي
معايا..

. معاكى فى كل خطوة ...

كانت سوسن مقتنعه تمامًا بالفكرة وقررت ليلي عدم مناقشتها فى
موضوع دكتور عصام مرة أخرى.

* * *

تسلم الرائد مدحت تقرير الطبيب الشرعي وذهب للعميد عماد
ودق الباب ودخل قائلاً: تقرير الطبيب الشرعى وفيه حاجات كتير
محيرة.

. زى إيه ...؟

— أولاً: رغم شق البطن إلا إن ده مش سبب الوفاة سبب الوفاة تناول سم عن طريق الفم، ثانياً: الكل أكد أن مريم عملت عملية استئصال الزائدة ورغم كده الطبيب الشرعى بيقول إن الزائدة غير مستئصلة، ثالثاً: رغم تشوه الأجزاء الداخلية للبطن؛ لكن الجزء المستئصل تماماً هو الكبد ومستئصل بطريقة بدائية بمعنى أن اللي استئصله ميقدرش يستخدمه فى أى غرض طبى، رابعاً: فصيلة دم مريم .OH

قاطعها العميد عماد قائلًا: تقصد فصيلة دمها O.

— لأ... فى البداية أتصورت كده، لكن الطبيب كاتب أن OH فصيلة نادرة جدًا اكتشفت سنة ١٩٥٢ فى الهند بمدينة بومباى لذلك يطلق عليها فصيلة "بومباى جروب" نسبة تواجدها من ١ إلى ٣ فى المليون.

— فعلا التقرير ده بيزود علامات الاستفهام فى القضية، إذا كانت الزائدة موجودة، إيه العملية اللي عملتها وليه والدها أخفى الموضوع وبالتأكيد هو عارف فصيلة دمها النادرة من ناحية؛ لأنه طبيب ومن ناحية ثانية؛ لأنها عملت عملية، يعنى مرت بتحليل بينت فصيلة دمها — فى نفس الوقت رغم ندرة فصيلة دمها واستئصال الكبد تماماً، إلا أن قتلها بالسم، واستئصال الكبد بيأكد أن اللي قتلها مستعدش بأى شكل من الأشكال مثل زراعة الكبد ده فى جسم مريض.

– عندك حق التقرير رغم المعلومات اللى فيه إلا أنه زود حيرتنا؛
لكنه فى الغالب رجعنا لفكرة أن اللى قتلها قتلها بدافع الانتقام وأنه مكنش
على دراية بفصيلة دمها النادرة.

– لكن تفضل أسئلة مبهمة ليه دكتور عصام أخفى حقيقة العملية
الى بنته عملتها، وليه ادعى إنها الزايدة، وليه القاتل خد كبدها.....؟!
ظل الرائد مدحت والعميد عماد يتناقشان فى التقرير لمدة طويلة
دون جدوى وقررا أن ينهوا المناقشة ، وخرج الرائد مدحت من مكتب
العميد عماد وهو مازال يفكر فى القضية، فإن شعوره يؤكد له أن ندره
فصيلة دم مريم وراء كل ما يحدث.

* * *

أمضى دكتور عصام ليلته كلها فى الشقة يتأمل صور همسة
وصور ابنته وهى طفلة لم تكمل العام ثم غلبه النوم وهو على الأريكة
فى غرفة الجلوس واستيقظ فى الصباح على رنة تليفونه المحمول فنظر
فى الساعة قائلاً: ياه الساعة ١٢ الظهر.

ثم أمسك تليفونه المحمول ليرد قائلاً: ألو

. ألو صباح الخير يا دكتور

. صباح الخير دكتور سعيد

. المتبرع جاهز مش فاضل غير تحديد وقت العملية ...

. متبرع إيه ؟!

. حضرتك نسيت يا دكتور ولا إيه عم عادل

. أيوه افكرت، دكتور سعيد أجل الموضوع ده فى الوقت الحاضر .

. إزاي يا دكتور ... دكتورة نبيلة فهمتنى أن الموضوع مستعجل ..

فرد عليه بغضب: وبعدين يا دكتور اسمع الكلام ونفذه من غير نقاش
— هدى أعصابك يا دكتور أنا وباقي الدكاترة ممكن نقوم بالعملية
لوحدنا أنا عارف أن موت بنت حضرتك مآثر عليك ...

— لَمَا أنت عارف أن بنتى ماتت تفنكر ده وقت مناسب للمناقشة

فى أى موضوع مع السلامة

وأغلق عصام الموبايل بغضب...

وبعدها تلقى مكالمات كثيرة تعزیه فى ابنته؛ لأن معظمها من
شخصيات مهمة، فحاول أن يرد وهو متماسك الأعصاب؛ لكن كل
مكالمة كانت تزيد حزنه وغضبه؛ لأن كل مكالمة كانت تذكره أنه أنقذ
ابن أو أخ أو قريب لكل ممن اتصلوا به من الموت، لكنه لم يستطع
إنقاذ ابنته من الموت أو بمعنى أصح من القتل.

* * *

جلس دكتور سعيد بغرفته يلعن غبائه وينعى حظه التعس؛ لأنه
ظن أنه عندما ينتهز فرصة غياب دكتورة نبيلة وانشغال دكتور عصام
بمقتل ابنته سيأخذ مكانة دكتورة نبيلة ويدير هو المستشفى ويقوم
بالعمليات المهمة؛ لكنه لم يحسن التصرف فلم يعز دكتور عصام، كان
ينوى التظاهر بعدم معرفته بالموضوع رغم نشره بكل الجرائد؛ لكن
عندما طلب تأجيل العملية فلت لسانه وظل حائرًا لفترة، ماذا يفعل لإنقاذ
الموقف، ثم قرر الاتصال بدكتورة نبيلة.
. ألو صباح الخير

. ألو أيوه دكتور سعيد ...

— اتصلت بدكتور عصام لما كل حاجة جهزت طلب منى تأجيل

الموضوع ...

. شىء طبيعى أنت عارف موضوع بنته.

— خلاص تابعى أنت الموضوع زى كل مرة واعملى العملية

بنفسك.

. أنا تركت الشغل ومسافرة فاضل على طيارتى ٣ ساعات، دكتور

عصام هو المسئول عن كل حاجة.

. ونصيبك فى المستشفى...

. بعته للدكتور عصام مع السلامة يا دكتور

وأغلقت الموبايل وأحس بالسعادة فالدكتور عصام إن عاجلا أم

أجلا لن يجد شخصا يثق به وعلى درايه بكل ما يحدث بالمستشفى

غيره من قبل كان هناك دكتور سامح، وكان دكتور عصام يثق به بعد

دكتورة نبيلة وعندما وجد فرصة عمل ممتازة وسافر للصين أخذ هو

مكانه وأحس أنه ليس أمامه عقبة للاستيلاء على هذا المنصب سوى

دكتورة نبيلة وهامى تسافر أيضًا.

* * *

ركبت دكتورة نبيلة التاكسي الذي سيوصلها للمطار وظلت تفكر،

كانت تتوى إرسال الملفات السرية الخاصة بجميع العمليات غير

القانونية التى تم تنفيذها بمستشفى الخير للنائب العام؛ لكنها عندما

أمعنت التفكير رأت أن أصابع الاتهام ستوجه إليها، يكفى أن يقول

دكتور عصام: إنها هي من سرب الملفات، وسينفتح عليها أبواب جهنم، وسيلاحقها كل من وردت أسماؤهم بالملفات من رجال أعمال، ومناصب مهمة، وحتى بعض رجال الدين، تتذكر جيدًا اليوم الذى فوجئت بأحد الشيوخ المشهورين بتشدهم فى تحريم زراعة الأعضاء حتى فى حالة موافقة المتبرع فى غرفة العمليات، وأجرى له دكتور عصام عملية زراعة الكلى، وكانت هى مساعدته وسألت دكتور عصام بعد إجراء العملية؛ لتتأكد من شخصيته وأكد لها أن ظنها فى محله معلقًا على ذلك قائلاً:

— اللى على البر عوام طول ما الموضوع بعيدًا عن الشخص
بيقول اللى هو عايزه؛ لكن أول ما الخطر يقرب، كل واحد بيدور على
مصلحته ويتلون كلامه ووجهة نظره تتغير ١٨٠ درجة.

وغيرت رأيها وقررت أن تسافر ثم تفكر بهدوء وروية؛ ولكن
اتصال دكتور سعيد جعلها تفكر فى فكرة أخرى وهى أن تتصل بصادق
بيه.

. ألو مكتب صادق بيه ...

. أيوه أنا السكرتيرة

. ممكن توصلينى به

. مين حضرتك ...!؟

. دكتورة نبيلة من طرف دكتور عصام ...

. ثانية واحدة ...

. معاكى ...

انتظرت قليلا ثم جاءها الرد: صادق بيه مع حضرتك ...

. أيوه يا دكتور نبيلة أي خدمة .

. أبدًا أنا اتصلت عشان أبلغ حضرتك أن المتبرع جاهز ...

. طيب كويس ...

. بس فى مشكلة بسيطة...

. مشكلة إيه عايز فلوس أكثر...؟!!

— لأ ... الموضوع مش موضوع فلوس، طبعًا عارف الظروف

اللى بيمر بها دكتور عصام هو عايز يؤجل الموضوع، والحقيقة فى الحالة دي ممكن المتبرع يغير رأيه، وحتى لو مغيرش رأيه اللى أعرفه أن الحالة حرجة.

— عندك حق أنا صحيح مقدر اللى هو فيه؛ لكن هو كمان لازم يقدر ظروفى لو مش هيعمل العملية يدانى على المتبرع وأنا هتصرف ...

. عندنا طقم دكاترة ممتاز ولولا إنى مسافرة كنت عملتها بنفسى.

. والحل ...

— هو أكيد مش هيتأخر لو حضرتك كلمته يعمل العملية هو أو

طقم الدكاترة اللى معاه عندهم خبرة كويسة فى الموضوع ده ...

. خلاص أنا هكلمه...

. بس ياريت متبلغوش أن أنا كلمتك ...

. طبعًا مع السلامة.

كانت نبيلة تعلم جيدًا أنها بذلك وضعت دكتور عصام بين

نارين، إما أن يقوم بالعملية بنفسه، وعلى الأرجح هذا لن يحدث؛ لأنه

مجهد الأعصاب؛ لكنه فى نفس الوقت لا يريد خسارة صادق بيه، وإما أن يترك طاقم الدكاترة بقيادة دكتور سعيد يقوموا بتنفيذ العملية، وهذا هو ما يتمناه دكتور سعيد وهى أيضاً؛ لأنها تعلم أن دكتور سعيد سينتهد الفرصة، وأنه طموح جداً لدرجه قد تجله يحاول إزاحة أى شخص من أمامه، حتى لو كان دكتور عصام نفسه، وبذلك يكون قد دق دكتور عصام أول مسمار فى نعشه.

* * *

الفصل السادس

قضى الرائد مدحت ليلته يفكر في القضية إلى أن توصل إلى
خيطة قد يساعد في حلها، وقرر أن يذهب في الصباح ليخبر العميد
عماد بخطة لمعت في رأسه، ودخل وهو يقول: صباح الخير يا فندم.
— صباح النور اللي يشوفك النهارده يقول إنك وصلت لحل
القضية.

. فعلا يا فندم...

فأجابه بلهفة: فعلا إيه في معلومات جديدة تفيد القضية.

. يعنى هيا مش معلومات ... بس استنتاج.

. استنتاج ...!

. بس اسمعنى ...

. أتفضل ...

. أكيد أن مريم من سنتين عملت عملية، وأكيد مش عملية الزائدة.

. بناءً على تقرير الطبيب الشرعى يبقى أكيد ...

- يبقى عملت عملية تانية وبشكل سرى جدًا، فى نفس الوقت اللي

الجزء الوحيد اللي اختفى من جثة مريم كان الكبد، يبقى ليه متكنش
عملية زراعة الكبد.

— حتى لو كان، سبق وقلت لك إن دكتور عصام مبيسرقيش الأعضاء مش أسلوبه هو دايمًا يعرض مبلغًا كبيرًا على المتبرع، والمتبرع مع فقره يوافق على طول.

. صحيح يا فندم لكن لو وضعنا فى الاعتبار ندره فصيلة دم مريم وأن المتبرع بالكبد لازم يكون من نفس فصيلة الدم، أتذكر يا فندم أن نسبة تواجد الفصيلة دي من ٣ إلى ٣ فى المليون، يعنى لو دكتور عصام وجد واحد بس من نفس الفصيلة تبقي معجزة، ولو افترضنا أن الشخص ده موافقش ، تبقي كارثة للدكتور عصام، وأكد هيحاول يعمل أى حاجة عشان ينقذ بنته.

— حتى لو وافقتك على وجهة نظرك، فى الآخر معرفناش القاتل...!

. لكن فى الحالة دي أكيد دكتور عصام عارف هو مين ...
. وأنت فاطر أنه هيعترف بسهولة ويقول لك هو عمل كده مع مين

..

— لأ.. لكن لو عرفنا المعلومات الللى فى تقرير الطبيب الشرعي خاصة اختفاء الكبد، ممكن نعرف الللى انتقم منه بتكثيف المراقبة.
. دي كلها مجرد استنتاجات لكن مش هنخسر حاجة لو جرينا...
. شكرًا يافندم عن إيدك ...
. رايح فين ؟!...!
. أنفذ الخطة هدور عليه وأوجهه بالمعلومات التلى بالتقرير.

* * *

قرر دكتور عصام التفرغ تمامًا لمعرفة من قتل ابنته يجب ألا يقف ساكنًا ويتصرف بسلبية، ويترك الأمر برمته للشرطة، وهو غارق في أفكاره، أفاق على جرس الباب ونهض ليفتح الباب، فإذا بصادق بيه يقف أمام الباب فقال مسرعًا: أتفضل

— شكرًا أنا لقيت أن التليفون مش كفاية ولازم أجيلك وأعزيك

بنفسى.

. متشكر يا صادق بيه ...

ودخل صادق وجلس بغرفة الجلوس وسأله دكتور عصام قائلاً:

عرفت منين إن أنا هنا؟! ...!

. من حاتم

. أيوه هو عارف العنوان هنا ...

. عارف أن الوقت مش مناسب، لكن إيه الأخبار لقيت المتبرع.

لم يرد دكتور عصام فورًا، وصمت قليلاً فاستكمل صادق كلامه قائلاً: عارف أن موت بنتك مآثر عليك؛ لكن أنت عارف أن الحالة حرجة، لو كنت وصلت للمتبرع، ومش قادر تعمل العملية دننى على المتبرع وأنا هتصرف ...

صمت دكتور عصام وربط بين ما قاله صادق بيه واتصال دكتور سعيد به، لا يمكن أن تكون صدفة فقال: صادق بيه إحنا مش معرفة يوم ولا اثنين، هكلمك بصراحة من ساعة موضوع مريم، وأنا حاسس أنى متراقب عشان كده مقدرش أعملك العملية، ولا أنا ولا أى

دكتور من الدكاترة اللى معايا حتى المتبرع اللى وصلت له يمكن يكون متراقب .

. طيب إيه الحل من وجهة نظرك...؟!!

. اعمل العملية فى الصين ...

. الصين !!!

— أيوه الموضوع ده سهل هناك أنا أعرف دكتور مصرى هناك

ممکن يساعدك فى الموضوع ده ...

. الدكتور ده مضمون ...

. جدًا كان تلميذى ...

. اسمه إيه...؟!!

— سامح تليفونه معايا هأتصل بيه وأشرح له الحالة بالظبط وهو

يبقى يتصل بك، ورتب معاها كل التفاصيل...

. ماشى متشكر جدًا ...

ووقف صادق بيه وهم بالانصراف فإذا بجرس موبايل دكتور

عصام يرن ورد دكتور عصام مسرعًا فإذا بحاتم يقول له: الرائد مدحت

هنا ببسأل عليك بيقول إن فيه معلومات مهمة بخصوص القضية.

. الرائد مدحت عندك ...

فإذا بصادق بيه يقول مسرعًا: طيب عن إذنا أنا ...

. مع السلامة ...

وذهب وراءه وأغلق الباب ثم رد على حاتم قائلاً: أيوه يا حاتم ...

. حضرتك رحى فىن يا دكتور ...

. أنا معاك هو سألك عن مكانى ...!؟

لأ ... سأل السكرتيرة وأنا كنت واقف بس قلت أسألك الأول ..

. طيب قول له العنوان ...

. حاضر يا دكتور مع السلامة ...

. مع السلامة ...

قرر دكتور عصام انتظار مدحت وأن يحاول معرفة كل المعلومات التى لديه ربما توصله من قتل ابنته يجب أن يأخذ حقه بيده.

* * *

ظلت سوسن تفكر كيف ستمول الدار؟! وطافت برأسها العديد من الأفكار، كأن تبيع مزرعة الفواكة، ولكنها تراجعت أنها تعشق الخضرة وتحب قضاء الأجازات بها، كما أن عم رمضان يباشرها جيدًا وتدر عليها عائداً كبيراً كل عام، وهكذا ظلت تسرد برأسها جميع ما لديها من ممتلكات؛ لكنها وجدت أن كل منها له ذكرى جميله بداخلها، إلى أن ركزت تفكيرها على المستشفى ورغم أنها استبعدتها فى البداية، إلا أنها عادت تفكر فيها من جديد، صحيح أن والدها بناها، وجعل لها اسمًا كبيرًا وسمعة طيبة؛ ولكن الآن عصام هو من يديرها وشريك بها، فرغم أن لها الحق فى رئاسة مجلس إداره؛ لأنها تمتك النصيب الأكبر، إلا أنها لن تستطيع إدارتها بنجاح، وبعد ما حدث بينهما، لن تترك إدارتها له بالطبع، وجاءت برأسها فكرة أن تبيعها للدكتور فوزى، بالرغم من الصداقه التى تبدو على السطح بينه وبين دكتور عصام، إلا أنه يتمنى شراء المستشفى، كما أن نسبة ٧٠% ستمكنه من إدارة

المستشفى، واتصلت به ووجدته يعرف أنها هي ودكتور عصام على خلاف كبير وعندما عرضت عليه الفكرة وافق على الفور، وعرض عليها مبلغًا كبيرًا واتفقا على كل التفاصيل ورتبا موعدًا عند المحامي وذهبا في نفس اليوم وأنهوا كل شيء وتركت باقى الاجراءات يكملها المحامى، وشعرت بسعادة بالغة، من جهة دبرت الأموال اللازمة للدار، ومن جهة أخرى جاءت بشريك، سياًخذ منه إدارة المستشفى وبالطبع سيغضب دكتور عصام؛ لأنه تعود على أن يدير كل شيء بنفسه، وأن يطيع الكل أوامره.

* * *

وصل الرائد مدحت ودق جرس الباب، ففتح الباب بسرعة غريبة، ووجد دكتور عصام خلف الباب تبدو عليه اللهفة، واضح أنه كان فى انتظاره، حاتم أخبره أنه يبحث عنه، وهذا ما كان يتمناه الرائد مدحت أن يجده ملهوقًا وقلقًا؛ لتأتى خطته ثمارها؛ ولكن دكتور عصام حاول أن يظهر هادئ وقال : تفضل يا سيادة الرائد خير فى أخبار جديدة...؟! ودخل الرائد مدحت وهو يقول: يعنى هي الحقيقة مش أخبار كل الحكاية أن تقرير الطبيب الشرعى وصل وقلت يمكن المعلومات اللى فيه يهكم تعرفها.

— بس كده يعنى حضرتك بدور عليا وعاوزنى ضروري عشان تقولى المعلومات الموجودة في تقرير الطبيب الشرعى أنا قلت أنك وصلت للقاتل أو على الأقل بتشتبه فى حد ...
. أفهم من كده أنك ميهمكش تعرف بنتك انتقلت إزاي ...

. أكيد يهمنى لكن متساش أنا أب ودي بنتي الوحيدة واللى يهمنى
أكثر توصلوا للقاتل وأشوفه وهو متعلق فى حبل المشنقة.
. إن شاء الله؛ لكن يا ريت تساعدنا...

. إزاي

. أنا أقول لك المعلومات اللى عندى وبعدها لو حسيت أنك شاكك
فى أي حد ولو بنسبة واحد فى المليون يا ريت نقول لى.
. طيب أتفضل أنا سمعك ...

. مريم انتقلت بالسم غالبًا، شربت حاجة فيها سم
. كلام إيه ده... والفتح اللى فى بطنها...

— هو ده السؤال اللى ملوش إجابة، والغريب أن اللى قتلها فتح
بطنها واستأصل كبدها، طبعا أى شخص بعد موته ولو بدقيقة واحدة
أى عضو من أعضائه لا يمكن الاستفاده منه فى عمليات نقل
الأعضاء.

لاحظ الرائد مدحت تغير بوجهه، وكان الكلام نزل عليه
كالصاعقة، فشرد وكأنه وقع فى بئر عميق متذكرًا حواراه مع حاتم وهما
يركبان مع بعضهما سيارته، عندما سمع أسطورة إيزيس وأوزوريس،
براديو السيارة، وحاتم يقول له: تعرف يا دكتور أنا معجب قوى بحكاية
إيزيس وأوزوريس

. معقولة يا حاتم إيه أنت أول مرة تسمع الحكاية دي، دى أسطورة
فرعونية معروفه جدًا.

. وأعرفها منين يا دكتور، أنا بفك الخط بالعافية ...

. بس دى خيال فى خيال اللى بيموت مبيرجيش تانى ...
. عندك حق يا دكتور لكن كل حكاية ولها أصل ...
. مش دايمًا يعنى يا عبقرى زمانك تفكر إيه أصل الحكاية دي.
- أبدأ بعد ما اتقتل وتوزعت جثته كل جزء فى ناحية حبت تدفنه
فجمعت أجزاءه عشان تدفن مع بعضها من غير ما ترجع فيه الروح
كفاية أنه يكون مستريح فى تربته.
قطع الرائد مدحت الصمت الذى ساد المكان قائلاً: دكتور عصام
... دكتور عصام

نظر إليه وكأنه نسي أنه موجود وقال: نعم ...
. إيه يا دكتور شردت في إيه ... ؟
. أبدأ ولا حاجة كنت بتقول إيه ... ؟
. ياه حضرتك مكنتش سمعنى ...
. لأ ... أنا معاك وبعدين ... ؟
. وبعدين إيه هي دي كل المعلومات الجديدة...
. يعنى حضرتك تابع نفسك وبدور عليا عشان كده بس...؟!
. حضرتك شايف إنها معلومات مش مهمة...?!
— طبعًا لأ... إلا لو كانت هتوصلكم للقاتل ده شغلكم وأنتم أدرى
بيه.

. و حضرتك بعد معرفة المعلومات مشكتش فى حد...
— يا حضرة الضابط أنا زهقت أنا اتسألته السؤال ده مليون مرة
وبعدين أنا قلت كل اللى عندى والباقي شغلكم أنتم....

. طيب يا ريت تهدى ... عايز أسألك سؤال أخير...
. أتفضل ...

— في أول التحقيقات اتهمت أخوك حضرتك لسه مصمم على
موقفك

. لأ

. ليه إيه اللي غير موقفك ...؟! .

— أبداً كنت متخانق معاه وأعصابى تعبانة وقلقان على بنتى لكن
لمّا فكرت بهدوء لقيت أنه مستحيل يعمل كده.
. شكرًا يا دكتور أستأذن أنا....

. يا ريت لو وصلت لأي حاجة تبلغنى وسامحني على عصبيتي.

. لأ ... أبداً أنا مقدر ظروفك

انصرف الرائد مدحت وهو متأكد أن خطته قد نجحت وشدد
الرقابة على دكتور عصام.

* * *

أحس دكتور عصام أن الدنيا تلف به وأخذ يهزى بصوت عال
قائلاً: إزاي مفكرتش فيه، ليه أستبعده من دائرة الشك هو الوحيد اللي
عنده الدافع، بس عرف منين، معقول يكون سامح قال له، لأ .. لأ..
مش ممكن وبعدين أنا مكنش قصدى أقتل ابنه هو اللي مات أثناء
العملية أنا لازم أنتقم منه لازم أواجهه هاقتله ... هاقتله ...
لكنه وجد صوت ضميره يقول له: هتقتله ليه عشان موت بنتك
أنت كمان موت ابنه.

. لأ... هو اللي مات قدره نصيبه متحملش حادثة العربية.

. حادثة العربية إلا أنت دبرتها له.

– أيوه أنا دبرتها عشان تبقي فى حجة يدخل بيها غرفة العمليات،

لكن اللي نفذ هو اللي كان غبى، خبطه خبطة جامدة أنا قلت له خبطة

خفيفة، مع المخدر يغمى عليه ويتنقل المستشفى وده فعلا اللي حصل.

— متضحكش على نفسك أنت كل اللي كان همك فى غرفة

العمليات تنقذ بنتك والولد متحملش ومات.

. أبداً أنا عملت العملية بحرص ومش حاسس بالذنب...

أفاق من أفكاره على جرس التليفون وعندما رفع السماعه وجد

دكتور فوزى يقول له: إزيك يا عصام عامل إيه دلوقتى...؟!

فوجده يرد عليه بغضب: زى الزفت

— إهدأ يا عصام مش كده دي إرادة ربنا هو أنا اللي هقولك أنت

دكتور وعارف مرضى بتيجى وبينهم وبين الموت لحظة واحدة، وبيعيشوا

ومرضى بيموتوا رغم أن حالتهم مش خطيرة.

. المهم دلوقتى أنت متصل ليه...؟!

– ده كلام يا عصام ده إحنا أصدقاء متصل عشان أظمن عليك

!..

. وإظمنت عليا مع السلامة، أنا مش قادر أتكلم مع حد

. إستنى لحظة طيب أنا هجيلك

. لأ أنا عاوز أقعد لوحدى شوية

— طيب اللي يريحك على العموم أنا سأتصل بك تانى مع
السلامة.

أحس دكتور عصام أن دكتور فوزى كان يريد إخباره بشيء ما؛
لكنه لا يعرف ما هو، ثم قرر ألا يشغل تفكيره بهذا الأمر، يجب أن
يركز فى كيف ينتقم لابنته !.....!

* * *

نزل دكتور عصام من منزله مسرعًا بعد اتصاله بحاتم وطلب
منه أن ينتظره أمام كافتريا الأمل القريبة من المستشفى وسيمر عليه
ويأخذه بالسيارة على ألا يخبر أحدًا، وصار وراءه طقم المراقبة من
المباحث العامة؛ ولكن ذلك لم يمر على شخص فى ذكاء دكتور
عصام، لقد لاحظ السيارة التى تسير خلفه وباختبار صغير بتغييره خط
سيره فجأة، تأكد أن ظنه بمحلّه وبعد محاولات عديدة تخلص من
المراقبة، وخاب ظن الرائد مدحت عندما سمع صوت فؤاد أحد أفراد
طاقم المراقبة، وهو يقول بوضوح عبر اللاسلكى: لقد فقدنا السيارة هي
الآن خارج نطاق المراقبة...!

فأسرع الرائد مدحت بإخبار شرطة المرور بأوصاف السيارة
وتمنى فى داخله أن يجدها وإلا ضاع مجهوده هباءً، وفى نفس الوقت
أحضر الجانى للدكتور عصام ليصفى حسابه معه.

* * *

ارتاح دكتور عصام عندما تأكد أنه هرب من المراقبة؛ لكنه تأخر
على حاتم الذى بدأ يقلق لكن فى النهايه وصل إليه، أخذت السيارة

تسير بسرعة بين الطرقات، والغريب فى الأمر أنهما لم ينطقا بكلمة طوال الطريق إلى أن وصلا إلى مكان مهجور وقال دكتور عصام بحزم: انزل

فقال حاتم بتعجب: إيه المكان الغريب ده يا دكتور أنت عملت حجرة عمليات سرية هنا ولا إيه ؟!.....!

لكن دكتور عصام نظر له نظرة غضب فقال حاتم: خلاص يا دكتور متزعلى نفسك نازل آهه

ونزل من السيارة، لكن دكتور عصام فوجئ بحاتم يقترب منه بسرعة ويطوقه من الخلف ويخرج مطوأة من جيبه ويضعها على رقبته قائلاً: طلع المسدس اللى معاك يا دكتور ...

قال د. عصام باستغراب: مسدس إيه أنت اتجننت

فقال بغضب: يا ريت متتعلمش معايا على أنى غبى، إيه رأيك ناعب على المكشوف، أنا عارف أنت جايينى هنا ليه واضح أن مدحت بيه قال لك حاجة عرفت منها أنى قتلت مريم....

. يعنى أنت اللى قتلتها يا كلب بعد كل اللى عملته معاك

أحس دكتور عصام بالمطوأة وهى تحك بجلده وتجرحه لثقل يد حاتم عليها نتيجة لغضبه وهو يقول: زى ما قتلت ابنى الوحيد.....

وبعدين عملت لى إيه، هه المصلحة بنا كانت مشتركة نسيت أنى زحت من قدامك دكتور ناجى اللى كان دراع دكتور فخرى اليمين بعد تهمة محاولة سرقة كلية راجل غلبان ودكتور فخرى صدق وفصله فوراً وحليت أنت مكانه ومن يومها وأنت تخطط وأنا أنفذ...

. أنا مقتلتش ابنك أنت آخر شخص أفكر بأذيته.....

— كداب أنا عرفت كل حاجة لَمَا سمعتك بنتفق مع دكتورة نبيلة
تقنع دكتور سامح بالفرصة إلیّ جاءت له عن طريق دكتور جون اللیّ
اتفقت معاه یلاقی لسامح فرصة عمل فی الصین بس یكون المرتب
مجزی عشان تبعده؛ لأنه هو اللیّ كان معاك فی العملية وعارف كل
حاجة وعایز تبعده بطريقة زكية من غیر ما یحس إن أنت اللیّ ورا
موضوع سفره، وسمعت كل التفاصيل وإزای صممت بعد الحادثة أنه
یدخل غرفة العمليات وتقل جزءًا من كبده لبنتك ومهمكش أن الحادثة
أثرت علیه، وكانت النتيجة أنه مات وبنتك عاشت وأنا من غبائی
وحزنی صدقت أنك عملت كل حاجة، إذن الدفن وكل الاجراءات اللازمة
عشان تقف جنبی؛ لأنی كنت منهار ، مكنتش أعرف أنك بتعمل كل ده
عشان تدارى على جريمتك، ده أنت وقفت تاخذ العزا فيه معايا لیه
یادكتور لیه، كنت قولى وأنا كنت أجيب لك متبرع من نفس فصيلة دمها
من تحت طقاطيق الأرض، لیه استخسرت فیا الولد الوحید اللیّ ربنا
رزقنى به بعد خمس بنات!!!!!!

انتھز دكتور عصام غفلته واندماجه فی حزنه حتى ترقرت عيناه
بالدموع وأمسك بيده التى تمسك بالمطواة وأزاحها بعيدًا عن عنقه ولواها
وراء ظهره ثم دفعه أمامه على الأرض وأخرج مسدسه قائلًا: — ارمى
المطواة اللیّ فی إيدك ... ارميها ...!

ورماها بالفعل قائلًا: أنت فاكّر أنى خايف أنك تموتتى حتى لو
موتنى هموت وأنا مستريح؛ لأنى خدت حق ابنى ورجعت له كبده اللیّ

أنت خدته منه غدرًا ودفنته جنبه فى تربته، أنت اللى غدرت بيا يا
دكتور

- ياغبى أفهم أنا مكنش قصدي أموت ابنك، ابنك كان بالنسبة ليا
كنز لأن فصيلة دمه زى فصيلة دم بنتى وده معناه أنه أمان بالنسبة
لها. إنه يفضل عايش عشان لو احتاجت نقل دم فى المستقبل فى أى
وقت لأى سبب يكون متوفر، كل اللى كنت عايزه جزء من الكبد وأنت
عارف أن ده مبيأثرش على وظائف كبد المتبرع...!

— يا دكتور قول كلام أصدقه فصيلة دم أيه مهما كانت فصيلتها
نادرة كنا هندور على متبرع من نفس الفصيلة ده شغلنا ياما جنبنا
متبرعين من فصائل نادرة، أنا اللى هقولك يا دكتور، لكن أنت استسهلت
وقلت لنفسك حاتم إيه ده اللى أعمله حساب

— يا حاتم صدقتى فصيلة دمه نادرة على مستوى العالم، دى
فصيلة اسمها OH نسبتها من ١ إلى ٣ فى المليون.....

— دكتور أنت فاكرنى جاهل مفيش فصيلة دم اسمها كده وبعدين
أنت عرفت منين فصيلة دمه

— لما وقع من على المرجيحة وجبته جرى على المستشفى ونزف
واحتاج لنقل دم يومها دكتور جون كان موجود وبتحليل دمه عرفنا.

— عشان كده يومها صممت أن مريم تتبرع بدمها، يعنى مش
عشان هي اللى وقعته وهو بيلعب معاها فى الجينية، وبما أن هي
السبب وفصلتهما واحدة يبقى هي اللى لازم تتبرع له وأنا يومها استغربت
لأنى عارف خوفك الكبير عليها.

– يومها دكتور جون كان عندى واستشرته فى حالة مريم المتأخرة
وكان عارف أن فصيلتها نادرة ولما حصل اللى حصل اندهش من
الصدفة وأنا قررت مضيعش وقت.....

. لما هو الموضوع كان كده كنت قولى.....

. كنت عارف ومتأكد أنك مش هتوافق.....

— ورتبت الموضوع وابنى كان هو الضحية على العموم أنا مش

ندمان حتى لو موتتى مش مهم.....

وكأن الكلمة الأخيرة جعلت دكتور عصام يفيق على أنه ممسك
بالمسدس بالفعل، وإن اندماجه فى النقاش جعله ينسى للحظات ورفع
المسدس وصوبه ناحية حاتم....

* * *

كاد الرائد مدحت أن يجن الوقت يمر دون أن يعلم أين ذهب
دكتور عصام منذ هرب من المراقبة ولم يظهر له أثر ، ضاع مجهوده
هباءً بسبب طاقم المراقبة الأغبياء .

اتصل به العميد عماد ليعرف آخر الأخبار وشرح له كل شىء
بصوت محبط حزين، طلب منه العميد عماد أن يطلععه على الأخبار
أولاً بأول، أفاق الرائد مدحت من أفكاره على اتصال من طاقم المراقبة
لإخباره أن دورية من الدوريات الراكبة أخبرت شرطة المرور أن هناك
سيارة بنفس الأوصاف تقف بمكان مهجور بأطراف المعادى، أمرهم
بالتوجه إلى هناك فوراً وأخذ العنوان ليلحق بهم ومعه القوة.

* * *

حدق حاتم بالمسدس وقال بصوت مخنوق: موتني يا دكتور
مستى إيه يلا اضغط على الزناد...؟!

ولكن دكتور عصام أوقفته قوة خفية وظهرت أمامه أطياف
مختلفة ومتداخلة، كانت هذه الأطياف عبارة عن صور مضيئة لابنته
في مراحل مختلفة من عمرها، وتدخل فجأة عليها صور أخرى غير
واضحة في البداية، ولكنها اتضحت بعد لحظات؛ لقد كانت صور لابن
حاتم وهو ملقى على السرير بغرفة العمليات، عندما قال له دكتور
سامح أن يوسف قد مات، استجمع دكتور عصام قواه وطرد هذه
الأطياف من رأسه، وقرر أن يضغط على الزناد؛ ولكنه لم يستطع؛ لقد
أحس أن أصابعه ترتعش، ثم انتقلت هذه الرعشة إلى ذراعه وخرجت
رصاصه من المسدس؛ لكنها لم تصب الهدف وسقط المسدس من يده،
سارع حاتم والتقط المسدس من على الأرض؛ لكنه سمع صوت عربات
البوليس بسريرتها المميزة آتية من بعيد، وقذف بسرعة المسدس خلفه
بعيدًا جدًا.

لحظات ورأى جنود الشرطة وهم يطوقون المكان، نزل الرائد
مدحت من العربة مسرعًا واتجه نحوهما سائلًا دكتور عصام: بتعمل إيه
فى المكان المهجور ده يا دكتور عصام؟!

فأجابه حاتم مسرعًا: أبدا دكتور عصام كان سايق العربية وفجأة
حس أن ذراعه ثقيل ومش قادر يحركه فوقفنا.

فنظر له الرائد مدحت نظرة فاحصة، كان واضح أنه يخفى شيئًا،
ثم سأل دكتور عصام مرة أخرى: الكلام ده صحيح يا دكتور؟!

وقف دكتور عصام ينظر لكل ما يحدث بذهول وهو ممسك بيده اليسرى بذراعه الأيمن ولكن سؤال مدحت جعله يفيق من ذهوله قائلاً: .
أيوه صحيح ... صحيح...

كان مدحت لا يصدق كلاهما كان يبدو عليه القلق، ثم ما الذى حدث لذراع دكتور عصام هل تعاركا وأصيب ذراع دكتور عصام ولماذا يتعارك دكتور عصام مع حاتم وهو رجله المخلص، لاحظ مدحت فجأة جرحاً بسيطاً فى عنق دكتور عصام فسأله قائلاً: وإيه الجرح اللى فى رقبتهك ده يا دكتور ...!؟

فرد عصام بعصبية: يمكن لما أخذت فرملة فجأة وبعدين خلاص ياحضرة الضابط مفيش حاجة مهمة ممكن أمشى

. اتفضل لكن هتسوق إزاي أنت مش بتقول أن ذراعك ثقل فجأة فتدخل حاتم مسرعاً ليقول: أنا يا بيه هسوق وأوصله للمستشفى...
فرد دكتور عصام قائلاً: حاتم هيوصلنى عن إذتك ...

فقال الرائد مدحت: على العموم أنا همشى بعربيتى وراكم عشان أطمئن عليك يا دكتور اتفضل.....

وركبا السيارة وسار وراءهما الرائد مدحت، كان يسأل نفسه طوال الطريق ما الذى يحدث؟ ماذا أصاب ذراع دكتور عصام هل كان هناك عراك بينه وبين حاتم؟ ولماذا يتعاركا؟ هل هذا يعنى أن حاتم له علاقه بمقتل مريم أم أنهما هما الاثنتين كانا يتعاركان مع طرف ثالث أحدث إصابة للدكتور عصام بذراعه ثم استطاع الهروب.

كثيرًا من الأفكار دارت برأس الرائد مدحت؛ لكنه وصل إلى نتيجة واحدة أن ما حدث له علاقه وثيقة بمقتل مريم؛ لذلك قرر ألا يفارق دكتور عصام؛ ليعرف ما أصابه ربما يصل لمعلومة مهمة منه أو من حاتم الذى بالتأكيد يعرف الكثير.

* * *

ركبا حاتم سيارة دكتور عصام ليوصل دكتور عصام إلى المستشفى وفى طريقهما قال دكتور عصام لحاتم:

. متفكرش أنى هسيبك أنا هعرف أنتقم منك....

لكن حاتم قاطعة بلهجة هادئة وبثقة أدهشت دكتور عصام: اهدأ يا دكتور البوليس وانا، أنا عندى فكرة ممتازة بلغ البوليس عنى ولما يسألك إيه الدافع قل لهم إنك قتلت ابنى عارف لو اعترفت على نفسك أنا مستعد أول ما أوصل المستشفى أعترف للرائد مدحت بكل حاجة.

. أنت بتتحدانى لازم تعرف أنى هاخذ حق بنتى بإيدى ...

. ما أنت جربت ومقدرتش وبعدين أنت قتلت ابنى وأنا قتلت بنتك.

— قلت لك مية مرة أنا مكنش قصدى أقتل ابلك؛ لكن أنت قتلتها

من غير لا شفقة ولا ضمير....

. أبدًا يادكتور أنا قتلتها بمنتهى الشفقة، قتلتها بالسّم ...

بدا على دكتور عصام الغيظ والغضب الشديد وهو يقول: أنت

قتلت بنتى الوحيدة، أنت فاهم... الوحيدة؛ لكن أنت عندك خمسة غيره.

. خمس بنات يا دكتور وأنت عارف أنه عندى ببناتى كلهم وأكثر.

كاد أن يرد عليه لكن حاتم استوقفه عندما أوقف السيارة قائلاً:
وصلنا
نزل دكتور عصام وحاتم وأسرع الرائد مدحت بالنزول من سيارته
ورافقهما إلى داخل المستشفى.

* * *

فوجيء دكتور عصام بدكتور فوزى عند باب المستشفى وقال
دكتور فوزى: عصام أنت فين أنا رحتك البيت مكنتش موجود قلت
يمكن تكون فى المستشفى.
لكنه لاحظ أن ذراع دكتور عصام الأيمن جامداً ويمسكه بيده
اليسرى فقال: ذراعك ما له...؟!!

. أبداً فجأة حسيت بتتميل غريب فى كل ذراعى ...

. طيب تعال معايا نفحصه ونشوف فى إيه بالظبط...؟!!

سار دكتور عصام مع دكتور فوزى ووقف الرائد مدحت مع حاتم
وهو ينظر له نظرة شك وريبة، ثم سأله قائلاً: أنت ودكتور عصام كنتم
رايحين فين...؟!!

تلعنم حاتم قائلاً: الحقيقة أنا مش عارف هو اتصل بيا وقالى
استناني هنروح مشوار مهم ...

. مقلش مشوار لفين...؟!!

. أبداً

وبعد فتره رأى الرائد مدحت دكتور فوزى وهو يبدو عليه الحزن
فسأله قائلاً: خير يا دكتور ...

فأجابه قائلاً: لا حول ولا قوة إلا بالله
وكرر هذه الجملة عدة مرات فنظر كلا من حاتم والرائد مدحت
إليه بدهشة قائلين فى صوت واحد: خير يا دكتور إيه اللى حصل...؟!
فأجابهما قائلاً: ذراعاه أصابه الشلل
كانت المفاجأة كبيرة على حاتم وسأل الرائد مدحت قائلاً: إيه
السبب؟

— مفيش سبب عضوى واضح أن السبب نفسى، أنا عارف أن
موت بنته أئر عليه؛ لكن مكنتش فاكراً أن الموضوع هيوصل للدرجة
دى.
. ممكن أشوفه ...

. آسف من ساعة ما عرف نتيجة الفحص، وهو مش عايز يشوف
حد، حضرتك متعرفش يعنى إيه ذراع جراح تصاب بالشلل!
وجد الرائد مدحت أنه فعلاً من الأفضل الانصراف أما حاتم
فوقف مذهولاً للحظات، ثم قرر الانصراف أيضاً.

* * *

ظل الرائد مدحت طوال الطريق لمديرية الأمن يفكر فيما حدث
هل دكتور فوزى على حق فى أن ما حدث بسبب موت ابنته أم أنها
بسبب معرفته من قتل ابنته؟! وحتى إن كان قد عرف من قتل ابنته،
هل هو شخص مقرب له لدرجة أن يصاب بصدمة لهذه الدرجة؟ لقد
اتهم أخوه فى البداية؛ ولكن لو كان هو بالفعل فما هو الدافع، ولو كان
هو بالفعل فلماذا يصاب بصدمة، فهذا ما كان يتوقعه منذ البداية، فكر

الرائد مدحت أنه ربما يكون شخصًا آخر أقرب من ذلك للدكتور عصام مثل مدام سوسن أو دكتورة نبيلة، ظل الرائد مدحت في حيرته تتأرجح برأسه كثير من الأفكار، دون أن يصل لنتيجة مقنعة، وصل الرائد مدحت لمديرية الأمن ودخل لمكتب العميد عماد وحكى له كل ماحدث، وبذل مجهودًا كبيرًا؛ ليقنع العميد عماد باستمرار مراقبة المشتبه بهم، وافق العميد عماد ونصح الرائد مدحت أن يذهب لمنزله ليأخذ قسطًا من الراحة، اقتنع الرائد مدحت أنه يحتاج فعلا للراحة بعد هذا اليوم الطويل المليء بالأحداث، في نفس الوقت تمكن اليأس من العميد عماد في حل هذه القضية.

* * *

الفصل السابع

مرت الأيام سريعة والزائد مدحت مستمر في المراقبة، أما الدكتور عصام فتوقف مستقبله كطبيب وترك الإدارة للدكتور فوزى خاصة بعدما علم أن سوسن باعت له نصيبها، اشترى فيلا صغيرة وأقام بها وتمكنت منه الأحزان تمامًا، حاول دكتور فوزى أن يقنعه بالخضوع للعلاج النفسى؛ ولكنه دائمًا يرفض ذلك وبشدة، هناك شعور دفين داخله بالمرارة وبالرغبة فى الانتقام، كثيرًا ماسأل نفسه لماذا لم يقتل حاتم فى تلك اللحظة؟، كثيرا ما يكون بداخلنا مشاعر متناقضة وغريبة لا نفهمها، نفس هذه المشاعر هى التى جعلته لا يبحث عن حاتم لينتقم؛ سأل نفسه هل كان سيتطيع أن يقتله فعلا لو رجع به الزمان للوراء، ووسط هذه الوحدة التى فرضها على نفسه ظل يتذكر كل شىء مر فى حياته بالتفصيل وخاصة مريم، يتذكر كيف كانت حالته عندما علم أنها مريضة بالكبد؛ ولكنه تماسك وظل يقنع نفسه أن الأمر بسيط، ولماذا يفرغ وهو الدكتور المعتاد على هذا النوع من العمليات. إنه يجد كل يوم العديد من المتبرعين لمرضاه، إذن لن يكون صعبًا عليه أن يجد متبرع لابنته، وكانت صدمته كبيرة عندما علم ندرة فصيلة دم ابنته، وطلب العون من دكتور جون ليبحت له عن أى متبرع من نفس الفصيلة، حتى لو كان من خارج البلاد، ومرّ عام دون جدوى وحالة مريم تسوء وكاد أن يفقد الأمل، إلى أن جاء ابن حاتم مع أبيه للفيللا

ودخل حاتم معه إلى المكتب وترك ابنه بالحديقة، وسمع بعد قليل صوت صراخ ابن حاتم بعد وقوعه من أرجوحة الحديقة وكان ينزف، ونقله بسرعة للمستشفى، وعرف من دكتور جون أن المتبرع الذى كان يبحث عنه فى كل أنحاء العالم موجود بجانبه طوال الوقت، ولم يضيع الوقت، كانت حالة مريم تسوء يوماً بعد يوم، وضع خطة محكمة أرسل حاتم للإسكندرية لاستلام بعض الأجهزة الطبية من الجمرک، واتفق مع عليش أن يصدّم ابن حاتم بالتاكسى الذى يعمل عليه وهو يلعب فى الحارة صدمه خفيفة، ثم يجرى مسرعاً قبل أن يمسكه أحد، واتفق مع من يتدخل عندما يزدحم الناس لتخدير ابن حاتم، وكأنه أغمى عليه من الصدمة، واتفق مع آخر أن يجرى على العيادة؛ ليخبره أمام الناس أن ابن حاتم صدمته سيارة، فهرع إليه ونقله للمستشفى وبالطبع مستشفى الصفا وليست المستشفى الأخرى التى يقوم فيها بعمليات زراعة الأعضاء، حتى لا يشك حاتم عندما يعود؛ ولكن للأسف عليش الغبى صدمه صدمة شديدة ولم يتحمل الولد ومات بعد استئصال جزء من كبده؛ ليزرع لمريم، ظل دكتور عصام يفكر فى تلك التفاصيل كل يوم، ولا يقلل من أحزانه سوى زيارة أخيه له بشكل دائم وبالرغم مما كان بينهما فى السابق من خلافات، حاول أستاذ فتحي أن يقف بجانب أخيه قدر استطاعته.

* * *

مرت الأيام على مدام سوسن بسرعة وهى تكمل إجراءات إنشاء الملجأ، وكانت سعادتها بالغة عندما رأت الأطفال تلعب وتجرى من

حولها، أحست وقتها أن الله عوضها عن ابنة واحدة بالعديد من الأطفال؛ لكنها فى الحقيقة لم تنس مريم أبداً، ولا دكتور عصام، ولم تنس ذلك اليوم المشؤم التى خرجت وراء عصام. كانت فى البداية لا تتبالي أن يراها أحدًا؛ لكن داهه سميحة نصحتها أن تخرج من الباب الخلفى، لقد رأت البوابة خالية وليس عندها حرس فإذا كانت هذه مجرد مكيدة من بعض المغرضين، ليس هناك داع أن يعلم دكتور عصام أنها شكت فيه، وغطت داهه سميحة على غيابها بأنها نائمة؛ ولكنها عندما اكتشفت إختفاء مريم اتصلت بها ورجعت من منتصف الطريق مسرعة، وعندما وصلت عند البوابة الرئيسية وجدت الحارسين يبحثان فى الحديقة، ولا يجلس عند البوابة غير عم محمد فدخلت دون أن يلحظها أحدًا، تمننت كثيرًا أن يعود الزمن وأن تجد مريم أمامها، علمت بعد فترة ما حدث للدكتور عصام ورغم كل شيء حزنت على ما ألمّ به؛ ولكنها لم تسامحه قط، حاول هو الاتصال بها مرة بعد مرة؛ دون جدوى حتى فقد الأمل، وبين حين وآخر يطمئن عليها بمعرفة أخبارها من أخيه.

* * *

قرر حاتم أن ينتقل من القاهرة هو وأسرته إلى أى محافظة أخرى، ووقع اختياره على الإسماعيلية، وفتح سوبر ماركت كبير هناك وقرر أن يترك مهنته إلى الأبد، برر جميع العاملين بالمستشفى تقديمه لاستقالته بأن زمام الأمور أصبح فى يد دكتور فوزى بالمستشفى، أو أنه حزين على دكتور عصام ولى نعمته؛ أو لأنه لن يدخل له الدخل الذى كان يدخل له من قبل، فبحث عن عمل آخر.

حاتم كان يشعر دائماً أنه مطارِد؛ لذلك لم يخبر بمكانه أحد، لكنه لم يشعر أبداً بالذنب، خاصة عندما يتذكر كيف صارت الأمور كما أراد، بل وأفضل مما أراد، منذ أن عرف بحقيقة موت ابنه وهو يفكر فى قتل مريم، نعم لا بد من قتلها، قتلها هو الشيء الوحيد الذى يشفى غليله، وجاءته فكرة الخطة كاملة عندما رأى صالح أول يوم استلم العمل فى طاقم الحراسة بفيلا دكتور عصام، لقد تذكره فوراً نعم هو صالح ابن عم درويش الذى مات بعد ٣ شهور من المعاناة من الآثار الجانبية التى حدثت نتيجة بيع كليته اليمنى، وتذكر كيف جاء إلى المستشفى واتخاَنق خناقة لرب السما، ظل يقول بصوت عال: مين المسئول عن المستشفى دي والله لأبلغ البوليس...!؟

حاولت دكتورة نبيلة فى البداية تهدئته وعندما فرغ صبرها صاحت بصوت عال بثقة: أعلى ما فى خيلك اركبه، هات دليل واحد يثبت كلامك، هات أى حاجة تثبت أن أبوك أجرى أى عملية فى المستشفى.....

خرج وهو يائس، واستغل حاتم أن صالح لم يره ولا يعرفه فضرب معاه صحبيه، فكلما أتى للدكتور عصام كان يحرص أن يجلس معه عند البوابة عدة دقائق يردش معه قليلا، فى إحدى المرات تعمد أن يسأله عن أسرته، فحكى له عن والده كيف عانى قبل أن يموت فقال حاتم بغضب: إيه ده الناس خلاص باعت ضميرها....

ومرت الشهور والأسابيع وحاتم يفكر فى وضع خطة محكمة، وجاء يوم عيد ميلاد مريم وتعمد حاتم أن يجلس مع صالح عند البوابة

الخلفية، والمدعوون يدخلون وعندما لمح سيارة دكتورة نبيلة تدخل من البوابة الرئيسية قال لصالح: شوفت البلونات اللي عند حمام السباحة أول مرة أشوف بلونات بالشكل ده .

فقال صالح: يا سلام شكلها غريب قوى.

. تعال بنفسك وشوفها...

. لأ ... مقدرش أسيب البوابة ...

. يا عم البوابة مقفولة بالقفل وبعدين دى دقيقة....

وذهب معه واقترب من حمام السباحة ثم قال: شكلها عادى أنا شفت زيتها كثير فى الفلل اللي اشتغلت فيها قبل كده.

ولكن حاتم كان مشغول بشيء آخر لقد ركنت دكتورة نبيلة سيارتها وعندما اقتربت منهما قال حاتم: مساء الخير يا دكتورة فأجابته قائلة: مساء النور

ودخلت الفيلا وعندها نظر حاتم لصالح فوجده يقف بذهول ثم سأله: قائلاً: مين دي يا حاتم؟!

فرد عليه وهو واثق أن خطته قد نجحت: دكتورة نبيلة مساعدة دكتور عصام.....

. مش ممكن

. خير يا صالح

. هي المستشفى اللي بتشتغل فيها اسمها إيه ؟

. الصفا

— لأ ... مش نفس المستشفى.. هي بتشتغل فى المستشفى من

زمان

— من ٧ سنين تقريبا واضح أن الحكاية كبيرة تعالى نقعد عند

البوابة واحكي لى كل حاجة.

جلسا معًا عند البوابة وقال صالح: فاكّر الدكتور اللى حكيت لك

عنها مديرة المستشفى...

. طبعًا

. هى نفسها دكتورة نبيلة

. مش ممكن أكيد اختلط عليك الأمر معقولة!

. صدقنى ...

— طيب اهدأ أنا أستأذن دلوقتى عشان أحضر عيد الميلاد عن

إذنك،

ذهب حاتم وترك صالح وهو يقول لنفسه: أكيد بتعمل العمليات

إياها من ورا الدكتور أكيد.....

وقرر حاتم أن يترك صالح فى حيرته لفترة، ركز حاتم اهتمامه

فى الأيام التى تلى يوم عيد الميلاد فى الاتصال بمدام سوسن كفاعل

خير؛ ليخبرها أن هناك علاقة بين دكتور عصام ودكتورة نبيلة، وكرر

هذه المكالمات عدة مرات خلال هذه الفترة، وكانت دائمًا تغلق السماعة

فى وجهه؛ لكن فى آخر مرة صاحت فيه غاضبة وهى تقول: قولى دايل

واحد على كلامك

تأكد ساعتها أن خطته قد نجحت ووعدتها أنه لن يتصل بها مرة أخرى إلا ومعها الدليل، ثم قرر أن يكمل خطته مع صالح، اتصل به فى بيته وأخبره أنه توصل لمعلومات مهمة بخصوص دكتورة نبيلة واتفق معه أن يقابله فوراً فى القهوة التى بجوار المنزل، نزل صالح لمقابلته كان يتظاهر بالدهشة والغضب الشديد فسأله صالح: ما لك إيه اللى حصل...؟!!

— تخيل عرفت بالصدفة أن دكتور عصام ودكتورة نبيلة ورا قتل ابنى.....
. إزاي ويقتلوه ليه !?

— هقولك كل حاجة لكن لازم تعرف أن دكتورة نبيلة مجرد برفان للدكتور عصام وأنهم بيتاجروا فى أعضاء الناس الغلابة اللى زى والدك . معقولة !

. أنا متأكد من كل كلمة بقولها....

. طيب اشرح لى كل حاجة بالتفصيل

شرح حاتم لصالح كل شىء عن تجارة الأعضاء التى يديرها دكتور عصام والمستشفى التى تديرها فى الظاهر دكتورة نبيلة؛ لكنها فى الحقيقة ملك دكتور عصام، أى أن دكتور عصام هو رأس الحية؛ لكنه بالطبع لم يخبره أنه جزء رئيسي في كل ذلك وتظاهر بالسذاجة وأنه لم ينتبه لذلك إلا عندما تعرف صالح على دكتورة نبيلة يوم عيد الميلاد، فبدأ يربط بعض الأحداث ببعضها فإنتابه الشك تجاه دكتور عصام وقرر أن يراقبه حتى يتأكد من حقيقة الدكتور الذى يعمل معه

لأنه لا يجب أن تأكل بناته من مال حرام، وأثناء ذلك وقع عليه خبر آخر كالصاعقة عندما تلصص ليسمع حوارًا كان يدور بين دكتور عصام ودكتورة نبيلة فعرف بالصدفة حقيقة مقتل ابنه وشرح له كل شيء عن ابنه وابنة دكتور عصام وكيف دبر دكتور عصام كل شيء بتكآء شديد، نظر حاتم فى عين صالح بعد ما شرح له كل شيء فوجد بها النظرة التى كان يريدھا، نظرة مليئة بالغضب والغیظ ثم قال حاتم بقوة: والله العظيم ما هسيب حق ابنى.....

فرد صالح مسرعًا: نبلغ الشرطة ...

فجاء رد صالح مخيب لأمال حاتم وقال مستهزئًا: بوليس إيه يا صالح دى ناس واصلة أنا لو قلت لك اسم واحد بس من اللى بيعمل لهم عمليات زرع أعضاء هيغمى عليك وبعدين إحنا مش معانا أى دليل مادی

فرد عليه صالح فى خيبة أمل: والعمل ؟

. أنا عن نفسى هاخذ حقى بأدى

. إزای ؟!

وبدأ حاتم يقنعه أنهما يجب أن يتحدا ليأخذ كل واحد منهما حقه وأقتنع صالح وحاول أن يقنعه أيضًا بالتفكير فى خطة لخطف مريم فهى نقطة الضعف الوحيدة للدكتور عصام؛ لكن صالح اعترض قائلاً: بس مريم طفلة صغيرة ملهاش ذنب

فقاطعه حاتم بحدة وقال: وابنى إيه ذنبه وأبوك كان ذنبه إيه

!؟...

وبعد جدال طويل بينهما أقنعه ببعض الأحاديث والآيات القرآنية التي تتحدث عن القصاص وأن الطفل بالطفل والرجل بالرجل والمرأة بالمرأة، وتركه يفكر، وأى واحد منها يصل لخطة مناسبة يتصل بالآخر؛ لكن حاتم لم ينتظر وذهب للفيلا في اليوم الذي يليه متظاهراً أنه ذاهب للدكتور عصام، وبالفعل دخل وتحدث معه طويلاً، ثم خرج ومرّ على صالح عند البوابة واتفق معه أن يقابله بعد مواعيد عمله وبالفعل تقابلا وأخبره حاتم أنه توصل لخطة ممتازة، تتلخص الخطة في أن يحاول صالح أن يقنع مريم أن تنزل من أتوبيس المدرسة عند الباب الخلفي للفيلا؛ ليفتح لها الباب وبذلك تستطيع أن تلعب مع الكلب ولو لمدة دقائق كل يوم دون أن يعلم أحد، خاصة والدها الذي يمنعها من اللعب معه، كان حاتم يعلم أن مشرفة الأتوبيس والسائق سيوافقان فوراً فكثيراً ما كان يشتكى السائق من صعوبة الوقوف أمام البوابة الرئيسية وأن أسهل له أن ينزل مريم عند البوابة الخلفية، كل ما كان يحتاجه حاتم يوماً واحداً تنزل مريم عند الباب الخلفي، فيكون هو في انتظارها خارج الفيلا وعندما تنزل مريم من الأتوبيس وتتجه نحو البوابة يتظاهر صالح أن مفاتيح الأقفال ليست معه ويذهب لإحضارها ويظهر حاتم لمريم ويسألها لماذا تقف عند البوابة الخلفية بالطبع سترتبك ومهما قالت سيقنعها حاتم أن يمشى معها للبوابة الرئيسية وفي الطريق سيعطيها حلوى بها منوم ثم يأخذها في السيارة المركونة في شارع جانبي، اعترض صالح في البداية خوفاً أن تقول مريم لأى أحد على هذا الاتفاق وعندما تتخطف يكون هو أول المتهمين؛ لكن حاتم أقنعه أنه إذا أكد

على مريم أن لا تخبر أحدًا بهذا الاتفاق بالتأكيد لن تفعل، واتفقا أن يتفق معها فى نهاية الأسبوع ليتم تنفيذ الاتفاق فى بداية الأسبوع الدراسى يوم الأحد، علم حاتم من متابعتة المستمرة للدكتورة نبيلة أنها ستقابل دكتور عصام يوم الجمعة ١٢ صباحًا وتذكر وعده لمدام سوسن فاتصل بها وأخبرها عن المقابلة والموعود وأعطى لها عنوان الشقة، أما صالح فلم يضيع الوقت.

فى نفس اليوم اتفق مع مريم وببراءة الأطفال وافقت وبسرعة؛ لكنها أيضًا اقترحت عليه لى تلعب مع الكلب أكبر وقت ممكن أن يصفر لها بطريقة اتفقت عليها معه عندما يكون الطريق خال بالجنينة وهى بغرفتها فإذا أجابت بصفارة مماثلة فمعنى ذلك أن الطريق خال عندها أيضًا وأنها ستأتى لتلعب مع سيزر.

وجاء يوم الجمعة وما حدث فيه فاق كل توقعات حاتم، اختار حاتم مكانًا بعيدًا إلى حد ما، ووقف بسيارة استأجرها؛ ليكشف الفيلا من بعيد ويستطيع مراقبة كل شىء، خرج دكتور عصام فى الساعة العاشرة والنصف، وفجأة لاحظ حاتم شوقى يركض بسرعة ويوقف تاكسى ويركب به، ثم خرجت مدام سوسن بعده بخمس دقائق من اتجاه البوابة الخلفية وركبت سيارة كانت تنتظرها بالخارج وعندها اطمأن حاتم أن خطته سارت على ما يرام، ذهب ليرى عن قرب البوابة الخلفية ولمعت فى رأسه فكرة وهى أن يعدل الخطة، قال لنفسه كم هذه الفتاة متعاونة فاتفقها مع صالح أن يصفر لها عندما يكون الطريق خال سيأتى لمصالحتى، واستبدل الحلوى بنوع العصير الذي تحبه مريم وذهب

لشرائه من محل قريب ووضع السم بداخل زجاجة العصير وأغلقها جيداً، رجع مسرعاً للبوابة الخلفية، كان حاتم يصفر بالطريقة التي أخبره بها صالح؛ لكنه فوجيء بصالح من خلفه يقول له: حاتم بتعمل إيه هنا.....!؟

فقال له حاتم بلهفة: كويس أنك وصلت بدرى عن ميعادك يلا صفر لمريم....

. أصفر لها ليه!؟

. هانفذ الخطة النهارده

. إزاي وشوقى ...

— شوقى مشى من ربع ساعة ومدام سوسن والدكتور كمان يعنى الطريق خال

. وافرض أن شوقى رجع !؟

. عندك حق معاك نمرته

. أيوه

— اتصل بيه وحاول تفهمه أنك هتتأخر وأطلب منه ينتظرك لحد

متوصل وشوف هيرد يقولك إيه.....!؟

واتصل صالح بشوقى ثم ابتسم وأغلق الخط وقال لحاتم: بيقول إنه ميقدرش يستنى وأنه هيمشى فى ميعاده لأن مراته بتولد فى المستشفى فرد حاتم فى سعادة: عظيم يلا بسرعة خد العصير ده وشربه لمريم وأنا هستخبى وأول ما تنام شاور لي

وأحضر حاتم السيارة بالقرب من البوابة ولم يخبر صالح أن العصير به سم حتى لا يرتبك وأخبره أنه منوم، صفر صالح لمريم فردت عليه بصفارة مماثلة ونزلت مسرعة، شربت مريم العصير وعندما أحس صالح أن المنوم بدأ مفعوله أشار لحاتم، جاء حاتم مسرعًا وأخذ مريم في السيارة وتمت الخطة كما رسمها حاتم

* * *

عدم إحساس حاتم بالذنب جعله يكمل حياته، بعد فترة تجدد شوقه في أن يكون له ولد وبحث عن عروس مع الاحتفاظ بأب البنات طبعًا وبلغت سعادته مداها عندما علم أنها حامل وظل يعد الأيام ويدعو أن تنجب له الولد ومازال ينتظر

* * *

كان يوم سعهه عندما اتصل به دكتور عصام ليأتي لمقابلته، لم يتوقع دكتور سعيد أن يبتسم له الحظ بهذه السرعة، سأله دكتور عصام هل يريد شراء المستشفى فأجابه أنه بالطبع يريد ذلك، كانت أقصى أمانيه أن يكتبها له دكتور عصام ويأخذ عليه أوراق ضد ويتركها تحت إشرافه، لكن دكتور عصام عرض عليه أن يشتري المستشفى فعليًا وأن يدفع ما يمكنه فوري والباقي يكتب به ١٠ شيكات وعندما يجمع مبلغ الشيك الأول يدفعه له ويأخذ الشيك وهكذا في باقي الشيكات حتى يسدد ثمن المستشفى بالكامل، وافق دكتور سعيد وراح يجتهد ليجمع المبالغ المطلوبة منه بسرعة فائقة، لم يكن في الحقيقة دكتور سعيد دكتور متميز في مهنته، كان دائمًا يستعين به دكتور عصام كطبيب مساعد،

بعض أن يتم تخدير المتبرع والمريض، يدخل دكتور عصام ودكتورة نبيلة غرفة العمليات حتى لا يتعرف عليهما المتبرع، بعد ذلك تقوم الدكتورة نبيلة مع دكتور سامح باستئصال العضو المطلوب من المتبرع، ثم يقوم دكتور سعيد وعدد آخر من الأطباء بتولى أمر المتبرع أما دكتور عصام فيتولى أمر المريض من البداية إلى النهاية بحرص شديد؛ لذلك قرر دكتور سعيد أن يتولى الإدارة وليس كما كانت تتظاهر الدكتورة نبيلة أمام المتبرع في السابق واستعان بعدد إضافي من الأطباء، في الحقيقة إن المرضى المترددين على المستشفى لم يكونوا في نفس المستوى المادى للمترددين في السابق، وبالتالي فهم لا يدفعون بنفس السخاء مما دفع دكتور سعيد لجلب متبرعين من العشوائيات وأطفال الشوارع ليدفع لهم مبالغ زهيدة وبذلك استطاع أن في فترة قصيرة تسديد ٣ شيكات من ثمن المستشفى وبسرعة فائقة أدهلت دكتور عصام نفسه.

* * *

ظلت الكوابيس تطارد صالح في منامه، رغم أنه استطاع أن يتماسك خلال فترة التحقيق، إلا أنه لم يستطع نسيان صورة مريم، تلك الطفلة البريئة التي صدقته، بدأت والدته تلاحظ ارتبাকে المستمر ونفسيته المتعبة باستمرار، وكثيرًا ما كانت تلح عليه في السؤال عن سبب ما ألم به لكنها لم تجد عنده إجابة شافية، وبمرور الأيام كبر لديه الإحساس بالذنب وبدأ يكثر من الصلاة والصوم وقراءة القرآن، في البداية فرحت والدته ولكن بعد فترة بدأت تشعر أن الأمور تزيد عن

حدها، انتهى به الحال إلى أن ترك العمل بشركة الأمن واكتفى بوظيفة صغيرة بدار المناسبات بجامع الحى الذى يسكن به.

* * *

استدعى العميد عماد الرائد مدحت قائلاً: اتفضل قضية جديدة...

فأجابه باستغراب: قضية إيه يا فندم؟!!

. واحد بلغ عن إختفاء زوجته ...

. وقضية مريم؟!!

. القضية اتحفظت

. إمتى...؟!!

. النهارده ...

. لكن يا فندم ...

- مدحت اتفضل ده ملف القضية الجديدة أتمنى يحالفك الحظ فى

حلها أنا عارف أن أنت كفاءة عالية لكن لازم تعرف أن حفظ بعض

القضايا ده شيء عادى ...

. حاضر يا فندم ...

وخرج الرائد مدحت وبيده ملف القضية الجديدة وهو يسأل نفسه

ما مصير هذه القضية هل سيحلها أم مصيرها كسابقتها الحفظ...؟!!

تمت

السيرة الذاتية

* داليا (محمد رضا) بلال

* اسم الشهرة: داليا محمد رضا

* محل الميلاد: القاهرة

* عضو بأتحاد كتاب مصر

* بكالوريوس إدارة حاسبات ونظم معلومات/ أكاديمية السادات بالمعادي

العمل: (Specializing in e-learning) web designer

* نشرت الكثير من كتاباتها بالمواقع الإلكترونية

**** صدر للكاتبه**

* اختفاء مريم . رواية . سندباد للنشر بالقاهرة ٢٠١٠

* اغتيال يوسف . رواية . سندباد للنشر بالقاهرة ٢٠١١

* أموال ودماء . رواية . سندباد للنشر بالقاهرة ٢٠١٣

* عمارة الموت . رواية . ليلي للنشر والتوزيع (كيان كروب) ٢٠١٧

** للتواصل مع الكاتبه عبر البريد الإلكتروني:

Daliamohamed510@yahoo.com

** للتواصل مع الكاتبه عبر الفيسبوك :

https://www.facebook.com/Novelist.Dalia.Mohamed.Reda/?eid=ARCk8vvQSaECTIR63asXCP_cw_qeX5iv4CtYb6TQfoRsb9HW9x35ibcthGDSk_14zociWRT_Smnqx86x

قائمة إصدارات سندباد للنشر

- ١ . بالوظة . فؤاد حسين . مصر . قصص
- ٢ . المايسترو . محمود ماهر زيدان . مصر . قصص
- ٣ . الرقص تحت المطر . حسن البقالي . المغرب . قصص
- ٤ . الولد الذي تخطى السور . جهاد الرملي . مصر . قصص
- ٥ . كأس بييرة . سهيلة بورزق . الجزائر/ أمريكا . قصص
- ٦ . رجل مجنون، هل فعلا أحبه؟! . فادية إبراهيم . مصر . قصص
- ٧ . للعشق وجه آخر . فوزية دياب . مصر . شعر
- ٨ . مطعم اللحم الآدمي، يرحب بكم / الحسن بنمونة / المغرب / قصص
- ٩ . طوفان . إسماعيل البويحيماوي . المغرب . قصص
- ١٠ . شاطئ الحنين . عزة دياب . مصر . قصص
- ١١ . دعوة للحب . فوزية دياب . مصر . شعر
- ١٢ . ترانيم الغروب . فوزية دياب . مصر . شعر
- ١٣ . العزف على أوتار الألم . فوزية دياب . مصر . شعر
- ١٤ . درة الشرق . فوزية دياب . مصر . شعر
- ١٥ . بأسنة الرماح . شوقي مسلماني . لبنان / أستراليا . قصص
- ١٦ . النقش بالحناء . حنان كوتاري . المغرب . قصص
- ١٧ . إلي رجل قد يأتي . روزمين الصياد . السودان . شعر
- ١٨ . عشيقة عرابي . محمد السنباطي . مصر . رواية
- ١٩ . مقهى قدوس حنين . رضا عودة . مصر . رواية
- ٢٠ . قواعد الميراث . إبراهيم نسيم . مصر . دراسة
- ٢١ . مرايا الغروب . فوزية دياب . مصر . شعر

- ٢٢ . مسافرة للصمت . فوزية دياب . مصر . شعر
- ٢٣ . زينب وأخواتها . فاطمة فوزي . مصر . قصص
- ٢٤ . أرض الميت . هشام آدم . السودان . رواية
- ٢٥ . أنهار لا تعرف الخوف . جمال مرسى . مصر . شعر
- ٢٦ . اعترافات الورد والشوك . إيهاب سلام . مصر . رواية
- ٢٧ . أجنحة صغيرة . سمية البوغافرية . المغرب . قصص
- ٢٨ . إعمار الحب . حمدي الهواري . مصر . شعر
- ٢٩ . أزمنة الرحيل . صلاح خليفة . السودان/ أمريكا . شعر
- ٣٠ . بنات الخرطوم . سارة منصور . السودان/ أمريكا . قصص
- ٣١ . نور في بداية النفق . لمي منير . العراق . قصص
- ٣٢ . التي في خاطري . حسن حجازي . مصر . شعر
- ٣٣ . إفلاس دولت . أماني الشرقاوي . مصر . قصص
- ٣٤ . قراءة في أبجديات مغتربة . صالح الهنيدى . السعودية . شعر
- ٣٥ . وطن اسمه أفيغان/ بدل رفو المزورى/ كودريستان العراق/ شعر
- ٣٦ . ترانيم للشوق والعذاب . أحمد فتحي . مصر . شعر
- ٣٧ . عيون الفجر الزرقاء . إدريس الجرماطى . المغرب . رواية
- ٣٨ . حبيبتي تفتح بساتينها . محمود قحطان . اليمن . شعر
- ٣٩ . بيت فنانة . صفاء عبد المنعم . رواية . مصر
- ٤٠ . اللجوء السياسي . الملف الأسود/ سارة منصور/ قصص/ السودان
- ٤١ . مِعْرَاجٌ لِسَمَاءٍ تَحْتَرِقُ . ثَقَى المُرْسِي . مصر . شعر
- ٤٢ . أسرار الليل . إدوارد فيليبس . مصر/ أمريكا . قصص
- ٤٣ . ليلة الحب الأخيرة . محمد الكاشف . مصر . قصص
- ٤٤ . أمريكياني من حي الزبالين/ إدوارد فيليبس/ مصر/ أمريكا . مسرحية
- ٤٥ . الطافش . حسن الجوخ . مصر . مجموعة قصصية

٤٦. طُلي ثريات البشارة . وحيد عبد الخالق راغب . مصر . شعر
٤٧. عُصْص . فرج محمود . مصر . رواية
٤٨. الآباء ليسوا ملائكة . زهرة جقريف . الجزائر . رواية
٤٩. مثل فيل يبدو عن بعد/ حسن البقالي/ المغرب/ قصص قصيرة جدًا
٥٠. فساتين النشوة . أماني الشرقاوي . مصر . رواية
٥١. القاغيش . محمد البلبل بوغنيم . المغرب . قصص
٥٢. أستميحكِ وردًا . سامي العامري . العراق/ ألمانيا . شعر
٥٣. تأملات قزح . عبد ربه أسليم . غزة/ فلسطين . شعر
٥٤. البحث عن نيرمانا بأصابع ذكية . شريف الشافعى . شعر . مصر
٥٥. أيام الراقصة صوفى . محمود ماهر زيدان . رواية . مصر
٥٦. اختفاء مريم . داليا محمد رضا . رواية . مصر
٥٧. نقش على جدار الذكريات . ماجد الملاذى . شعر . سورية
٥٨. الموت والميلاد . د. نزار الجبورى . شعر . العراق
٥٩. وجدان وأشلاء دماها . خالد أقلعى . قصص . المغرب